



志卷第九十六

宋史一百四十三

開府儀同三司柱國錄軍國重事尚書右丞相監修國史領經筵事都總裁臣朕躬等奉

敕修

儀衛一

殿庭立仗

綦天下之貴一人而已是故環拱而居備物而動文  
謂之儀武謂之衛一以明制度立等威一以慎出入  
遠危疑也書載弁戈冕劉虎賁車輅周官旅賁王出  
入執盾以夾王車朝儀之制固已粲然降及秦漢始  
有周廬陛戟函箒金根大駕法駕千乘萬騎之盛歷  
代因之雖或損益然不過為尊大而已宋初因唐五

代之舊講究修葺尤為詳備其殿庭之儀則有黃麾  
大仗黃麾半仗黃麾角仗黃麾細仗凡正旦冬至及  
五月一日大朝會大褒冊受賀受朝則設大仗月朔  
視朝則設半仗外國使來則設角仗發冊授寶則設  
細仗其凶薄之等有四一曰太駕郊祀大饗用之二  
曰法駕方澤明堂宗廟藉田用之三曰小駕朝陵封  
祀奏謝用之四曰黃麾仗親征省方還京用之南渡  
之後務為簡省此其大較也若夫臨時增損用置不  
同則有國史會要禮書具在今取所載撮其凡為儀  
衛志

殿庭立仗本充序之制唐禮殿屯門門皆列諸衛黃  
麾大仗亦與太祖增創鑄續諸旗并幡麾等者不通  
禮正至五月一日御正殿則陳之青龍白虎旗各一  
分左右五獄旗五在左五星旗五在右五方龍旗二  
十五在左五方鳳旗二十五在右紅門神旗二十八  
分左右朱雀真武旗各一分左右阜纛十二分左右  
鈿上天一太一旗各一分左右攝提旗二分左右五  
辰旗五北斗旗一分左右鈿火上斗在左在右五  
各一角信至至變宿在左在右左風伯雨師旗各一分左右白  
澤馴象仙鹿玉兔馴犀金鸚鵡瑞麥孔雀野馬羣生

旗各二分左右日月合璧旗一在左五星連珠旗一  
在右雷公電母旗各一分左右軍公旗六分左右黃  
鹿飛麟兕觥牙白狼蒼烏辟邪網子龜旗各二分左  
右信幡二十二分左右傳教告止幡各十二分左右  
黃麾二分左右知上日旗月旗各一分左右君王萬  
歲旗一在左天下太平旗一在右獅子旗二分左右  
金鸞金鳳旗各一分左右五方龍旗各一青赤在左  
黃白在右  
右以上龍君虎君旗各五分左右赤豹黃熊旗各五  
分左右小黃龍旗一在左天馬旗一在右吏兵力士  
旗各五分左右天王旗四分左右太歲旗十二分左

右天馬旗六分左右排欄旗六十分左右左右幡擎  
各五行行七十五大黃龍旗二分左右大神旗六分  
左右以上神宗元豐二年詳定所言正旦御殿合用  
黃麾仗案唐開元禮冬至朝會及皇太子受冊加元  
服冊命諸王大臣朝宴外國亦皆用之故事皇帝受  
羣臣上尊號諸衛各率其屬勒所部屯門殿庭列仗  
衛今獨修正旦儀注而餘皆未及欲乞冬會等儀悉  
加詳定詔從之又言御殿儀仗有黃麾幡三而無黃  
麾請製大麾一注旄於干首以取夏制黃色以取漢  
制用十二幅以取唐制用一旒以取今龍墀旗之制

建於當御廂之前以爲表識其當御廂之後則建黃  
麾幡二上謂蔡確等曰黃麾制度終有可疑今鑿而  
爲植於大庭夷夏共瞻或致博聞多識者譏議非善  
宜姑闕之乃止三年詳定所言昨定朝會圖於大慶  
殿橫街北止陳大輦逍遙平輦而輿未陳也當大輦  
之南增腰輿一小輿一古者扇翣皆編次雉羽或尾  
爲之故於文從羽唐開元改爲孔雀凡大朝會陳一  
百五十有六分居左右國朝復雉尾之名而四面略  
爲羽毛之形中繡雙孔雀又有雙盤龍扇皆無所本  
遂改製編扇團方扇爲三等繡雉凡朝會平輦逍遙

並陳於東西龍墀上徽宗政和三年議禮局上大慶

殿大朝會儀衛黃麾大仗五千二十五人仗首左右

廂各二部絳引幡十執各一人第一部左右領軍衛大將

軍各一員第二部左右領軍衛折衝掌鼓一人帥兵

官一十人次執儀刀部十二行每行持各十人後部並仗

同第一行黃雞四角麾凡筆皆持以龍頭竿第二儀鎧五色幡

第三青孔雀五角麾第四烏戟第五緋鳳六角麾第

六細弓矢第七白鷺四角麾第八朱滕絡盾刀第九

阜鵝六角麾第十細弓矢第十一稍第十二綠滕絡

盾刀揭鼓二掌鼓三人後部同以上排列左右廂第一

嘉靖丙辰年  
監生繆可貞刊

部各於軍負之南居次廂第一部稍前第二部於第一  
部之後並相向次廂左右各三部第一左右屯衛  
第二左右武衛並大將軍第三左右衛將軍各一員  
第一果毅第二第三折衝各一員於仗首左右廂第  
一部之南相向持黃麾幡二人在當御廂前分立當  
御廂左右各一部左右衛果毅各一人於玉輅之前  
分左右並北向次後廂左右各三部第一左右驍衛  
將軍第二左右領軍衛折衝第三左右領軍衛果毅  
各一員第一部分於當御廂之左右差後第二部左  
右金輅之後西偏右在象轎之後東偏第三部左在

革輅之後西偏右在木輅之後東偏並北向次左右  
廂各三部第一左右武衛將軍第二左右屯衛將軍  
第三左右領軍衛折衝各一員各在網子鷄鷄纛旗  
之前東西相向左右廂各步甲十二隊第一隊左右  
衛果毅第二左右衛第四左右驍衛第六左右武衛  
第八左右屯衛第十第十二左右領軍衛並折衝第  
三左右驍衛第五左右武衛第七左右屯衛第九第  
十一左右領軍衛並果毅各一員每隊旗一纛鷄鷄  
僊鹿金鸚鵡瑞麥孔雀野馬犛牛甘露網子  
內第一隊  
同第一隊 刀盾弓矢相間分十二隊每隊三十人五重第

一至第六隊在仗首第二部北第七至第十二隊在  
 仗首第二部南東西相向左右廂後部各十二隊第  
 一第二左右衛第五第七左右武衛第十第十二左  
 右領軍衛並折衝第三第四左右驍衛第八第九左  
 右屯衛並果毅每隊旗二角觶赤熊兕太平馴犀鷄  
 鷄驪騶騶牙蒼烏白狼龍馬金牛次弩五人為一列  
 弓矢十人為二重稍二十人為四重以上在大慶殿  
 門外第一至第四隊在前第五至第八隊在後第九  
 至第十二隊又在後東西相向真武隊金吾折衝都  
 尉一員仙童真武騰蛇神龜旗各一執各一人爆稍二人

弩五人為一列弓矢二十二人為四重稍二十五人  
 為五重以上在大慶門外中道北向排列殿中省尚  
 輦陳孔雀扇四十於簾外執各一人陳輦輿於龍墀大輦  
 在東部押執擎人二百二十有二人腰輿在南二十  
 有七人小輿又在南二十有五人皆西向平輦在西  
 道遙在南共三十七人皆東向設繖扇於沙墀方繖  
 二分左右執繖將校四人團龍扇四分左右執扇都將四人方雉扇  
 一百分繖扇之後為五行執扇長行一百人押當職掌二人  
 各立團龍扇之北金吾引駕官二人分立團扇之南  
 文德殿入閣之制唯殿中省細仗與兩省供奉官班

於庭太宗淳化二年增黃麾仗二百五十人神宗熙寧三年修閣門儀制宋敏求言本朝惟入閣乃御文德殿視朝今既不用入閣儀即文德殿遂闕視朝之禮乞下兩制及太常禮院約唐御宣政殿制裁定以備朔望正衙視朝之禮詔學士院詳定學士韓維等上其儀朔前一日有司供張于文德殿庭東面左金吾引駕官一人四色官二人各帶儀刀被金甲天武官一人判殿中省一人排列官一人扇二方繖一金吾仗碧欄十二各執儀刀兵部儀仗排列職掌一人軍器局儀仗二人黃麾幡一告止幡傳教幡信幡各八

龍頭竿戟各五十西面右金吾引駕官以下皆如東面天武官東西總百人門外立仗其東青龍旗一五嶽旗五五龍旗十其西白虎旗一五星旗五五鳳旗十御馬東西皆五匹每匹人員二人御龍官四人設御幄於殿後閣其日左右金吾將軍常服押本衛仗殿中省官押細仗東西對列候皇帝受朝降坐仗乃退徽宗政和三年議禮局上文德殿視朝之制黃麾半仗共二千二百六十五人殿內仗首左衛各一部每部一百二十四人在金吾仗南東西相向各引幡十執人分部之南北為五重當御廡左右部同



左部在帥兵官東右部在帥兵官西各為十重左右

領軍衛大將軍各一員居部之中次相左第三部同掌

鼓一人次大將軍後次相左第一相中當御廂在

二部次折衝次後帥兵官十人分部之南北為五重

北在絳引幡之南南在絳引幡之北次廂左右第一

第二第三部在部之南北當御廂次後廂左部在黃

麾東右部在黃麾西執儀刀部十行行十人每色兩

行為五重次相左右第一第二第三部同當御廂次

為首右部以西為第一行龍頭竿黃雞四角斝此斝

項平第二儀鎗五色幡此幡三青孔雀五角斝第四鳥

第五細弓夫第七白鵝四角斝

第八朱騰此阜鵝六角斝第十稍搗鼓二

掌搗鼓一人此

備十五人次左右廂仗首之南東西相向第一部左右

屯衛大將軍及果毅各一員第二部左右武衛大將

軍第三部左右衛將軍各一員折衝各一員黃麾幡

二分立當御左右廂前中間北向當御廂左右各一

部每部一百二十四人在殿門內中道分東西並北

向次後廂左右部同大左右衛果毅各一員此

慶殿劍於架之南

此

部東次後左次後廂左右各一部每部一百一十  
四人次當御廂南左右驍衛將軍各一員左右廂各  
一員軍六隊第一隊每隊二十三人第二隊每隊二十七人分東西在仗  
隊後第一左右衛第三左右武衛第五左右領軍衛  
並采殺各一員第二左右驍衛第四左右屯衛第六  
左右領軍衛並之衛各一員每隊旗二龍金鸚鵡  
各一員牛甘露鵝各一員肩弓矢相間人數行列同  
前左右廂步軍數門外左右廂後部各六隊每隊二  
十人在部下規棧後東西相向第一隊左右衛窮  
一左右武衛第五左右領軍衛並折衛各一員第二

左右驍衛第四第六左右屯衛並果毅各一員角觶  
太平馴犀騶牙白狼蒼鳥等旗各二弩五人為一列  
弓矢十人為二重稍二十人為四重真武隊五十七  
人在端禮門內中道北向大慶殿於殿門外前有金吾折衝  
都尉一員僊童真武騰蛇神龜等旗各一爆稍二人  
弩五人為一列弓矢二十人為四重稍二十五人為  
五重排列仗隊職掌六人分立仗隊之間殿內四人  
殿外二人殿中省尚輦陳扇二十於簾外執扇殿侍  
二十人陳腰輿小輿於東西架殿腰輿在東小輿在  
西人員都將各一人輦官共四十人陳繳扇於殿下

方繖二團龍扇四並分左右夾繖執扇各一人方纒

扇六十作三重在繖扇之後將敕或節級人金吾

左右將軍各一員在繖扇之南稍前四色官四人二

人立於將軍之南與繖扇一列官敕放仗之人在引

駕官南執儀刀引駕官二人在親從官後長行二十

四人在四色官之南排列官二人在長行之南次金

甲天武官二人在長行南以上並分東西相向立設

旗於殿門之外青龍旗一在左五獄神旗各一次之

五方色龍旗各一次之五方色龍旗各一又次之白

虎旗一左右五星神旗各一次之五方色鳳旗各一

次之五方色鳳旗各一又次之詔頒行之大慶殿冊命諸王大臣

臣黃麾仗準文德殿視朝

政和中大祀饗立仗大黃龍負圖旗一執紼二百人

陳于闕庭赤龍旗南少西太黃龍旗之北宣和冬祀

陳于大內前太黃龍旗一執紼六十人陳于遂頓官

門外宣德門次大黃龍負圖旗之南宣和此旗下又

有日月五星連珠北斗招搖蒼龍白虎朱雀玄武君

王萬歲獅子金童金鳳五方龍天下太平等旗凡二

十一正至受朝同龍墀旗陳於殿庭太廟在西櫺星

門外路南次赤龍旗少北青城在泰禋門外夏祭大

禮在明禋門外赤龍旗之南

宗禮禮祭大禮不設大黃龍旗

大神旗六執紼各九十人宣德門泰禋門並陳于大

黃龍旗之南東西相望太廟陳于西櫺星門外大黃

龍旗之西少南視赤龍旗為列南北相望龍墀旗執

紼各十二人左右有日月旗各一次君王萬歲旗一

宣德門泰禋門在路東太廟在門外路南次獅子旗

二左右有金鸞金鳳旗各一次五方龍旗各一青黃

赤龍旗宣德泰禋門在東大廟在南黑白龍旗宣德

泰禋門在西太廟在北次天下太平旗一宣德泰禋

門在路西太廟在路北以上旗皆在車駕前發仗內

執紼人並錦帽五色繩繡寶相花衫錦臂鞞革帶

政和中遼使朝紫宸殿用黃麾角仗共一千五十六

人殿內黃麾幡二次四色官之南分左右仗首左右

廂各一部每部一百四十人朶殿下稍南絳引幡十

分部之南北各為五重左右領軍衛大將軍各一員

在部中稍南次廂左右第一第二部同掌鼓一人次大將軍後次廂

左右第一部次果毅第二部次折衛帥兵官十人分部之南北北在絳引幡之

南南左絳引幡之北次廂左各為五重執儀刀部九

行每行持各十人第一龍頭竿黃雞四角斿皆持以龍頭竿

第二儀鎧五色幡第三青孔雀五角斿第四烏戟第

五緋鳳六角斃第六細刀矢第七白鵝四角斃第八

稍第九皂鵝六角斃掌揭鼓一人在緋斃烏戟之後

次廂左右第一第二部同次廂左右各二部每部一百五人次左

右廂仗首之南第一部左右屯衛大將軍果毅各一

第二左右武衛大將軍折衝各一員掌鼓以下至

掌揭鼓人數並同仗首殿外左右廂各步甲三隊每

隊三十三人第一左右衛第三左右武衛並果毅第

二左右驍衛折衝並各一員貔金鸚鵡瑞麥旗各二

以次分在三隊刀盾三十人為五重內第二隊弓矢左右廂

後部各三隊第一隊每隊三十八人第二隊每隊三十三人第一左右衛第

三左右武衛並折衝第二左右驍衛果毅角觶太平

馴犀並各二以次分在三隊弩五人為一列弓矢十

人為二重第一第二三稍二十八人為四重排列儀隊職

掌二人次廂第二部之南分左右以上殿前儀隊東

西相向排列殿中者為掌陳儀輦於東西兩殿中

在東西向道蓬輦在西東向道織扇於殿下織二

分左右團龍扇四分左右夾方織方雉扇二十四扇

左右各二重在織扇之後金吾四色官一人

殿中丞文德殿發所用黃麾細仗共一千四百二人

殿中丞文德殿發所用黃麾細仗共一千四百二人

殿中丞文德殿發所用黃麾細仗共一千四百二人

各一在殿東階之東以西為上月旗天下太平旗御  
子旗金鳳旗白龍旗黑龍旗各一在西階之西以東  
為上階旗但此何立押堂職掌二人分去左右三於  
日月在南六方繼二團龍扇四夾方繼次金吾二將  
軍二人將軍四人執駕官四人次金甲二人次四色  
官六人內一人執笏餘執金銅儀刀次碧欄二十四  
人內執金銅儀刀左右各六人在北次都押符二人  
立於碧欄之南少退次早盞縣旗一十二每盞左右  
金吾仗司員僚各一人押肅立於旗南次青龍旗一  
在東有元旗一在西擡旗人員僚二人押旗在旗之

北以上並分左右東西向次五方龍旗在東五方鳳  
旗在西各二十五每五旗相間各依方色排列次五  
嶽神旗五在東五星神旗五在西各依方位排列旗  
三鼎次朱卷旗一在東真武旗一在西擡旗以上  
並北向冒節二人押旗在旗之南分左右次紅門旗  
二十八分左右擡旗次真卯辰巳午未旗六在東  
申酉戌亥子丑旗六在西天王旗四分左右夾辰旗  
次龍君赤豹吏兵旗各五每旗各為一列在東每列  
掩尾天馬旗一以次在東次虎君黃龍力士旗各五  
每旗各為一列每列掩尾天馬旗一以次在西擡旗

人員僚六人押仗各分五旗前次員僚四人押旗分  
左右東西各一列每列左廂第一隊鴉雞白澤玉馬  
執旗曰瀆旗各一為一列下正第六隊第二隊角元  
氏房心宿旗各一第三隊虛危室壁奎宿旗各一集  
四隊參井鬼柳宿旗各一第五隊三角獸黃鹿  
蒼文馴象飛麟旗各一第六隊辟邪王充吉利仙鹿  
祥雲旗各一第七隊花鳥飛黃野馬金鸚鵡瑞麥旗  
各一第八隊孔雀兎茸露網子角龍旗各一並各為  
一列第九隊犀牛旗一設於孔雀後左廂第一隊  
馬左廂第一第二隊尾翼牛文宿旗各一第三隊

婁胃昴畢觜宿旗各一第四隊星張翼軫駃騠旗各  
一第五至第八隊並同左廂第五至第八第九隊騶  
牙旗蒼烏旗各二相間為一列每旗執  
檮三人俱北向員僚  
二人押黃麾立於龍鳳旗之北左右廂五色龍鳳旗  
之東西各設黃麾幡二次告止幡傳教幡信幡各五  
次絳麾幡二次絳引幡五員僚五人押黃麾立於龍  
鳳旗北少東排欄旗三十自黃麾幡東西排列以次  
於南每旗執  
檮三人俱北向鐙杖哥舒各三十於殿東西兩  
廂排列鐙杖起北哥舒間之俱東西相向左右廂執  
白柯槍各七十五人東西相向又於騶牙旗南設大

黃龍旗一在殿門裏少西執槍二十人小黃龍旗一在大黃龍旗後少西執槍三人次大神旗六分左右衛尉等押當儀仗職掌四人排列通直官二人大將二人節級二人檢察六人左右金吾仗司押當職掌排列官各一人職掌大將檢察凡大朝會儀衛有司皆依令式陳設

初宋制有黃麾大仗半仗角仗細仗南渡後儀仗尤簡惟造黃麾半仗角仗細仗而大仗不設中興大朝會四朝惟一講紹興十五年正月朔旦是也然止以大仗三分減一用三千三百五十人自是正旦冬至

俱免大朝賀以爲定例焉黃麾半仗者大慶殿正旦受朝兩宮上冊寶之所設也用二千四百一十五人其內儀仗官兵等一千八百三人兵部職掌五人統制官二人皆幞頭公裳腰帶靴笏金吾司碧欄三十二人幞頭碧欄衫銅革刀執儀刀將官二人幞頭緋抹額紫繡羅袍背騰蛇銅革帶執儀刀笏頭一十人素帽紫袖衫纈衫黃勒帛執銅仗子金銅甲二人兜鍪甲衫錦臂衣執金銅鉞斧絳引幡十告止幡傳教幡信幡各二執幡人皆武弁緋寶相花衫勒帛黃麾幡二執幡人武弁黃寶相花衫銅革帶小行旗三百



人素帽五色抹額緋寶財衫勒帛五色小氅三百人  
儀鎧四十人皆纈帽五色寶相花衫勒帛金節一十  
二人武弁青寶相花衫銅革帶及叉三十人素帽五  
色寶相花衫勒帛綠稍二百一十人素帽緋寶相花  
衫勒帛烏戟二百一十人纈帽緋寶相花衫勒帛白  
柯槍六十人素帽子銀褐寶相花衫勒帛儀弓二百  
七十人纈帽素寶相花衫勒帛儀弩六十人平巾幘  
緋寶相花衫勒帛銅仗子二十人素帽紫紬衫黃勒  
帛儀刀百八十四人平巾幘緋寶相花衫內大旗下  
六百一十二人大旗三十四龍旗一十鳳旗一十五

星旗五嶽旗各五青龍旗白虎旗朱雀旗玄武旗各  
一每旗扶拽一十七人搭材一名武弁五色寶相花  
衫勒帛其外殿中輿輦繖扇百三十三人逍遙平輦  
各一每輦人員八人帽子宜男纈羅單衫塗金銀柘  
枝腰帶輦官二十七人幞頭白獅子纈羅單衫塗金  
銀海捷腰帶紫羅裏夾三檐中道繖扇六十六輦官  
七十人素方繖四十四人弓脚幞頭碧欄衫塗金銅  
革帶烏皮履繡紫方繖落花團扇二十八人雉扇  
二十二入準備四人皆武弁緋寶相花袍銅革帶鳳  
扇二十二入黃抹額黃寶相花袍黃勒帛編排儀仗

職掌五人立殿下繖扇後烏皮介幘緋羅寬衫白羅  
大帶其黃麾小半仗者大慶殿冊皇太子及穆清殿  
皇后受冊之所設也用一千四百九十九人其內儀  
仗官兵等八百八十七人兵部職掌十二人金吾司  
碧欄三十人絳引幡二告止幡一傳教幡一信幡一  
用十五人黃麾幡一三人小行旗百八十人五色小  
斃子百八十人金節十二人儀鎗斧二十三人綠稍  
七十五人烏戟七十五人白柯槍八十一人儀弓六  
十三人儀弩四十五人銅仗子一十人儀刀六十七  
人統制官將官牽頭金銅甲皆與前半仗同內大旗

下六百一十二人殿中輿輦繖扇百三十二人皆同  
前半仗其黃麾角仗者大慶殿冬至受朝紫宸殿卽  
位兩宮賀節慶壽紫宸殿受金使朝之所設也用一  
千五十六人內金吾司放仗官二人統制官一人攝  
大將軍六人旁頭五人黃麾幡一三人絳引幡八二  
十四人金節十二人儀弓七十人儀弩五十人儀刀  
七十人儀鎗斧一十三人白柯槍三十人綠稍七十  
人烏戟七十人小行旗三百人五色小斃三百人銅  
仗子三十人其黃麾細仗者大慶殿文德殿發冊及  
進國史之所設也東都用一千四百二人中輿後或

用百人至五百人隨事增損而其執仗有四小行旗  
五色小氅儀刀銅仗子其服色有四纈帽子素帽子  
平巾幘武弁冠五色寶相花衫勒帛○大朝會之外  
有日參四參六參朔參望參朔參用釐務不釐務通  
直郎已上望參用釐務通直郎已上宣制非時慶賀  
以望參官餘以朔參官四參官謂宰執侍從武臣正  
任文臣卿監員郎監察御史已上四參遇雨則改日  
參在京宮觀奉朝請者赴六參高宗移蹕臨安殿無  
南廊遇雨雪則日參官於南閣內起居宰執使相立  
簷下侍從兩省臺諫官以下立南閣內鄉監郎官武

功大夫以下立東西廊紹興十二年十月有司請行  
正至朝賀禮及講求祖宗故實常朝視朝正衙便殿  
之儀乃討論朔日文德殿視朝紫宸殿日參望參垂  
拱殿日參四參假日崇政殿坐聖節垂拱紫宸殿上  
壽之制請先御正殿視朝十一月禮部侍郎王賞言  
正至大慶賀受朝係御大慶殿與文德紫宸垂拱殿  
禮制不同月朔視朝則御文德殿謂之前殿正衙設  
黃麾半仗其餘紫宸垂拱皆係別殿不設儀仗今大  
慶殿朝會禮文繁多欲先舉行文德殿視朝之制時  
行宮止一殿乃更作崇政垂拱二殿御史臺請以射

殿爲崇政殿朔望權置帳門以爲紫宸殿宣赦書德音麻制以爲文德殿羣臣拜表聽御札批答權作文德殿東上閣門其垂拱殿四參於殿門外設位版十三年始視朝于文德殿設黃麾半仗二千四百十五人六月紫宸殿望參設黃麾角仗一千五十六人自是後殿坐及射殿引呈公事以日景已高依舊制設衛士青涼織十淳熙十四年詔引呈射殿公事殿門外排立御馬如後殿之儀○大朝會儀舊制垂拱殿設簾殿上駐輦候起居稱賀班絕乘輦樞密知閣門官樞密都副承旨諸房副都承旨前導管軍引駕至

大慶殿後幄降輦入次更衣紹興十五年正月朔旦以二殿經塗與東都異乃以常御殿爲垂拱殿免駐輦設簾帷設椅子稱賀畢過大慶殿後幄前期儀鸞司設御榻於大慶殿中南向設東西房於御榻左右稍北設東西閣於殿後左右殿上前楹施簾設香案於殿下太常展宮架樂於殿庭橫街之南其日御輦院陳輿輦繖扇於殿下東西相向兵部陳五輅於皇城南門外俱北向騏驎院列御馬於殿門外東西相向兵部帥屬設黃麾仗三千三百五十人於殿門內外以殿狹輦出房不鳴鞭淳熙十六年正旦行稱賀

禮比政和五禮月朔視朝儀皇帝御大慶殿服鞞袍  
卽御坐皇太子文武百僚常服稱賀而設黃麾半仗  
二千四百十五人及冬至朝賀設黃麾角仗一千五  
十人著爲令而大朝會議自紹興十五年以後不  
設

第九十六

志卷第九十七

宋史一百四十四

開府儀同三司在國錄軍國軍事前書丞相監國史領經筵事都總裁長脫脫奉  
勅

儀衛二

宮中導從  
太上皇儀衛

行幸儀衛  
后妃儀衛

宮中導從之制唐已前無聞焉五代漢乾祐中始置  
主輦十六人捧足一人掌扇四人持踏牀一人並服  
文綾袍銀葉弓脚幞頭尚宮一人寶省一人高鬚紫  
衣書省二人紫衣弓脚幞頭新婦二人高鬟青袍大  
將二人紫衣弓脚幞頭童子執紅絲拂二人高鬟髻  
青衣執犀盤二人帶鬘頭黃衫執翟尾二人帶鬘頭

黃衫雞冠二人紫衣分執金灌器唾壺女冠二人紫  
衣執香爐香盤分左右以次奉引太宗太平興國初  
增主輦二十四人改服高脚幞頭輦頭一人衣紫繡  
袍持金塗銀仗以督領之奉珍珠七寶翠毛華樹二  
人衣緋袍奉金寶山二人衣綠繡袍奉龍腦合二人  
衣緋銷金袍並高脚幞頭執拂翟四人鬚頭衣黃繡  
袍舊衣綾袍紫衣者悉易以銷金及繡復增司簿一  
人內省一人司儀一人司給一人皆分左右前導先  
一十七行每正至御殿祀郊廟步輦出入至長春殿  
用之其乘輦則屈右足垂左足而憑几蓋唐制也

宗時加四面內官周衛大中祥符三年內出繪圖以  
示宰相

行幸儀衛宋初三駕皆以待禮事車駕近出止用常  
從以行其舊儀殿前司隨駕馬隊凡諸班直內殿前  
指揮使全班祇應左班七十六人二十四人在駕前  
左邊引駕五十二人作兩隊馬隨駕右班七十七人  
二十四人在駕前右邊引駕五十三人在駕後作兩  
隊隨駕二十七人第一隊二十六人第二隊內殿直  
五十四人散員六十四人散指揮六十四人散都頭  
五十四人散祗候五十四人金槍五十四人茶酒班

祇應殿侍百五十七人東第二班長入祇候殿侍十  
八人駕後動樂三十一人馬隊弩手分東西八十五  
人招箭班三十五人散直百七人鈞容直三百二十  
人御龍直百四十二人御龍骨朵子直二百二十人  
並全班祇應御龍弓箭直百三十三人御龍弩直百  
三十三人寬衣天武指揮二百一十六人各有都虞  
候指揮便  
員共隨馬不住馬隊即減內殿直散員散指揮散都  
頭散祇候金槍等直仍減東西班馬隊弩手八十五  
人餘並同上凡皇城司隨駕人數崇政殿祇應親從  
四指揮共二百五十二人執擎骨朵充禁衛崇政殿

門外快行祇候親從第四指揮五十四人車駕導從  
兩壁隨行親從親事官共九十六人並於駕前先行  
行幸所到之處充行宮司把門灑掃祇應各有正副  
都頭節給

尚書兵部供黃麾仗內法物罕畢各一五色繡斿

子並龍頭竿柱第一清繡孔雀斿第二緋繡鳳斿第

三青繡孔雀斿第四皐繡鵝斿第五白繡鵝斿第六

黃繡雞斿右六軍儀仗司供儀仗法物內獅子旗四

口克門旗二口各一人執分左右二口各十人執捲

分左右捲人執弓箭又左金吾引駕仗供牙門旗十

四口十口開五門每門二口每口一人執二人夾計

嘉靖丙辰年 監生繆可貞刊

三十人並騎夾人執弓箭監門校尉二十人每門四人並帶儀刀騎二口係前步甲第七隊前二口係前部黃麾第一隊前二口係後部黃麾第一隊前二口係後步甲第一隊前二口係後步甲第七隊前四口開二門每門二口每口一人執二人夾計十二人並騎監門校尉六人並帶儀刀騎二口係兵部班劔儀刀隊後二口係真武隊前又右金吾引駕仗供牙門旗十四口制同左仗仁宗康定元年參知政事宋庠言車駕行幸非郊廟大禮具陳鹵簿外其常日導從惟前有駕頭後擁繖扇而已殊無禮典所載公卿奉

引之盛其侍從乃百司官屬下至厮役皆雜行道中步輦之後但以親事官百餘人執搨以殿謂之禁衛諸班勁騎頗與乘輿相遠上庶觀者率隨扈從之人夾道馳走喧呼不禁所過旗亭市樓垂簾外蔽士民馮高下瞰莫為嚴憚邏司街使恬不呵止威令弛闕玩習為常非所謂旄頭先驅清道後行之慎也且自黃帝以神功盛德猶假師兵營衛則防微御變古今一體案漢魏以降有大駕小駕之儀至唐又分殿中諸衛黃麾等仗名數次序各有施設國朝承五姓荒殘之弊事從簡略每鳴鑾游豫盡去戈戟旌旗之制



儀衛寡簿頗同藩鎮此皆制度放失憚于改作之咎  
宜委一二博學近臣計繹前代儀注及鹵簿令以乘  
輿常時出入之儀比之二駕諸仗酌取其中稍增儀  
物具嚴法禁以示尊極以防未然革去因循其在今  
日詔太常禮院與兩制詳定參以舊儀別加新制兩  
制同禮官議略準小駕制度添清道馬早畢旗斃等  
物別為常行禁衛儀加清道馬百匹並帶器械分五  
行行二十人請下殿前司早畢各一分左右并騎牙  
門旗前後各四分左右並騎緋繡鳳斃二十四分左  
右並騎以上請下殿前司雉扇十二分請於親左右  
於諸班內差充

充以上新添百六十二人凡天武官舊二百一十六  
人空行今添執哥舒為一重親從官舊百四十五人  
今添百五十五人通為三百人為一重殿前指揮使  
舊四十八人今添百三十二人通為二百人或於近  
上諸班相兼充並騎為一重以上因舊人數添  
百九人新添三百七凡駕前殿前指揮使親從官為  
人共七百一十六人二重左右相對各開二門約二丈每門並差人員二  
人押當第一門與通事舍人相對第二門與各門使  
相對每有臣僚迎駕起居並令中道候起居畢於左  
右門出其諸色人止令於牙門旗前道傍起居不得

便入禁衛中

每門外重令殿前指揮使執旗二面以表門用轉光緒綠旗通上計五重皆掩

後團

凡百司祇應人於禁衛內無執掌者及隨駕臣

僚除合將入禁衛隨從人數外餘並令於殿前指揮使行外左右前後行凡前牙門旗以後後牙門旗以前屬禁衛中不得輒入凡中書樞密院臣僚並於從內第三重寬衣天武內行馬其餘隨駕文武臣僚並在從內第四重殿前指揮使內分左右依官位行馬凡車駕經歷去處若有樓閣並不得垂簾障蔽及止絕士庶不許臨高瞰下止於街兩傍立觀卽不得夾路喧呼馳走

前牙門以前後牙門以後不在此限

凡車駕未出皇城門

宣德左右掖東華拱辰門及已至所幸處卽自有門禁不用牙門旗約束凡車駕已在道前牙門旗雖行後牙門旗未行除止絕閑雜行人外其隨駕臣僚官司人等並依常例次第赴合隨從及行馬去處凡前牙門旗在清道馬後約十步已來後牙門旗在駕後殿前指揮使之後凡街巷寬闊處儀衛並依新圖排列如遇窄狹街巷禁衛止用親從官二重御龍直二重雉扇隨輦其後前指揮使天武官並權分於駕前後隨行後至寬闊處乘輿徐行儀仗依舊排列或駕幸園苑宮觀寺院并臣僚宅卽清道馬儀仗殿前指

揮使天武官更不入惟於外排立其隨駕臣僚及諸司人自依常例隨從候駕行依次排列或臣僚宅在巷內前去不通人行處其儀仗殿前指揮使等各於巷口排立止絕行人餘並如故時詳定閱習既畢或言新制嚴密慮違犯者衆因不果行嘉祐六年先是幸睦親宅抱駕頭內臣墜馬壞駕頭太常禮院閣門及整肅禁衛所請自今車駕出以閣門祇候并內臣各二員分駕頭左右扇篋後編攔仍以皇城司親從官二十人隨之哲宗紹聖二年詔車駕行幸儀衛駕後東西班殿侍馬兩隊撥充駕前編攔分兩壁行於

前引行門之前隨身器械各別給銀骨朶一駕後馬隊殿前指揮使馬以百人分四隊不足據人數均差仍別差人員六人內殿直散員散指揮散都頭散祇候並增作一百四人分四隊內人員各四人金槍班添一隊作七十八人內人員三人弩手班添兩隊充填撥過東西班殿侍馬兩隊禁衛御龍直弓箭直弩直長行仍各添給銀骨朶禁衛外添差編攔天武人員長行共二百人揀選有行止舊人充出入止於宣德門外至行在所卽止於行宮門外南渡後乘輿出入有儀高宗將迎韋太后于郊因製常行儀仗

用黃麾仗二千二百六十五人孝宗朝德壽宮咸一  
千人用殿前司六百二十九人皇城在內巡檢司三  
百九十一人崇政殿四百四十九人凡一千四百六  
十九人四孟詣景靈宮用殿前司八百七十五人皇  
城在內巡檢司五百二十八人崇政殿五百二十一  
人凡一千九百二十四人九年正月詔駕出御後殿  
坐宰執百官儀衛等赴後殿起居殿上登輦出後殿  
門駕回入祥曦殿門

太上皇儀衛隆興元年孝宗嗣位詔有司討論德壽  
宮輿輦儀衛先是紹興三十二年六月詔上皇日常

朝殿差御龍直四十三人執仗排立并設繖扇鳴鞭  
宰執退朝仍赴德壽宮起居如遇行幸令禁衛所隨  
以祇應兩奉上皇旨却而不受故復有是詔尋有司  
上言漢之未央唐之興慶其車輦儀衛不載今父堯  
子舜事親典禮凡往古來今所未備者當以義起極  
其尊崇爲萬世法遂定宰執百官詣德壽宮起居則  
禁衛所依後殿坐儀排列禁衛二百九十七人祇應  
行幸則禁衛所差行門禁衛諸班直天武親從官及  
繖扇鳴鞭燭罩等合五百人隨行扈從前引七十人  
內行宮殿前崇政殿親從一十人都下親從二十人

快行親從二十人殿前指揮使二十人中道六十八  
編排禁衛行子一十人執從物御龍直三十人執繳  
扇天武一十人崇政殿親從攔前一十人禁衛圍子  
四重四百人第一崇政殿親從一百人第二御龍直  
骨朶直弓箭直三十人東西班七十人第三執燭單  
都下親從一百人第四內殿直一十人散員散指揮  
散都頭散祇候金鎗銀鎗班各一十人後從殿前指  
揮二十人

皇太后儀衛自乾興元年仁宗卽位章獻太后預政  
侍衛始盛用禮儀院奏製皇太后所乘輿名之曰大

安輦天聖元年有司言皇太后車駕出合設護衛御  
龍直都虞候一人頭二人副都頭一人長行五十  
人十將已下骨朶子直都虞候一人頭二人副都  
頭二人十將長行八十人弓箭直指揮使一人頭  
二人副都頭二人十將長行五十人弩直指揮使一  
人都頭二人副都頭二人十將長行五十人殿前指  
揮使兩班左班都虞候一人頭一人行門三人長  
行二十人帶器械右班指揮使一人頭一人行門  
三人長行二十人帶器械皇城司禁衛二百人寬衣  
天武二百人供御輦官六十二人寬衣天武百人餘

諸司祇應鳴鞭侍衛如乘輿之儀詔依嘉祐八年英宗即位太常禮院言準詔再詳定皇太后出入儀衛御龍直都頭二人長行二十五人骨朶子直都頭二人長行四十人弓箭直都頭二人長行二十五人弩直都頭二人長行二十五人殿前指揮使兩班各都知一人行門各二人長行各一十人帶器械皇城司禁衛一百人寬衣天武一百五十人打燈籠子親事官八十人入內都知御藥院官各一員內東門司使臣二員御輦院短燈教駿攏馬親事官入內院子諸司并入內侍省祇應內品人數不定詔依治平元年

年詔太皇后出入唯不鳴鞭他儀衛如章獻明肅故事四年神宗嗣位詔太皇太后儀範已定皇太后合設儀衛御龍直骨朶子直差都虞候都頭副都頭各一人十將長行各共三十人弓箭直弩直差指揮使都頭副都頭各一人十將長行各共二十人皇城司親從官一百人執骨朶寬衣大武官百五十人充圍子行宮司人員共一百人入內院子五十人充圍子皇城司親事官八十人打燈籠短燈馬攏馬親從官金銅車機車隨車子祇應人擎檐子供御輦官執擎從物等供御次供御并下都輦直等人數不定都知

一員御藥院使臣二員內東門司使臣二員內酒坊  
御厨法酒庫儀鸞司乳酪院翰林司翰林院車子院  
御膳素厨化成殿果子庫並從遇出新城門添差帶  
器械內臣哲宗即位元祐元年詔太皇太后出入儀  
衛並依章獻明肅皇后故事其不可考者則依慈聖  
光獻皇后之例既而又詔太皇太后出入儀衛添御  
龍骨朶子直三十六人御龍方箭直四十五人御龍  
弩直四十五人皇城司禁衛五十人馬隊三百五十  
人東西班茶酒班殿侍共一百人快行增至二十人  
軍頭引見司監官二員並將帶承局等子依隨駕例

祇應鈞容直并動樂殿侍則候開樂取旨仁英哲之  
世太后臨朝垂簾儀從亦不崇侈止曰儀衛無鹵簿  
名也南渡後尤簡其車以輿不以輦餘惟繖扇而已  
紹興奉迎太母極意備禮然猶曰太后天性朴素不  
敢過飭儀從器物惟塗金輿前用黃羅繖扇二緋黃  
繡雉扇六紅黃緋金拂扇二黃羅暖扇二朝謁景靈  
官太廟則用禁衛諸班直天武親從五百人其前引  
中道園子同上皇儀衛而差省焉

皇太妃出入儀衛哲宗紹聖元年三省樞密院言增  
崇皇太妃出入儀衛龍鳳扇二十侍從官入內省都

知或押班一員內侍省都知或押班一員皇城司御藥院內東門司各一員帶御器械內侍八員引喝內侍一員殿前指揮使三十二人內人員二人御龍直三十三人骨孕子直三十三人弓箭直二十三人弩直二十三人天武官一百五十四人皇城司禁衛一百人入內院子五十人行官司一百人輦官供御六十二人次供御四十九人下都五十八人燭籠七十諸司御燎子茶淋快行親從四人禮部太常寺又言元祐三年詔皇太妃繖用紅黃羅參議得皇太后出入兼用紅黃今皇太妃若亦用黃則非差降之意

請紅黃兼用從皇太后出入則止用紅徽宗崇寧元年臣僚言元符皇后先帝皇后也其典禮宜極褒崇於是酌聖瑞皇太妃之制出入由宣德正門增龍鳳扇二十御龍直十二人御龍骨孕子直十七人御龍弓箭直十二人御龍弩直二十二人殿前指揮十三人皇城司禁衛二十人快行親從官四人執燭皇城司親從官金銅車并輿車隨時定數供須行幸藥架一坐句當官吏人二員封題一員藥童三人檯檠藥架輦官十一人秤庫子親事官量差人數祇應從之二年臣僚又言元符皇后元符未嘗預定策之勲以



承神宗哲宗之志禮部太常寺奏典禮準聖瑞皇太妃例侍從官入內內侍省都知或押班一員皇城御藥內東門司官各一員御輦院輪官隨從諸司御燎子茶牀帶御器械內侍十人引喝內侍一人輿用龍鳳繖紅黃兼用出入由宣德東門今欲出入由宣德正門龍鳳扇二十柄今添作三十柄輦官供御六十二人次供御四十九人都下五十八人御龍直三十人今添作四十五人御龍骨孕子直三十三人今添作五十人御龍弓箭直三十三人今添作四十五人御龍弩直二十三人今添作四十五人殿前指揮

三十二人今添作四十五人內臣二人皇城司一百人禁衛今添作一百二十人天武官一百五十四人行官司一百人入內院子五十人快行親從官四人今添作八人執燭皇城司親從官金銅車并樓車逐時內中世出合要數供須行幸藥架一坐句當官一員吏人二員封題一員藥童三人檯檠藥架輦官十人一人秤庫子親事官量差人數祇應從之

皇后儀衛惟東都政和禮有鹵簿他無鹵簿之名惟曰儀衛而已中興後皇太后既尚簡素后尤簡焉出入朝謁官廟用應奉御輦官一員人吏三人供應六

十三人內人員十五人頭帽紫羅四稜單衫金塗銀  
柘枝腰帶肩擎輦官四十八人幞頭緋羅單衫金塗  
海捷腰帶紫羅表夾三檐緋羅看帶次供應十四人  
內人員一人服同上惟海捷帶輦官一十三人服同  
肩擎官惟行獅帶都下五十四人內人員一人帽服  
同前輦官五十三人服同上輦官惟雲鶴帶

志卷第九十八

宋史一百四十五

國初儀衛司柱國錄軍國重事前書右丞相髮鬘更須經進事都總裁臣脫等奉  
敕修

儀衛三 國初鹵簿

國初鹵簿太祖建隆四年將郊祀大禮使范質與鹵  
簿使張昭儀仗使劉温叟同詳定大駕鹵簿之制惟  
得唐長興南郊鹵簿字圖校以今文頗有闕略遺戾  
者禮儀使陶穀建議金吾及諸衛將軍導駕及押仗  
舊服紫衣請依開元禮各服本色繡袍金吾以辟邪  
左右衛以瑞馬驍衛以雕虎威衛以赤豹武衛以瑞

鷹領軍衛以白澤監門衛以師子千牛衛以犀牛六軍以孔雀爲文舊執仗軍士悉衣五色畫衣隨人數給之無有正式請以五行相生之色爲次黑衣先之青衣次之赤黃白又次之大駕五輅各有副車近代寢廢請依令文增造又案明宗舊圖導駕三引而儀仗法物人數多周太祖鹵簿六引而人數少請準令文用六引其鹵簿各依本品以給從之舊清游隊有甲騎具裝亡其制度穀以其所記造之又作大輦皆率意定其制穀又取天文大角攝提列星之象作攝提旗及北斗旗二十八宿旗十二辰旗龍墀十三旗

五方神旗五方鳳旗四瀆旗時有顛鸚鵡白兔及馴象自來又作金鸚鵡玉兔馴象旗太祖又詔別造大黃龍負圖旗一大神旗六日旗一月旗一君王萬歲旗一天下太平旗一師子旗二金鸞旗一金鳳旗一五龍旗五凡二十一旗皆有架南郊用之大黃龍負圖旗陳於明德門前餘二十旗悉立於宿頓官前遇朝會冊禮亦皆陳於殿庭凡馬步儀仗共一萬一千二百二十二人悉用禁軍大將軍將軍以軍主都虞侯攝事中郎將都尉以指揮使副指揮使攝事校尉主帥以軍使副兵馬使都頭副都頭十將攝事乾德

三年蜀平命左拾遺孫逢吉收蜀法物其不中度者悉毀之是歲太祖親閱鹵簿四年始令改畫衣爲繡衣至開寶三年而成謂之繡衣鹵簿其後郊祀皆用之軍衛羽儀自是寔甚每大祀命大禮儀儀仗鹵簿橋道頓遞五使鹵簿使專掌定于圖排列儀仗使糾督之大禮及餘使同按閱致齋日巡仗又命殿前大校管勾捧日奉宸隊侍衛大校勾當儀仗兵隊捧日天武廟主四人編排捧日奉宸隊及執仗人內諸司使副使三員同押儀仗別二員編排導引官六年詔節度使已下除在京巡檢及押儀仗外並令服袴褶

衣導引太宗至道中今有司以絹畫爲圖圖凡三幅中幅車輅六引及導駕官外兩幅儀衛其警場青城又別爲圖圖成以藏秘閣凡仗內自行事官排列職掌并捧日奉宸散手天武外步騎一萬九千一百九十八人此極盛也真宗咸平五年詔南郊儀仗引駕官不得多帶從人宰臣親王樞密宣徽使叅知政事樞密副使三司使各四人尚書節度使翰林學士侍讀侍講學士各三人給事諫議知制誥大卿監金吾大將軍樞密都承旨副承旨客省閣門使副使諸司使副使至內殿崇班各二人少卿監諸行郎中已下閣門

祇候已下各一人又詔南郊引駕官中書樞密院一行在東親王一行在西餘依官次大中祥符元年改小駕爲鸞駕自太祖易繡衣鹵簿後太宗真宗皆增益之仁宗卽位議典多襲前世宋綬定鹵簿爲圖記十卷上之詔以付秘閣凡大駕用二萬六十一人大率以太僕寺主車輅殿中省主輿輦織扇御馬金吾主纛稍十六騎引駕細仗牙門六軍主槍仗尚書兵部主六引諸隊大角五牛旗門下省主寶按司天臺主鐘漏太常主鼓吹朝服法物庫出旗器名物衣冠蓋軍器庫出箠弩矢內弓箭庫出戎裝雜仗凡六

導駕太僕卿千牛將軍殿中侍御史司天監少府監條佐局官乘黃令大將軍金吾上將軍將軍六統軍皆以京朝官內諸司使副使以下攝事仗內用禁軍諸班直捧日天武拱聖神勇宣武驍騎武勝寧朔虎翼兵大將軍將軍以軍主都虞候攝中即將卽將都尉以指揮使副指揮使攝校尉主帥旅帥隊正以軍使副兵馬使都頭副都頭十將攝餘法駕鸞駕黃麾仗則遞減其數景祐五年賈昌朝言儀衛三事一曰南郊鹵簿車駕出宮詣郊廟日執毬杖供俸官於導駕官前分列迎引至於齊宮夫毬杖非古蓋唐世

尚之以資玩樂其執之者皆褻服錦繡珠玉過於侈  
麗既不足以昭文物又不可以備軍容常時豫游或  
宜施用方今夙夜齋戒親奉大祀端冕顯昂鼓吹不  
作而乃陳戲賞之具參贊紳之列導迎法駕入于祠  
宮稽諸典儀未爲允稱况導駕官兩省員數悉備何  
煩更有此色供奉官謂宜徹去毳袂俟禮畢還宮鼓  
吹振作即復使執列二曰大駕鹵簿有羊車前列臣  
案羊車本漢晉之代乘於後宮隋大業中增金寶之  
飾駕以小駟馭以壯童自是以來遂爲法從唐制燕  
有輦車副車之名國朝因循尚未改革竊以郊祭天

地廟見祖宗車服所陳動以八由禮至於四望耕根之  
屬無包歷代皆有因是而後宮所乘參陪五輅欲  
望大駕不用羊車所冀肅亦稽合典禮三曰南郊大  
駕鹵簿儀衛甚衆有司雖依典禮名物次第兵杖數  
目張先分布及五使量行案閱其如被差執掌吏員  
兵伍素不閑習行列先後多失次序所持名物亦或  
差互神當官但以行事一名從便趨進失其處守竊  
謂三載親郊國之大事豈可陳象物仰法乾行四方之  
人觀禮於是宜詳制意以示光華請大駕鹵簿前後  
仗衛次第於致齋前命儀仗鹵簿使令有司執簿籍

率押當官暨諸衛諸府執仗士卒將領者自殿門至  
郊廟分列之處詳視先後及器仗名品無令差忒詔  
禮儀使宋統與太常禮院同詳定以奏發奏鹵簿內  
有諸司供奉並資儀物以奉乘輿今昌朝言宿齋之  
時不可陳玩樂之曰請郊祀前一日應供奉官等令  
宿幕次俟皇帝行出畢降壇導至青城由青城前導  
歸大內後漢劉焯詳名曰輿車羊車各以所駕名之  
也隋禮儀志曰漢或以八率或駕果下馬此乃漢  
代已有晉武偶取於後宮非特為掖庭制也况歷  
代載於輿衛志自唐至今著之禮令宜且仍舊其鹵

簿儀仗遇南郊前三使預閱素備願依昌朝所奏下  
儀仗鹵簿使加點閱使之齊肅皇祐二年將享明堂  
鹵簿使奉法駕戒大駕三分之一而兵部亡字圖故  
本且文瀆散逸雖粗有名數較之禮令未有以裁其  
中詔禮官與兵部加考正為圖以奏及上圖法駕鹵  
簿用萬有一千八百八十八嘉祐二年裕用禮儀使  
奏南郊仗金吾上將軍六統軍左右千皆服紫繡  
戎服珂珮騎而前節使亦衣袴褶導駕如舊例是  
月禮官奏南郊遠在位當乘金輅而或詔乘大輦宜  
著于令常以大輦從八年幸睦親宅內侍抱駕頭

馬駕頭壞御之中丞... 常禮院議遂令奏事... 二員扶駕頭左右次... 從其後神宗熙寧七年... 字圖遂奏言制器尚象... 駕儀仗多雜秦漢制度... 共革車各以其萃萃副車... 車前代宮中所乘五牛... 牛載旗用八輿之矢其本... 詳定所言六駕輿輦仗衛... 奏請嚴儀衛事下閣門太... 出請以閣門祗候及內侍各... 以皇城親從兵二十人... 詳兵部大駕鹵簿... 有其義後世車... 周禮車僕凡師... 也諸輅之制宜次正輅羊... 蓋古之五特副車也以木... 制宜除去從之元豐元年... 成物無取歷代所用其間

情文訛舛甚衆或規摹苟簡而因循已久或事出一時而不足爲法詔令更定於是請去二十八宿五星攝提旗所繪人形及龍虎仙童大神金鸚鵡黃鸚鵡網子騰蛇神龜等旗舊制親祠南郊皇帝自大次至版位內侍二人執翟羽前導號曰拂翟拂翟不出禮典乃漢乾祐中官中導從之物不宜用諸郊廟詔可又禮之所言近制金輅不以金飾諸末象輅不以象飾諸末革輅不鞮木輅不漆請改飾四輅太常則繪三辰加升龍降龍大旂則繪交龍大赤鳥準大白熊虎大麾龜蛇而去其雲龍使之應禮又古者五輅皆載



旗謂之道德之車考工記車戟崇於笄酋矛崇於戟各四赤戟矛皆插車騎謂之兵車戰國尚武故增插四戟謂之闕戟則知德車武車固異用矣漢鹵簿前驅有鳳凰闕戟猶采施於五輅江左以來五輅乃加祭戟於車之右繡以黼繡之衣後周司輅左建旗右建闕戟闕戟方六尺而被之以黼皆戾於古請去五輅闕戟以應道德之稱而建太常於車後之中央升輅則由左又按周禮大馭掌馭玉輅以祀則祀乘玉輅也齋僕掌馭金輅齋右充金輅之右則齋乘金輅也齋祀之車異用而不相因國朝親祠太廟致齋文

德殿翌日卽進玉輅非制請進金輅俟太廟祠畢翌日御玉輅詣郊又周禮戎右職曰會同充革車儀禮曰貳車畢乘禮記曰乘君之乘車不敢曠左右必式蓋古者後車餘輅不敢曠空必使人乘之所以別曠左之嫌也自秦燕九國車服西漢因之大駕屬車八十一乘後漢志云尚書御史所載楊雄曰鳴夷國器託於屬車則是漢之屬車非獨載人又以載物亦儀禮所謂畢乘之義也國朝鹵簿車十二乘虛設於法駕之後實近曠左之嫌請令尚書御史乘之或以載乘輿服御又言法駕之行必有共輿者蓋以承清問

周官有大僕齋僕道僕所以御車至參乘則其禮益重故道德之車則有齋右道右武車則有戎右皆以士大夫爲之國朝之制乘輿有大僕而無參乘請增近臣一員立車右其後詔增製五輅及參乘玉輅建太常金輅建大旂象輅建大赤革輅建大白木輅建大麾諸輅之副各次正輅仍存闕戟焉時大駕鹵簿仗下官一百四十六員執仗押引從軍員職掌諸軍諸司二萬二千二百二十一人初玉輅自唐顯慶中傅之號顯慶輅神宗更製新玉輅六年正月御太慶殿受朝先夕陳諸庭夜半徹幕室壓焉自是竟棄在

中徽宗建中靖國元年太常寺狀具南郊儀仗人兵二萬一千五百七十五人政和四年禮制局言鹵簿六引儀仗信幡承以雙龍大角黑漆畫龍紫繡龍袋長鳴次鳴大小橫吹五色衣旛緋掌畫交龍按樂令三品以上緋掌畫蹲豹蓋唯乘輿器用並飾以龍今六引內係羣臣鹵簿而旗物通畫交龍非便合釐正七年兵部尚書蔣猷請令有司取天聖鹵簿圖記更加考正可否而因革之詔如其請宣和元年蔡攸被旨改修凡人物器服盡從古制飾以丹采三十有三

卷

高宗初至南京孟太后以乘輿服御及御輦儀仗來進建炎初詔東京所屬起發祭器法服儀仗赴行在所十一月帝郊於揚州儀仗用一千三百五十五人倉卒渡江皆爲金兵所焚紹興十二年有司言天子起居當備法駕況太母回鑾將奉郊迎遂立工部尚書莫將等檢會本朝文德大慶殿舊儀下太常定用二千二百六十五人於是始備黃麾仗慶冊親舉皆用焉是年冬玉輅成明年郊準國初大駕之數一萬一千二百二十二入內舊用錦襖子者以纈縹代用銅並帶者以勒帛代而指揮使都頭仍舊用錦帽

子錦臂袖者以方勝練鵲羅代用纈者以袖代禁衛班直服色用錦繡金銀真珠北珠者七百八十人頭帽銀帶纈羅衫代旗物用繡者以錯采代車路院香鐙案衣褥睥睨御輦院華蓋曲蓋及仗內幢角等袋用繡者以生色代殿前司仗內金鎗銀鎗旗榦易以繡飾而拂扇坐褥以珠飾者去之帝曰事天貴質若惟事華麗非初意矣十月鹵簿器物及金象革木四輅大安輦皆成太常又奏前後六引鼓吹八百八十四人舊制騎今路狹擁遏欲止令步導從之十六年始增捧日奉宸隊合一萬五千五十人鹵簿之制

備矣三十一年九月行明堂禮儀物視郊祀省三之一用一萬一十五人孝宗隆興二年正月以鹵簿勞民乃令有司條奏其可省者次年郊祀止用六千八百八十九人蓋減紹興二十八年人數之半也乾道六年之郊雖仍備五輅大安輦六象而人數則如舊焉自後終宋之世雖微有因革大抵皆如乾道六年之制若明堂則四路大安輦皆省止用三千三百十九人故事祀前二日詣景靈宮皆備大駕儀仗乘輅中興後以行都與東都不同前二日止乘輦次日自太廟詣青城始登輅設鹵簿自紹興十三年始也車

駕遇雨玉輅施障從駕臣僚賜雨具中道遇晴則撤郊壇遇雨則就青城放御仗道遙子還宮導駕官免步導

大駕鹵簿象六中道分左右次六引中道第一開封

令第二開封牧駕從餘州縣出者所在第三太常卿第

四司徒第五御史大夫第六兵部尚書以上各用次燾

十二每燾一人持一人托次爆稍騎八押衛四左右金

吾上將軍四人將軍四人大將軍各一人折衝都尉一

人大將軍都尉並夾以爆稍二每次清游隊左右白澤

旗二一人執二人引二人夾左右弩八弓箭三十二稍

金吾折御都尉各一人領

四十次左右金吾十六騎

左右道主帥各一人分領弩八弓箭十

二稍十二次夾道飲飛騎

左右金吾果毅都尉各二人分領虞候飲

飛四十八人鐵甲飲飛二十四人次前隊及仗道

左右

左右領軍衛將軍各一人擲稍四人主帥四人及八

十义八十相間左右武衛屯衛主帥各四人及五各十

人义各五十人左右驍衛主帥四人及四十义四十次

朱雀旗一

中道一人持二人引二人夾

弩四弓箭十六次龍旗十

二

中道並一人執二人引二人護後副竿風伯雨師

旗各一雷公電母旗各一木火土金水星旗各一左

右攝提旗各一北斗旗一次指南記星鼓白鷺鷥旗

崇德皮軒車

左右金吾衛果毅都尉各一人來往檢校

次引駕吉二里

中道

並騎弩八弓箭八稍八次太常前部鼓吹令二人

府史四人

從柶鼓十二在左

主帥四人

金鉦十二在右

主帥四人大

鼓百二十

主帥二十人

長鳴百二十

主帥六人

鐃鼓十二

主帥四人

歌二十四拱宸管二十四簫二十四笳二十

四大橫吹百二十

主帥十人

節鼓二笛二十四簫二十

四鬮葉二十四笳二十四桃皮膚鬮葉二十四柶鼓十

二在左

主帥二人

金鉦十二在右

主帥二人

小鼓百二十

主帥十人

中鳴百二十

主帥六人

羽葆鼓十二

主帥四人歌

二十四拱宸管二十四簫二十四笳二十四次司天



各一第十二隊參宿軫宿旗各一次步甲前隊左右道

爆稍四左右領軍衛將軍各一人檢校第一隊鷓鴣

旗二引執同馬隊左右領軍衛折衝都尉各一人分領赤

鍔甲弓箭六十第二隊貔旗二左右領軍衛果毅都

尉各一人分領赤鍔甲刀盾六十第三隊玉馬旗二

左右領軍衛折衝都尉各一人分領青鍔甲弓箭六

十第四隊三角獸旗二左右領軍衛果毅都尉各一

人分領青鍔甲刀盾六十第五隊黃鹿旗二左右屯

衛折衝都尉各一人分領黑鍔甲弓箭六十第六隊

馬隊二左右屯衛果毅都尉各一人分領黑鍔甲

刀盾六十第七隊駃騠旗二左右武衛折衝都尉各

一人分領白鍔甲弓箭六十第八隊鸞旗二左右武

衛果毅都尉各一人分領白鍔甲刀盾六十第九隊

麟旗二左右驍衛折衝都尉各一人分領黃鍔甲弓箭

六十第十隊馴象旗二左右驍衛果毅都尉各一人

分領黃鍔甲刀盾六十第十一隊玉兔旗二左右衛折

衝都尉各一人分領黃鍔甲弓箭六十第十二隊辟

邪旗二左右衛果毅都尉各一人分領黃鍔甲刀盾

六十次前部黃麾仗引二十第一隊左右

領軍衛文將軍各一人檢校

衛將軍各一人檢校

人分領注龍頭竿赤纓二十揭鼓五色

二十龍頭竿小孔纓二十小戰二十揭鼓二龍頭

竿五色纓纓二十弓箭二十龍頭雞毛纓二十朱

滕盾二十龍頭竿纓纓二十弓箭二十箭二十揭鼓

二綠滕盾二十第二部左右領軍衛折衝都尉各一

人分領注第三部左右屯衛大將軍

各一人檢校果毅都尉各一人分領第四部左右武

衛大將軍各一人檢校折衝都尉各一人分領第五

部左右驍衛大將軍各一人檢校兼衛部尉各一人分

領第六部左右衛果毅都尉各一人分領次六軍儀

仗甲道左主帥統軍各一人法軍旗

舒十鎧仗八問排闌旗二十掩尾天馬旗二左右羽

林軍左右龍武軍並同神武軍惟羽林用赤豹黃熊

各虎旗次引駕旗十六中道勅人十二辰旗各一天

王旗四排伏通直官次龍墀旗十三中道各一八執

八排騎領天下太平旗一青龍赤龍黃龍白龍黑龍

旗各一金鸞金鳳旗各一獅子旗一日旗月旗各一

君王萬歲旗一次御馬二十四中道並以天武尚

乘奉御二人從次日月八壁旗一次道文旗二次五

乘奉御二人從次日月八壁旗一次道文旗二次五

乘奉御二人從次日月八壁旗一次道文旗二次五



星連珠旗一次祥雲旗以上並佩人執引次

長壽幢一次青龍白虎旗各一道左右衛果毅都

尉各一人分領七十騎奴八弓箭二十稍四十次

班劔儀刀隊左右衛將軍各一人親衛郎將各

二人班劔二百二十為第一第二行勳衛郎將各二

人班劔二百二十為第三第四行翊衛郎將各三人

儀刀三百七十八為第五第六第七行左右驍衛翊

衛郎將各一人儀刀二百二十四為第八行左右武

衛明衛郎將各二人儀刀一百三十八為第九行左

右屯衛翊衛郎將各一人儀刀一百四十二為第十

行左右領軍衛翊衛郎將各一人儀刀一百四十六

為第十一行左右金吾衛翊衛郎將各一人儀刀一

百五十為第十二行次五仗左右左右衛供奉中郎

將各二人親勳翊衛各二十四人左右衛郎將各一

人散手翊衛各三十人左右驍衛郎將各一人翊衛

各二十八人次左右驍衛翊衛三隊第一隊花鳳旗

二大將軍各一人弩十弓箭二十稍四十第二隊飛

黃旗二將軍各一人弩弓箭稍同第第三隊吉利旗

二郎將各一人次金吾細仗殿中繖扇千牛中青龍

白虎旗各一一人執三人引五嶽神旗各一五方神

嘉靖丙辰年 宋史志卷第九十八 十六 監生繆可貞刊

旗各一五方龍旗二十五五方鳳旗二十五四瀆神

旗各一各一人執二人引二人夾四援寶三十二人

香案一符寶郎一人寶案一寶輿一與士十碧欄一

十四人騎執儀刀方纛二雉扇四四色官六人押

仗二人金甲天武官二人進馬四人千牛將軍一人

千牛八人中郎將二人長史二人引駕官四人天武

官三百人次毬仗供奉官一百人次左右衛夾轂隊

左右第一第四隊朱鑿甲刀盾各六十折衝都尉各

一人檢校第二第五隊白鑿甲刀盾各六十果毅都

尉各一人檢校第三第六隊黑鑿甲刀盾各六十

毅都尉各一人檢校次捧日奉宸隊左右捧日三十

五隊隊四十人騎奉宸二十五隊隊四十人並五重

次導駕官道中通事舍人八人分左右侍御史二人分左

右御史中丞二人分左右正言二人分左右司諫二

人分左右起居郎二人在左起居舍人二人在右諫

議大夫四人分左右給事中四人在左中書舍人六

人在右散騎四人分左右門下侍郎二人在左中書

侍郎二人在右侍中二人在左中書令二人在右次

鳴鞭二道中次宮苑馬二道中次殿中省仗大纛二方雉

尾扇四響輿一排列官一騎領小雉尾扇四方雉尾扇十

嘉靖丙辰年 監生繆可貞刊

二華蓋二香燈一次誕馬二玉輅皇帝升輅則太僕

二人夾輅將軍二人陪乘次諸司隨駕供奉次大輦

前有誕馬二教馬官二人掌輦四人導尚輦殿中少監二人騎本省供奉次御

馬二十四並以天武官二人執轡次持釵後隊道左

右武衛旅帥各一人大繖二大雉尾大雉尾扇四小

雉尾扇十二朱團扇十二華蓋二又睥睨十二御刀

六玄武幢一又絳麾二細稍十二次大角百二十左右

金吾果毅都尉次後部鼓吹並鼓吹丞二人騎典事

各一人騎從從羽葆鼓十二主帥四歌二十四拱宸管二十四簫

二十四笳二十四主帥二鈺鼓十二主帥四歌二十

四簫二十四笳二十四小橫吹百二十主帥八笛二

十四簫二十四簫篋二十四笳一十四桃皮膚篋二

十四次黃麾幡二騎二殿中侍御史二人騎令史四

次芳亭輦一鳳輦一小輿一尚輦直長二人騎檢校

書令史四次五牛旗輿各一左右屯衛隊正各一人

騎檢校並執銀次乘黃令丞二人府史四次金象革

木輅次五副輅次耕根車次進賢明遠羊車次屬車

十二次中書門下秘書殿中省局官各一騎次黃鉞

豹尾車次後部黃麾仗左右道與殿第一部左右驍

萬曆二十五年補刊

卷之八

六

同前部下等二部左右武衛將軍各一人檢校折衝  
 皆准此  
 都尉各一人分領第三部左右屯衛將軍各一人檢  
 校折衝都尉各一人分領第四部左右領軍衛折衝  
 都尉各一人分領第五部左右驍衛折衝都尉各一  
 人分領第六部左右驍衛折衝都尉各一人分領絳  
 引幡二十護後主帥二十人次步甲後隊左右道第一  
 隊貌旗二執引並同前左右衛果毅都尉各一人分領整  
弓盾同前第二隊鷓鴣旗二左右衛折衝都尉各一  
 人分領整甲弓箭同第三隊仙鹿旗二左右驍衛果  
 毅都尉各一人分領整甲刀盾同第四隊金鸚鵡旗

二左右驍衛折衝都尉各一人分領整甲弓箭同第  
 五隊瑞麥旗二左右武衛果毅都尉各一人分領整  
刀盾同前第六隊孔雀旗二左右武衛折衝都尉各  
 一人分領整甲刀箭同第七隊野馬旗二左右屯衛  
 果毅都尉各一人分領整甲刀盾同第八隊蓬牛旗  
 二左右屯衛折衝都尉各一人分領整甲弓箭同第  
 九隊甘露旗二左右領軍衛果毅都尉各一人分領  
整甲刀盾同第十隊網子旗二左右領軍衛折衝都  
 尉各一人分領整甲弓箭同第十一隊鷓鴣旗二左  
 右領軍衛果毅都尉各一人分領整甲刀盾同第十

二隊貌旗二左右領軍衛折衝都尉各一人分領

弓箭同前次後部馬隊左右第一隊角端旗二左右

衛折衝都尉各三人分領兼第二第十隊每隊第二

隊赤熊旗二第三隊兕旗二左右驍衛果毅都尉各

三人分領兼第四隊太常旗二第五隊馴象旗二

左右武衛折衝都尉各一人分領兼第六隊第六隊鷄

鷄旗第七隊驪旗兼第八隊第八隊牙旗二左右屯

衛果毅都尉各二人分領第九隊蒼烏旗二第十隊

白狼旗兼第十一隊龍馬旗二左右領軍折衝都尉

各二人分領第十二隊金牛旗二次後隊受伏左右

左右領軍衛主帥四人及八十又八十左右武衛主

帥四人及五十又五十左右屯衛驍衛主帥各四人

及四十又四十次掩後隊中左右屯衛折衝都尉各

一人大戟五十刀盾五十弓箭五十稍五十次真武

隊中金吾折衝都尉一人仙童騰蛇真武神龜旗各

一十人執二人稍二十五弓箭五十弩五

車駕至青城則周衛行宮及壇內外其青城坐甲布

列三百三十六鋪殿前指揮使二十四鋪四百七十

七人內殿直一十鋪一百四十一人散員一十鋪一

百四十二人散指揮一十鋪一百四十一人散都頭

一十鋪一百四十三人散祇候一十鋪一百四十人  
金槍一十鋪一百五十人銀槍一十鋪一百五十人  
東第一班三鋪五十二人東第二班三鋪五十三人  
東第三班六鋪九十一人東第四班五鋪八十四人  
東第五班二鋪二十二人下茶酒班一鋪三十一人  
散直一十鋪一百四十九人鈞容直一十鋪二百人  
御龍直二十二鋪三百八十五人御龍骨朶子直一  
十二鋪二百一十二人御龍弓箭直一十八鋪二百  
九十六人御龍弓直二十二鋪三百五十六人把天  
門天武一鋪八人駕頭扇篋天武一鋪三十二人禁

衛天武六鋪三百一十人約欄天武三十鋪三百一  
十人方圍子親從三十四鋪三百六十人禁衛崇政  
殿親從四十鋪并提舉人員共四百六十三人行宮  
司親從一十二鋪一百八十人快行親從四鋪八十  
六人行宮殿門崇政殿親從四十六人行宮殿門親  
從并提舉人員二百四十人把街約欄親事官貼諸  
處齣門一十隊及提舉人員一百三人殿前指揮使  
已下看守馬火甲隊一千一百七十一人右禁衛諸  
班共六千七百二十有四人園壇東門外中道夾立  
諸班直主首引駕人員九人御龍四直門旗六十人

御龍仗劔六人天武把門長行八人大次前外圍親  
從四隊三十八人執燭親從八十六人行宮殿門一  
十二人御龍直四十人大次後把街約攔執事官五  
十一人大次兩壁快行六十九人於禁衛外排立壇  
周圍守踏道裏圍親從十將節級二十二人壇從裏  
第二重方圍親從三百二十四人大次及外壇外諸  
門行宮司共一百六十八人宮架及壇東幄幕宰臣百  
官幕次共六十人右自大次前外圍至百官幕次共  
八百六十二人凡諸小次行禮不須隨從大次前裏  
圍并攔前一百七十一人執燭一百二十九人外圍

一百八十人行宮門及快行二十四人右自裏圍至行宮快行共

五百凡諸小次行禮隨從祇應圓壇從外壇外分作

九重從中第一重殿前指揮使等七百四十四人第

二重御龍直等六百九十五人第三重散員等六百

四十二人第四重散都頭等七百一十人第五重天

武骨朶大劔約攔五百八十一人第六重御營四面

巡檢下步軍八百六十七人第七重御營四面并青

城圓壇巡檢下步軍八百六十七人第八重御營四

面巡檢下馬軍四百三十四人第九重御營四面巡

檢及青城圓壇巡檢下馬軍四百三十四人壇四門

殿前指揮使行門三十五人內人員一十五人壇東

門夾立擊鞭長行一十人右自青城園壇諸班親從文武及御營園壇文檢下

總七千四百六十七人駕至太廟環衛如郊壇坐甲布列二百

六十三鋪殿前指揮使二十四鋪四百七十七人內

殿直散員散指揮散都頭散祗候散直各一十鋪一

百二十人共六十鋪七百二十人金槍一十鋪一百

五十人銀槍一十鋪一百五十人東第一第二班各

二鋪三十人共四鋪六十人東第三第四班各四鋪

六十人共八鋪一百二十人東第五班二鋪二十二

人下茶酒班一鋪三十一人御龍直八鋪三百八十

五人御龍骨朵子直四鋪二百一十二人御龍弓箭

直六鋪二百九十六人御龍弩直八鋪三百五十六人

把行門天武一鋪八人駕頭扇簷天武一鋪三十二

人禁衛天武六鋪三百一十人禁衛崇政殿親從四

十鋪并提舉人員共四百六十三人行宮司親從一

十二鋪一百八十八人快行親從四鋪八十六人方圓

親從二十四鋪三百六十八人約攔天武三十鋪三百

一十人行宮殿門崇政殿親從及提舉人員二百八

十六人把街約攔親事官貼諸處齧門一十二隊并

提舉人員一百三人御營四面巡檢六員下步軍九

提舉人員一百三人御營四面巡檢六員下步軍九



百一十八人親從四十人青城內至園壇巡檢下親  
從四十人右禁衛諸班直等御營四面巡檢軍兵及  
青城至園壇巡檢下親從總六千一百四十五人  
高氏家藏宋人青城園壇太廟三圖其布置行列極  
為詳備因附鹵簿之後庶覽之者可以考一代之制  
云

凡鹵簿內牙門旗中道四分二門左右道各十分五  
門中道一門在金吾細仗前一門在掩後隊後左右  
廂第一門在步甲前隊第六後第一門在前部黃麾  
仗前第三門在後部黃麾仗前第四門在黃麾仗後  
第五門在步甲後隊第六後每旗二人執四人夾並

騎分左右每門監門校尉六人領又大駕郊祀籍田  
薦獻玉清昭應景靈宮用之迎奉聖像亦用大駕惟  
不設象及六引導駕官法駕減太常卿司徒兵部尚  
書白鷺崇德車大輦五副輅進賢明遠車又減屬車  
四餘並三分減一泰山下汾陰行禮明堂大慶殿恭  
謝用之凡一萬一千八十八人鸞駕又減縣令州牧  
御史大夫指南記里鸞旗皮軒車象輅革輅木輅耕  
根車羊車黃鉞車豹尾車屬車小輦小輿餘並減半  
朝陵迎泰山天書東封西祀朝謁太清宮奏告玉清  
昭靈宮奉迎刻玉天書躬謝太廟皆用之鸞駕舊用

二十人大中祥符五年真宗告太廟增至七千人兵部黃麾仗用太常鼓吹太僕寺金玉輅殿中省大輦其制無定然皆減於小駕御樓車駕親征或省方還京迎禁中天書五嶽上冊建安軍迎奉聖像太廟上冊皆用之

志卷第九十八

志卷第九十九

宋史一百四十六

開府儀同三司上柱國錄軍國重事前中書右丞相兼修國史領經筵事都總裁脫脫等奉

勅

儀衛四

政和大駕鹵簿并宣和增減小駕附

政和大駕鹵簿象六分左右次六引開封令開封牧

大司樂少傅御史大夫兵部尚書

各用本部鹵簿

次金吾燾

稍左右阜燾各六

執托各一人新四人

押衙四人

並爆稍八

執各

一本衛上將軍將軍各四人本衛大將軍二人

並爆

稍四夾大將軍

執各一人並騎

法駕爆稍減二本衛上

將軍將軍各減三人次朱雀旗隊

並

金吾衛折衝都

尉一人引隊爆稍二夾都尉執旗一人引夾各二人凡仗內引夾執人數準

此弩四弓矢十六稍二十左右金吾衛果毅都尉二

人押隊法駕弩減二弓矢減六稍減八宣和引隊改

天武都指揮使押隊改天武指揮使次龍旗隊大將

軍一員檢校騎引旗十二人並騎風伯雨師雷公電母

旗各一五星旗五左右攝提旗二北斗旗一護旗十

二人副竿二執人並騎法駕引旗護旗人各減四宣和檢

校改左右衛大將軍雷公電母旗去公母二字次指

南記里鼓車各一駕馬各四駕士各三十人白鷺鸞

旗崇德皮軒車各駕士各十八人法駕無白鷺崇德

車宣和有青旌青雀鳴鳶飛鴻虎皮貔貅六車在記

里鼓之下崇德之前減白鷺鸞旗皮軒三車駕士之

數如前次金吾引駕騎本尉果毅都尉二人儀刀弩

弓矢稍各減二宣和改都尉為神勇都指揮使次大晟

府前部鼓吹令二人府史四人管押指揮使一人柶

鼓金鈺各十二帥兵官八人領大鼓一百二十帥兵官十人領長

鳴一百二十帥兵官六人領鏡鼓十二帥兵官四人領歌工拱宸管

簫笳各二十四大橫吹一百二十帥兵官十人領節鼓二笛

簫鬲栗笳桃皮鬲栗各二十四柶鼓金鈺二十二帥兵官八人領羽葆鼓十二帥兵官八人領

官四小鼓中鳴各一百二十帥兵官八人領

官四領歌工拱宸管簫笳各二十四法駕前後摑鼓金  
 鈺各減四大鼓減四十長鳴減四十饒鼓減四拱宸  
 管後簫笳各減八大橫吹減四十節鼓後笛簫感栗  
 笳桃皮感篳各減八小鼓中鳴各減四十羽葆鼓減  
 四最後簫笳各減八帥兵共減十八人次太史相風  
 行漏等輿太史令及令史各一人並騎相風鳥輿一輿  
 四交龍鈺鼓各一輿上各司辰典士各一人並騎漏刻  
 生四人鼓樓鐘樓行漏輿各一輿士各太史正一人  
 清道二人十二神輿一輿士十法駕行漏輿一輿士  
 十神輿一輿士多大宣和鼓鐘樓並改為輿太史正  
 人駕二人

前有捧日副指揮使二人捧日節級十人神輿輿士  
 增十次持鈿前隊左右武衛果毅都尉二人引隊左  
 右武衛校尉二人絳引幡一新左右有金節十二  
 執人並騎罕畢各一朱雀幢義導蓋青龍白虎幢各一義  
 三並騎稱長一人鈿戟二百八十八左右武衛將軍  
 二人檢校左右武衛校尉四人押隊法駕金節減四  
 級戟減七十二宣和引隊改驍騎都指揮使武衛校  
 尉改驍騎軍使增朱雀旗後之義一去龍虎旗後之  
 義三檢校改用左右驍騎將軍次黃麾幡一執一人  
 人法駕前有殿中侍御史二員次六軍儀仗左右神

武軍左右羽林軍左右龍武軍各有統軍二員都頭  
二人羽林又有節級二人押仗本軍旗各一排闌旗各二十合  
有吏兵力士旗各五掩尾天馬旗二羽林有赤豹黃熊旗龍武有龍  
君虎君白柯槍五十哥舒棒十鐙仗八法駕神武軍  
減排闌旗十羽林龍武軍各減四吏兵力士旗減一  
宣和統軍改軍將神武軍旗改熊虎排闌旗改平列  
哥舒棒改戈戟鐙杖改矛戟羽林隊無節釵黃熊旗  
改黃罷龍武旗改熊虎次引駕旗天王旗二排仗通  
直官二人押旗十二辰旗各一法駕同次龍墀旗天  
下太平旗一排仗大將二人夾旗五方龍旗各一金

鸞金鳳旗各一師子旗二君皇萬歲旗二日月旗各一法  
駕減鸞鳳師子旗次御馬二十四控馬每匹天武二人  
御馬直二人為十二重法駕減八為八重宣和御馬直改  
為習馭次中道隊大將軍一員檢校法駕同宣和大  
將軍改為左右驍衛大將軍次日月合璧旗一苜文  
旗二五星連珠旗一祥雲旗二長壽旗二宣和苜文  
改慶雲祥雲改祥光次金吾細仗青龍白虎旗各一  
五嶽神旗五方神旗五方龍旗五方鳳旗各五已上執各  
一人法駕五方龍鳳旗各減二宣和改校尉為使  
臣五嶽神旗去神字次八寶鎮國神寶皇帝之寶皇

帝行寶皇帝信寶在左受命寶天子之寶天子行寶  
天子信寶在右為四重香案八各以二列於寶輿之  
前碧欄二十四人符寶郎行於碧欄之間法駕減碧  
欄八人宣和增引職掌二人香案職掌六人援衛傳  
喝親從一百人奉寶輦官每寶二十八人節級一人  
奉寶一十二人昇香案行馬執燭籠各四人持席褥  
油衣共三人香案寶輿各九燭籠二十六碧欄之數  
同前次方徽二大雉尾扇四夾執織扇各一人以下準此法駕同  
次金吾四色官六人押仗二人法駕減押仗次金甲  
二人宣和改為銅甲次太僕寺進馬四人並次引駕

千牛衛上將軍一員千牛八人中郎將二人並東珂馬千牛二  
人並宣和引駕改為千牛衛大將軍中郎將改為捧日  
都虞侯次長史二人並宣和無次金吾引駕官四人並  
次導駕官執政以上人從六人待制諫議防禦使以上五人監察御史刺史諸衛將軍以上四人次徽  
扇輿輦大繖二中雉尾扇四夾腰輿一小雉尾扇四夾  
應奉人員一人十將將虞侯節級二人長行十六人排  
列官二人中雉尾扇十二華蓋二執各香燈一執擎小輿  
一應奉人逍遙平輦下逍遙子一應奉人十將將虞侯  
人長行二十四人節級共九人長行二  
十六平輦一應奉人員七法駕排列官後中雉尾扇  
減四宣和去小雉尾扇四腰輿一添管押人員二人  
都將四人兼押小

輿排列小輿一奉輿二十四人道遙子改為道遙輦奉輿

二十人平輦一奉輿人同上後有小輿前又有大路一

駕馬六太僕卿駕馬士一百二十人次駕前東第五班開道旗一皂纛

旗十二引駕六十二人鈞容直三百人引駕回五方

色龍旗五門旗四十御龍四直步執門旗六十天武

駕頭下一十二人茶酒班執從物三十一人御龍直

仗劍六人天武把行門八人麋旗一殿前班擊鞭一

十人簇輦龍旗八日月麟鳳旗四青白赤黑龍旗各

一御龍直四十人踏路馬二夾路大將軍二員進

職掌二員部押二人教馬官二員法駕同宣和

容憲開道旗內增押班一人殿侍二人皂纛旗十二

殿侍十人執引駕人員二人長行六十人五方色吉字旗

殿侍三人管押十人門旗殿侍二人管押四十人义

八門旗六十御龍直一十二人骨朵直十二人御龍

弓箭直弩直各十八人御龍直仗劍六人執麋旗殿

侍二人管押龍旗人員二人都知副都知各一人執

骨朵殿侍十六人內大將軍改為千牛衛大將軍朝服

步將軍二人朝服掌輦四人皇帝乘玉輅駕青馬六

駕士一百二十八人扶駕八人骨朵直一百三十四

人行門三十五人分左右陪乘將軍二員法駕同宣

萬曆二十五年刊

和駕士增爲二百三十四人次奉宸隊御龍直左廂  
骨朶子直右廂弓箭直弩直御龍四直並以逐班直  
所管人數列爲五重天武骨朶大劔三百一十人次  
駕後東第五班大黃龍旗一鈞容直三十一人扇篋  
下天武二十人茶酒班簇輦三十一人招箭班三十  
三人法駕同宣和止用黃龍旗餘並無次副玉輅一  
駕青馬六駕士四十人法駕無宣和駕士一百人內人  
員二人次大輦一掌輦四人應奉人員十二人十將將  
虞候節級共十人長行三百五十五人尚輦奉御二人殿  
中少監供奉職官二員令史四人書令史四人法駕同

宣和增奉輦爲九十人次太僕御馬二十四爲十二  
重法駕減八爲八重宣和無太僕次持鈚後隊左右  
武衛旅帥二人法駕同宣和改爲神勇都指揮使次  
重輪旗二大纛二大雉尾扇四小雉尾扇朱團扇各  
十二華蓋二义二睥睨十二御刀六真武幢一絳麾  
二义一細稍十二法駕小雉尾扇朱團扇睥睨稍各  
減四華蓋減一御刀減二宣和真武幢改爲玄武次  
左右金吾衛果毅都尉二人並總領大角一百二十  
法駕減四十宣和改都尉爲驍騎都指揮使次大晟  
府後部鼓吹丞二人典事四人管轄指揮使一人羽



葆鼓十二

帥兵官領

歌工拱宸簫管笳各二十四

帥兵官二

人領鏡鼓十二

帥兵官領

歌工簫笳各二十四小橫吹一

百二十

帥兵官領

笛簫箏篳篥茄桃皮膚篳各二十四法

駕羽葆鼓減四簫笳笛箏篳桃皮膚篳各減八鏡鼓

減四小橫吹減四十

帥兵官並減二人

宣和帥兵官改為天

武神勇宣武虎翼四都頭次黃麾

一

執紼人數同前部法駕亦同有

殿中侍御史二員在黃麾前

芳亭輦一

奉輦六人

鳳輦一

奉輦五人

法

駕去鳳輦宣和芳亭奉輦六十二人次金象輦木四輅並有副輅金輅踏路赤馬二正副各駕赤馬六駕士六十人餘輅正副駕馬數同而色異象輅以赭白

革輅以騮木輅以黑駕士各四十人法如前副輅宣

和駕馬之色又異金以騮象以赤革以赭白木以烏

駕二正百五十人副一百人管押人員各二人併根

車一駕青馬六駕士四十人法駕同宣和無進賢車

一駕士二十四人明遠車一駕士四人法駕無宣和

各增駕馬四次屬車十二乘每乘駕士三駕士十人

法駕四乘宣和增衛官二人管押儀仗一人次門

下出善書殿中侍御史各二人法駕同次黃鐵

車各一各駕馬二駕士十五人法駕除進賢

賢輦外其餘如前法駕同次黃鐵天武副都頭及神勇

副都頭各一次掩後隊左右威衛折衝都尉二人領  
隊大戟刀盾弓矢稍各五十法駕冬城十六宣和押  
隊改用宣武都指揮使二人次真武隊金吾衛折衝  
都尉一人爆稍二僊重旗一真武旗一騎蛇神龜旗  
各一稍二十五弓矢二十弩五法駕稍減六弓天減  
五弩減一宣和改為玄武隊改真武為玄武又去僊  
童龜蛇旗改都尉為虎翼都指揮使政和太駕外仗  
清游隊次第第六引外仗白澤旗二左右金吾衛折衝  
都尉一人弩八弓矢三十二稍四十法駕次第第三引  
外弩減二弓矢減八稍減十宣和改都尉為捧日都

指揮使左右金吾各十六騎帥兵官二人弩八弓矢  
稍各十二法駕金吾騎及弓矢稍各減四宣和改金  
吾為天武都頭次仗飛隊左右金吾衛果毅都尉二  
人分領中虞候仗飛四十八人中鐵甲仗飛二十四  
人中法駕前減十八人後減八人宣和改金吾衛  
為拱聖都指揮使改都尉為都指揮使次前隊仗  
左右領軍衛將軍二人檢校中爆稍四仗又分五隊  
第一一百六十人第二八十人第三一百人第四第  
五各八十人逐隊有帥兵官左右領軍衛左右威衛  
左右武衛左右驍衛左右衛各四人法駕又第一

四百一十個  
隊減六十第二第三各減三十第四第五各減二十  
宣和改檢校為左右衛將軍領軍衛為天武都頭威  
衛為神勇都頭武衛為宣武都頭驍衛為虎翼都頭  
爰又第一隊減六十增第二隊至第五隊為一百次  
後隊爰仗爰又分五隊第一隊八十八人第三一百  
人第四八十八人第五一百六十八人帥兵官左右衛左  
右驍衛左右武衛左右威衛左右領軍衛凡前後隊  
爰仗前接中道北斗旗後盡鹵簿後隊法駕爰又第  
一第二隊各減二十四第三第四各減二十第五減  
六十宣和爰又各一百天武神勇宣武虎翼廣勇部

頭次前部馬隊凡二十皆以都尉二人分領第一前  
左右金吾衛折衝領角亢斗牛宿旗四弩十弓矢二  
十稍四十第二氏房女虛宿旗四第三心危宿旗第  
四尾室宿旗各二以上四隊各以左右領軍衛果毅  
領第五箕壁宿旗第六奎井宿旗各二各以左右威  
衛折衝領第七婁鬼宿旗第八胃柳宿旗第九昂星  
宿旗各二各以左右武衛果毅領第十畢張宿旗第  
十一觜翼宿旗第十二參軫宿旗各二各以左右驍  
衛折衝領弩弓矢稍人數同第一隊法駕分二十八  
宿旗為十隊逐隊弩減四弓矢減六稍減二十宣和

捧日拱聖神勇驍衛宣武四都指揮使分領上十隊  
以虎翼廣勇都指揮使分領下二隊次步甲前隊凡  
十二左右領軍衛將軍二人檢校並擧稍四逐隊皆  
有都尉二人分領第一第三各以左右領軍衛第五  
以左右威衛第七以左右武衛第九以左右驍衛第  
十一以左右衛並折衝第二第四各以左右領軍衛  
第六以左右威衛第八以左右武衛第十以左右驍  
衛第十二以左右衛並果毅內有鸚鵡玉馬三角獸  
黃鹿飛麟馱鸞麟馴象王兔辟邪等旗各二以序  
居都尉之後逐隊有弓矢刀盾相間各六十人居旗

之後法駕止十隊每隊弓矢各減二十宣和檢校改  
用左右衛將軍又去擧稍分領並改為都指揮使第  
一第二並捧日第三第四並天武第五第六並拱聖  
第七第八並神勇第九驍騎第十宣武第十一虎翼  
第十二廣勇次前部黃麾仗絳引幡二十下分六部  
第一左右威衛第二左右領軍衛第三左右威衛第  
四左右武衛第五左右驍衛第六左右衛諸部各有  
殿中侍御史兩員本衛大將軍二人檢校本衛折衝  
都尉二人分領又各有帥兵官二十人龍頭竿六重  
重各二十揭鼓三重重各二儀鎧五色幡小戟稍各

一重重各二十弓矢三重重各二十朱綠藤絡盾并  
刀二重重各二十法駕止五部絳引幡帥兵官龍頭  
竿幡戟弓矢盾刀稍並減六宣和六部驍衛武衛屯  
衛領軍衛監門衛千牛衛皆左右上將軍天武神勇  
宣武虎翼廣勇皆都指揮都頭逐部上將軍都頭各  
一人次青龍白虎旗各一左右衛果毅都尉二人分  
押旗及領後七十騎弩八弓矢二十二稍四十法駕  
減後騎三十弩減二弓矢減八稍減二十宣和改都  
尉爲虎翼都指揮使次班劍儀刀隊並騎左右衛將  
軍二人分領郎將二十四人左右親衛勳衛各四人

每衛班劍二百二十人諸翊衛左右衛六人領儀刀  
四百八人左右驍衛二人領儀刀一百二十六人左  
右武衛左右威衛左右領軍衛左右金吾衛各二人  
法駕親勳衛班劍減八十四人翊衛儀刀減一百三  
十二人增左右驍衛四人班劍儀刀九十二人宣和  
分領改左右武衛將軍及捧日天武指揮四人拱聖  
六人神勇驍騎驍勝宣武虎翼指揮使各二人次親  
勳散手驍衛翊衛隊並左右衛供奉中郎將四人分  
領親勳翊衛四十八人左右衛郎將二人分領散手  
翊衛六十人左右驍衛郎將二人分領驍衛翊衛五

十六人法駕親勳減十六人散手驍衛各減二十人  
宣和改爲中衛翊衛親衛隊中衛郎四人分領衛兵  
四十八人翊衛郎二人分領衛兵六十人親衛郎二  
人分領衛兵五十六人次左右驍衛翊衛三隊並各  
有二人分領第一本衛大將軍第二本衛將軍第三  
本衛郎將花鳳飛黃吉利旗各二分爲三隊逐隊弩  
十弓矢二十稍四十法駕弩減四弓矢稍各減半宣  
和分領第一第二隊左右驍衛大將軍將軍第三廣  
勇指揮使改花鳳旗爲雙蓮旗次夾轂隊凡六逐隊  
尉都二人檢校第一第四左右折衝第二第三第五

第六並左右衛果毅逐隊刀盾各六十人內第一第  
四有寶符旗二法駕各減刀盾二十宣和檢校改爲  
捧日天武拱聖三指揮使次捧日隊逐隊引一人押  
二人長行殿侍二十八人旗頭三人槍手五人弓箭  
手二十人左右廂天武約攔各一百五十五人法駕  
同次後部黃魔仗分六部左右衛左右驍衛左右武  
衛左右威衛左右領軍衛左右武衛部內殿中侍御  
史大將軍都尉帥兵官絳引幡龍頭竿等並同前部  
法駕減第六部絳引幡減六宣和六部第一改爲左  
右驍衛大將軍自二至六改爲天武神勇宣武虎翼

廣勇三指揮次步甲後隊凡十二皆有都尉二人分  
領第一以左右衛第三以左右驍衛第五以左右武  
衛第七以左右威衛第九第十一各以左右領軍衛  
以上並果毅第二以左右衛第四以左右驍衛第六  
以左右武衛第八以左右威衛第十第十二各以左  
右領軍衛以上並折衝內有貔鷓鷃僊鹿金鷄鸚鵡瑞  
麥孔雀野馬犛牛甘露網子祥光翔鶴等旗各二以  
序居都尉之後逐隊有弓矢刀盾相間各六十人居  
旗之後法駕止十隊宣和自第七隊以下分領改用  
都指揮使七八並神勇九驍騎十宣武十一虎翼十

二廣勇旗亦改其半七天正堯瑞八日有戴承十翔  
鶴十一紅光十二文石次後部馬隊凡十二皆以都  
尉二人分領第一第二各以左右衛第三第六第七  
各以左右武衛第十至十一十二各以左右領軍衛  
並折衝第三第四各以左右驍衛第八第九各以左  
右威衛並果毅內有角觶赤熊兪天下太平馴犀鷓  
鷃驪騶騶牙蒼烏白狼龍虎金牛等旗各二以序居  
都尉之後每隊弩十弓矢二十稍四十法駕止十隊  
弩減四弓矢減六稍減十二宣和改都尉為指揮使  
一二並以捧日三四並以天武五六並以拱聖七八

並以神勇九以號騎十以宣武十一以虎翼十二以  
廣勇內六有芝禾並秀旗七有萬年連理木旗以上  
鹵簿凡門有六中道之門二第一門居日月合璧等  
旗之後法駕居龍輝旗之後第二門居掩後隊之後  
法駕同各有金吾衙門旗四監門校尉六人左右道  
之門四第一居步甲前隊第六隊之後第二居第十  
二隊之後第三居夾轂隊之後第四居步甲後隊第  
六隊之後法駕同各有監門校尉四人宣和改校尉  
爲使臣

政和小駕減大駕六引及象木革輅五副輅小輿小  
輦又減指南記里白鷺鸞旗崇德皮軒畊根進賢明  
遠賁鈇豹尾屬車等十一餘並減大駕之半

志卷第九十九

萬曆二十八年刊

宋史志卷第九十九

十一

四十一



志卷第一百

宋史一百四十七

開府儀同司在國錄軍國事節中書右丞相監修國史領經筵事都總裁臣臧等奉

勅

儀衛五

紹興鹵簿  
皇太后皇后鹵簿

皇太子鹵簿妃附  
王公以下鹵簿

紹興鹵簿宋初大駕用一萬一千二百二十二入宣

和增用二萬六十一人建炎初裁定一千三百三十

五人紹興初用宋初之數十六年以後遂用一萬五

千五十人明堂三分省一用一萬一十五人孝宗用

六千八百八十九人明堂用三千三百十九人以後

並用孝宗之數紹興用象六副象一乾道用象一淳熙用象六面不

設副紹熙如乾道慶元後不設六引第一引清道二人孝宗省之憶弩一

人騎方繳一雜花扇二曲蓋一外仗青衣二人車輻

捧二告止傳教信幡各二戟十第二引清道二人孝宗

省憶弩一人騎鼓一鉦一大鼓十節一稍二皆騎方

繳一雜花扇四孝宗省為二曲蓋一幢一麾一皆騎大角

四鏡一簫二笳二橫吹二笛一簫一感栗一笳一外

仗青衣四人孝宗省為二車幅棒四孝宗省為二告止傳教信

幡各二儀刀十戟二十弓矢二十孝宗皆省為十六刀盾二

十稍二十孝宗並省第三第四第五第六引並同第二引

內花扇大角各二青衣二人孝宗朝第三第四第五

餘並同第二引已省之數金吾纛稍隊纛二孝宗省為六押纛二人

孝宗省為一押衙四人孝宗省上將軍四人將軍四人

省大將軍二人孝宗省為一擐稍十二並騎孝宗省為八朱雀

隊朱雀旗一擐稍二弩四隊前後引押各天武都指

揮銅人騎龍旗隊引旗一風師兩師雷旗電旗各

一五星旗五攝提旗二北斗旗一護旗一左右衛大

將軍一人金吾引駕騎神勇都指揮使次弩弓矢

稍各四並騎太常前部鼓吹鼓吹令二府史四人

管轄指揮使一人帥兵官三十六人孝宗省作擐鼓

十二金鉦十二孝宗鼓鉦太鼓六十孝宗作小鼓

六十孝宗節鼓一鏡鼓六羽葆鼓六歌工二十四

拱宸管二十四孝宗管簫笳各三十六孝宗朝

嘉二長鳴六十中鳴六十孝宗朝並大橫吹六十孝宗

十四孝宗笛十二孝宗膚栗十二桃皮膚栗十二

持鈸前隊驍騎都指揮使一人將軍二人軍使四人

並騎標長一人靈芝旗二瑞瓜旗二雙蓮花旗二太

平瑞木旗二朱雀旗一甘露旗二嘉禾旗二芝草旗

二絳引幡一孝宗青麾幡一十月龍白虎幢各一全

十二單單各一文一鈸戰五十孝宗六軍

第一隊軍將二卒長二騎熊虎旗二赤豹旗二東兵

旗力士旗二戈六矛四戟四鉞四白柯槍五十平列

旗二十在仗外分夾旗槍第二隊軍將二卒長二騎

龍君旗虎君旗各三黃熊旗四赤豹旗二吏兵旗力

士旗各一戈六矛四戟四鉞四白柯槍四十平列旗

二十分仗外第三隊軍將二卒長二騎道真官二吏

兵旗力士旗各一熊虎旗二龍君旗虎君旗各一天

王旗四十二辰旗各一戈六矛戟鉞各四白柯槍三

十平列旗二十分夾仗外孝宗朝第一隊軍將卒長

旗力士旗各二矛四戟四戟二鉞二白柯槍三十平

列旗十四餘同第二隊軍將卒長各一龍君虎君黃

熊赤豹旗同戟六鉞六戈四矛四白柯槍二十第三  
隊軍將卒長各一吏兵力並熊虎龍君虎君天王旗  
並同十二辰旗十二通直官龍墀旗隊天下太平旗  
二白柯槍十平列旗十二  
龍墀旗隊天下太平旗  
一排仗大將二人夾之五方龍旗各一為三赤在前  
黃在中黑在後青左白右次金鸞旗一左金鳳旗一  
右獅子旗二君王萬歲旗一日旗一左月旗一右  
御馬十匹分左右為五重 中道隊左右衛大將軍  
一人檢校騎日月合璧旗一慶雲旗二五星連珠旗  
一祥光旗長壽幢各一 金吾牙門第一門牙門旗  
四次監門使臣六分左右騎孝宗省旗為金吾細仗  
青龍旗一左白虎旗一右五嶽神旗五分前中後左

右為三列五方神旗五陳列亦如之五方龍旗之六  
五相間為五隊每隊赤前黃中黑後青左白右五方  
鳳旗二十五相間為五隊陳列亦如之三嶽旗在左  
五方旗在右五龍旗在左五鳳旗在右四續旗在左  
在左河濟在右押二八分左右騎孝宗五龍  
八寶輿鎮國神寶左受命之寶右皇帝之寶左  
天子之寶右皇帝信寶左天子信寶右皇帝行寶左  
天子行寶右為四列每寶一輿每輿一香案輿案前  
燭單三十二引寶職掌八人持寶官一人內外各寶  
郎各二人扈衛一百若攔二十人夾扈衛之

十省二 龍鳳殿中織扇輿方扇二 詩宗失國扇四 詩  
 省金吾四色官六人 詩宗省押袋二人 詩宗省甲二人  
 執錢進馬官四人 騎牛牛衛大將軍一人 詩宗省牛  
 衛將軍八人 詩宗省金吾引駕官二人 詩宗省馬官二人  
 並騎導大纛二 詩宗省鳳扇四 詩宗省衣織而仁 詩宗省  
 一鳳扇十六夾輿 詩宗省筆蓋二排 列官一人 香案  
 一火燎一小吏一 追送子 平輦駕前諸班直  
 駕頭 鳴鑼 騎馬 轎 羅 三百三十人 詩宗省  
 入前驅部下親從官一百五十人 鳴鑼 轎 東西班  
 六人 詩宗省 殿前指揮使四十八人 東第三班長

人祇候五十二人 班直王首九人 孝宗省為三人 茶酒新舊

班一百六人 孝宗省為四十四人 開道旗一 纛一 十二 鈞容直

二百七十人 駕日則作樂孝宗乾道元年以後再用 吉利旗五

五方龍旗五 龍旗二十 孝宗省為三十 殿前

指揮使引駕骨朵子直四十人 分左右夾開旗外 駕頭門駕

頭下天武官二十二 孝宗省為十七人 都下親從一十六

人 孝宗省為八人 茶酒班執從物殿侍二十二 人又都下親

從二十二 孝宗省為十七人 劍六人 孝宗省為三人 麋旗一人 員

一 孝宗省為一人 殿前指揮使行門二十二 人鳴鞭十三 人 孝宗省為一人

增為一 孝宗省為一人 次御龍直百二十 人 孝宗省為八十六人 快行五十 人

萬曆二十八年刊 宋史志卷第二百 五 學正瞿校

日月麟鳳旗各一青龍白龍赤龍黑龍旗四人員二引駕千牛上將軍一人 玉輅奉宸隊分左右充禁

衛圍子八重崇政殿親從圍子二百人為第一重從裏出數御龍直二百五十人為第二重崇政殿親從外圍

子二百五十人為第三重御龍直骨朵子直二百五十人為第四重御龍弓箭直二百五十人為第五重

御龍弩直二百五十人為第六重禁衛天武二百五十人為第七重都下親從圍子三百人為第八重孝宗

以上天武約攔二百人孝宗省作百人十八人在禁衛圍子外孝宗省為編排禁衛行子二十一人快行五十九人四十二

官押相視御龍四直八人孝宗省為四人照管行子御龍四

直二十四人孝宗省為八人天武六人孝宗省之禁衛內攔前崇政殿親從三十二人孝宗省作二十五人駕後部 扇篋大

黃龍旗一駕後樂東西班三十六人鈞容直三十一人並騎孝宗此下增拾扇篋扇篋下天武二十二孝宗省作八人茶酒班執從物

孝宗省作十七人都下親從十六人孝宗省作八人大輦輦下應奉并人員合六百

一十四人分五番孝宗乾道元年省之六年以後復設御馬十匹為五重 持斂後隊神勇都指揮使二人騎重輪旗二

人大織二孝宗省為一朱團扇八孝宗省為四鳳扇二小

良善即  
蒼生切  
竹也

雉扇二十二孝宗省鳳扇而華蓋二孝宗省俾倪十

二孝宗省御刀六玄武幢一絳麾二义細稍十二孝宗省

六孝宗省驍騎都指揮使一人騎總領大角大角四十孝宗省

大常後部鼓吹鼓吹丞二人典吏四人孝宗省管轄

指揮使一人羽葆鼓六歌工二十四拱宸管十二簫

三十六笳二十四驍鼓六小橫吹六十笛十二感栗

十二帥兵官十人孝宗省歌工十八拱宸管十二簫十

栗小橫吹三十感栗十八桃皮感黃麾幡一中金鼓

象轂革轂木轂各一每轂誕馬各六在轂前駕士各

百五十四人乾道元年省之掩後隊中宣武都指揮

使二人大戟刀盾弓二大稍各十五金吾衛門第二

門中牙門旗四分在右省之監門使臣六分左右騎

武旗一稍弓矢各十孝宗省弩五外仗中道

清游隊白澤旗二捧日指揮使二弩四弓矢十

稍十六左右金吾十六騎天武都頭二人弩八弓

矢十二稍十二孝宗省仗飛隊拱聖指揮

使二虞候仗飛二十鐵甲次飛十二前隊仗仗都

頭六人騎仗仗六十後隊仗仗都頭四人騎仗仗

四十前部馬隊第一隊捧日都指揮使二人角斗

亢牛旗各一弩四弓矢稍八第二隊捧日都指揮  
使二人女房靈旗各一弩弓矢稍如第一隊第三  
隊天武都指揮使二人心危旗各一弩弓矢如第二  
隊第四隊天武都指揮使二人尾室旗各一弓矢稍  
如第三隊第五隊拱聖指揮使二人箕畢旗各一弩  
弓矢稍如第四隊第六隊拱聖都指揮使二人奎井  
旗各一弩弓矢稍如第五隊第七隊神勇都指揮使  
二人婁鬼旗各一弩弓矢稍如第六隊第八隊神勇  
都指揮使一人胃柳旗各一弩弓矢稍如第七隊  
第九隊驍騎都指揮使二人昂星旗各一弩弓矢稍

第八隊第十隊三武都指揮使二人畢張旗各一弩  
弓矢稍如第九隊第十一隊虎翼都指揮使二人  
翼旗各一弩弓矢稍如第十隊第十二隊廣勇都指  
揮使二人參軫旗各一弩弓矢稍如第十一隊

七隊二  
四弓矢稍每隊步甲前隊第一隊捧日指

揮使都頭各二人騎同鵝鷄旗二青蓋甲刀盾二十  
孝宗刀盾者為第二隊捧日指揮使都頭纛旗朱蓋

十二下並同甲刀盾第三隊天武指揮使都頭萬年連理木旗黃

蓋甲刀盾第四隊天武指揮使都頭芝禾並秀旗白

蓋甲刀盾第五隊拱聖指揮使都頭祥鶴旗黑蓋甲



刀盾第六隊拱聖指揮使都頭犀旗黃整甲刀盾

改黃整甲為青分左右監門使臣八人並騎孝宗旗省為二人步甲

前隊第七隊神武指揮使都頭鸚鵡旗青整甲刀盾

第八隊神武指揮使都頭麟旗朱整甲刀盾第九隊

駝騎指揮使都頭白旗黃整甲刀盾第十隊駝騎

指揮使都頭蒼烏旗次白整甲刀盾第十一隊虎翼

指揮使都頭鸚鵡旗黑整甲刀盾第十二隊廣勇

指揮使都頭太平旗黃整甲刀盾自至十二隊人旗

盾數列如第一隊孝宗旗省為二人金吾左右

道牙門第一門牙門旗四分左右監門使臣八人並

騎孝宗旗省為二人前部黃麾仗第一部殿中侍御史

二員騎孝宗省為十人纒引幡十二孝宗省為十人爆稍二捧日指揮使

二都頭五並騎孝宗省為二十人黃麾五十孝宗省為二十人鼓四斧十戟弓

矢二十稍三十孝宗省為二十人弩十第一部殿中侍御史天武

指揮使都頭青整鼓斧戟弓矢稍弩第二部殿中御

史拱聖指揮使都頭緋整鼓斧戟弓矢稍弩孝宗省作三部

第四部殿中御史補勇指揮使都頭黃整鼓斧戟弓

矢稍弩第五部殿中御史駝騎指揮使都頭白整鼓

斧戟弓矢稍弩第六部殿中御史廣勇指揮使都頭

萬曆三十八年刊

宋史志卷第一百

九 學正瞿校

黑鼈鼓斧戟弓矢稍弩自二里六部數列並如初部  
一青龍白虎翼並青龍旗一白虎旗一虎翼都指揮  
使二弩四弓矢十稍八 班劔儀刀隊並武衛將軍  
二人捧日天武拱聖神勇指揮使各二人班劔六十  
儀刀六十次驍騎驍勝宣武虎翼指揮使各二人班  
劔六十儀劔六十 親勳散手驍衛翊衛隊並中衛  
郎四人翊衛郎二人親衛郎二人衛兵四十甲騎四  
十在衛兵外 左右驍衛翊衛三隊並第一隊左右  
驍衛大將軍二人雙蓮花旗二弩四弓矢十孝宗減為  
六下稍十六孝宗減為第二隊廣勇指揮使二人吉  
同

利旗弩弓矢稍數如初隊 金吾左右道牙門第三  
門牙門旗四分左右監門八人並騎孝宗旗減為二  
捧日隊三十四隊左右各十七隊監門減為四人  
每隊引一人押一人旗三人搶五人弓箭二十人孝宗減為十隊  
後部黃麾仗凡六部第一部至六部並同前部黃麾  
仗帷無絳引幡爆稍孝宗減為戶部仗數亦同前部  
黃麾已減之數併去爆稍絳引  
絳引幡二十孝宗減金吾左右道牙門第四  
門牙門旗四監門八人騎孝宗慎減為二步甲後  
隊第一隊捧日指揮使都頭各二人騎鷓鴣旗鷓鴣旗  
各二青鞞甲刀盾二十孝宗減刀盾為第二隊天武  
十六逐隊並同

指揮使都頭芝禾並秀旗萬年連理木旗朱釜甲刀

盾第三隊拱聖指揮使都頭犀旗鶴旗黃釜甲刀盾

第四隊神武指揮使都頭蒼烏旗白狼旗白釜甲刀

盾第五隊繞騎指揮使都頭天下太平旗鸚鵡旗黑

釜甲刀盾第六隊虎翼指揮使都頭鸚鵡旗黃

釜甲刀盾身式至六隊數列並如初隊 金吾左右

道牙門第五門牙門旗四監門八人騎孝宗減旗為二減監門為

後部馬隊第一隊捧日都指揮使二角端旗二

弩四弓矢十稍十六孝宗弓矢減為六稍減為八第二隊捧日都

指揮使孝宗更天武赤熊旗弩弓矢稍第三隊天武都

指揮使孝宗更天武天下太平旗弩弓矢稍第五隊拱聖都指揮使

犀旗孝宗用龍馬旗弩弓矢稍第六隊拱聖都指揮使芝禾

並秀旗孝宗用金牛旗弩弓矢稍第七隊神勇都指揮使萬

年連理旗弩弓矢稍第八隊神勇都指揮使駟牙旗

弩弓矢稍第九隊繞騎都指揮使蒼烏旗弩弓矢稍

第十隊宜武都指揮使白狼旗弩弓矢稍第十一隊

虎翼都指揮使龍馬旗弩弓矢稍第十二隊廣勇都

指揮使金牛旗弩弓矢稍自二至十二隊數列並如

初隊

皇太后皇后鹵簿皆如禮令徽宗政和元年詔皇后

受冊排黃麾仗及重翟車陳小駕鹵簿后謙避於是

詔延福官受冊仍舊而小駕鹵簿端禮門外黃麾仗

紫宸殿臣僚稱賀上禮並罷其景靈宮朝謁則依近

例三年議禮局上皇后鹵簿之制清游隊旗一執一人引

二人夾二人並騎金吾衛折衝都尉一員騎執操稍二人夾領四十

騎執稍二十人弩四人橫刀一十六人次虞候伙飛

二十八騎次內儀內僕丞各一員各書令吏二人並騎次正道

黃麾一執一人夾二人並騎次左右廂黃麾仗廂各二行行一

百人第一行短戟五色斝第二行戈五色斝第三行

儀鏗五色幡左右領軍衛左右威衛左右武衛左右

驍衛左右衛等各三行行二十人各帥兵官六人領

內左右領軍衛帥兵官各三人各果毅都尉一員檢

校各一人步從左右領軍衛絳引旗引前掩後各六次內

謁者監四人給事內常侍內侍各二人並騎內給使各人步

從次內給使一百二十人次偏扇團扇方扇各二十

四次香鑿一次執擎內給使四人在重翟車前次重翟車

駕青馬六駕士二十四人行障六坐障三夾車並宮

人執次內寺伯二人騎領寺人六人分左右夾重翟

車次腰輿一輿二人團雉尾扇二夾輿次大繖四大雉

尾扇八錦花蓋二小雉尾扇朱畫團扇各十二錦曲

蓋二十錦六柱八扇自腰輿以下並內給使執次官人車次絳麾

二各執次正道後黃麾執一人夾次供奉官人次

靛翟車駕赤騮翟車駕黃騮安車駕赤騮各四駕士

各二十四人四望車金根車各駕牛三駕士各一十

二人次左右廂各置開門二每門執二人夾四人一在前黃麾前一在後黃

後麾次左右領軍衛每廂各一百五十人執及帥兵官

四人檢校次左右領軍衛折衝都尉各一員檢校

仗各一人次後仗仗內正道置牙門一每門監門檢

校二人騎每廂各巡檢校尉一員騎夾往檢校前後

部鼓吹金鈺擗鼓大鼓長鳴中鳴鏡吹羽葆鼓吹節

鼓御馬並減大駕之半

皇太子鹵簿禮令三師詹事率更令家令各用本品

鹵簿前導太宗至道中真宗升儲事多謙抑謁廟日

止用東宮鹵簿六引官但乘車而不設儀仗天禧二

年仁宗為皇太子亦依此制政和三年議禮局上皇

太子鹵簿之制家令率更令詹事各乘輅車太保太

傅太師乘輅各正道威儀鹵簿依本品次清游隊旗

執一人引二人夾一人並正道清道率府折衝都尉一員領二

十騎執稍一十八人弓矢九人弩三人二人騎從折

萬曆二十五年補刊

衝次左右清道率府率各一員領清道直盪及檢校

清游隊龍旗等執儀稍各二人次外清道直盪二十

四人騎次正道龍旗各六一人前二人副竿二各執

一人次直道細仗騎馬六重每重二人自龍旗後均

布至細仗稍與弓箭相關並騎每廂各果毅都尉一

員領次率更丞一員次正道前部鼓吹府史二人領

鼓吹並騎擗鼓金鉦各二各一人夾二人帥兵官二

人次大鼓三十六橫行長鳴帥兵官八人長鳴三

十六帥兵官二人鏡吹一部鏡鼓二各執一人夾

此蕭笳各六帥兵官二人擗鼓金鉦各二帥兵官

人次小鼓三十六帥兵官四人中鳴三十六帥兵官

二人以上並騎次誕馬十每匹二人厩牧令丞各一

員各府史二人次左右翊府郎將各一員領班劍左右

翊衛執班劍二十四人通事舍人四人司直二人文

學四人洗馬司議郎太子舍人中允中舍左右諭德

各二人左右庶子四人並騎自通事舍人次左右

衛率府副率各一員步從親勳翊衛每廂各中郎將

郎將一員並領六行儀刀第一行親衛二十三人曲

折三人第二行親衛二十五人曲折四人第三行勳

衛二十七人曲折五人第四行勳衛二十九人曲折

六人第五行翊衛三十一人曲折七人第六行翊衛

三十三人曲折八人曲折人並部後門以上三衛並騎次三

衛一十八人騎中郎將二人夾輅在六行儀刀仗內

金輅駕馬四僕寺僕馭左右率府率一員駕士二十

二人夾輅左右衛率府率各一員各步從一人次左右內

率府率各一員副率各一員並騎各步從一人次千騎執

細刀弓矢三衛儀刀仗後開牙門次左右監門率府

直長各六人監後門騎並次左右衛率府每廂各翊衛

二隊並騎次厭角隊各三十人執旗二人引二人夾二人執稍

一十五人弓矢七人弩三人每隊各郎將一員領次

正道繖二雉尾扇四夾繖次腰輿一輿士八人團雉

尾扇二小方雉尾扇八夾執各一人次內直郎令史各二人

騎從檢校次誕馬十典乘二人府史二人騎從次左

右司禦率府校尉各一人並騎從領團扇曲蓋次朱團

扇紫曲蓋各六執各一人次諸司供奉官人次左右清道

率府校尉各一人並騎領大角三十六鏡鼓二蕭笳各

六帥兵官二人橫吹十節鼓一笛簫咸栗玉帥兵官

二人並騎次管轄指揮使二人檢校次副輅駕四馬駕

士二十人輅車駕一馬駕士十四人四望車駕一馬

駕十二十人次左右廂步隊凡十各果毅都

尉一人領並騎隊三十人執旗一人引二人夾二人步

二十五人前一隊執稍一隊帶弓矢以次相間左右

率府左右衛率府廂各四隊一在前二在後次左右司禦率府副率各一

員檢校步隊各二人執爆稍騎從次儀仗左右廂各

六色電九行行六人前第一行戟赤麾第二行弓矢

第三行儀鉞并毬第四刀盾第五行儀鎧五色幡第

六行油戟次前仗首左右廂各六色色三行行六人

左右司禦率府各一員果毅都尉各一員帥兵官各

六人領次左右廂各六色色三行行六人左右衛率

府副率各一員果毅都尉各一員帥兵官各六人

次盡後鹵簿左右廂各六色色三行行六人左右司

禦率府副率各一員各一人步從果毅都尉各一人帥兵

官各六人領左右司禦率府率兵官各六人護後並

騎每廂各絳引幡十二執各一人引前揭鼓十二揚

左右司禦率府四重次左右廂受各一百五十人左

左右衛率府二重並分前後在步隊儀仗外

司禦率府各八十六人左馬隊內前接六旗後盡鹵簿曲折至門每廂各司禦

右衛率府各六十四人率府果毅都尉一員檢校各一人從每廂各帥兵官

七人並騎左右司禦率府各次馬隊左右廂各十隊

每隊帥兵官以下三十一人旗一執一人引二人執稍



十六人弓矢七人弩三人前第一隊左右清道率府果毅都尉各一員領第二第三第四隊左右司禦率府果毅都尉各一員領第五第六第七隊左右衛率府果毅都尉各一員領第八第九第十隊左右司禦率府果毅都尉各一員領次後拒隊旗一執一人引二人夾一人清道率府果毅都尉一員領四十騎執稍二十人弓矢十六人弩四人又二人騎從次後拒隊前當正道受仗行內開牙門次左右廂各開牙門三前第一門左右司禦率府步隊後左右率府步隊前第二門左右衛率府步隊後司禦率府儀仗前第三門左右

司禦率府儀仗後左右衛率府步隊前每開牙門執旗二人夾四人並

騎監門率府直長各二人並騎次左右監門率府副

率各一員騎來往檢校諸門各一人騎從次左右清

道率府副率各二人仗內檢校并糾察各一人騎從

次少師少傅少保正道乘輅威儀鹵簿各依本品次

文武官以次陪從

皇太子妃鹵簿之制政和三年設禮局上清道率府

校尉六人騎次青衣十人次導客舍人四人內給使

六十人偏扇團扇方扇各十八並官執行障四坐障二

夾車官人執典內二人騎厭翟車駕三馬駕士十四人

萬曆二十八年刊宋史志卷第一百十七 學正瞿校

次閣帥二人領內給使十八人夾車六柱二扇內給使執次供奉內人乘犢車次繳一正道雉尾扇二團扇四曲蓋二執繳扇各內給使一人次戟九十宋制臣子無鹵簿名遇升儲則草具儀注政和禮雖創具鹵簿然未及行也南渡後雖嘗討論然皇太子皆冲挹不受朝謁宮廟及陪祀及常朝皆乘馬止以官僚導從有繳扇而無圍子用三接青羅繳一紫羅障扇四人從指使二人直省官二人客司四人親事官二十人輦官二十人翰林司四人儀鸞司四人扇子六人教駿四人皆印二人步軍司宣效一十人步司宣效七十八

人防警兵士四人朝位在三公上扈從在駕後方圍子內

皇太子妃政和亦有鹵簿南渡後亦省之妃出入惟乘檐子三接青羅繳一黃紅羅障扇四人從以皇太子府親事官充輦官前執從物檐子前小殿侍一人抱塗金香毬先驅則教駿兵士呵止

王公以下鹵簿凡大駕六引用本品鹵簿奉冊充使及諸葬皆給之親王用一品之制加告止幡傳教幡信幡各二其葬日用六引內儀仗真宗咸平二年王承衍出葬日在禁樂禮官請鹵簿鼓吹備而不作從

之景德二年南郊鹵簿使王欽若言鄴王攢日所給鹵簿與南郊儀仗吉凶相參望依令別制王公車輅所有鼓吹儀仗亦請增置以備拜官朝會婚葬之用從之於是儀服悉以盡其葬日在塗以革車代輅徽宗政和三年議禮局上王公鹵簿之制中道清道六人次幟弩一騎次大晟府前部鼓吹令及職掌局長院官各一人捫鼓金鉦各一大鼓長鳴各一十八捫鼓金鉦各一次引樂官二人小鼓中鳴各一十次麾幢各一節一夾稍二誕馬八每四控馬各二人革車一乘駕赤馬四駕士二十五人散扇十方繖二朱團扇四夾

方繖曲蓋各二次大角八次後部鼓吹丞一員錄事一人次鐃鼓一簫四笳四大橫吹六節鼓一夾色二笛簫簫栗笳各四次外仗青衣十二車輻棒十二戟九十絳引幡六刀盾稍弓矢各八十儀刀十八信幡八告止幡傳教幡各四儀鉦二儀鐙斧挂五色幡六油戟十八儀稍十二細稍十二次左右衛尉寺押當職掌一十一人騎部轄部兵部轄騎兵太僕寺部押人員各一人教馬官各一人押當職掌四人騎公主鹵簿惟葬日給之秦國成聖繼明夫人葬日亦給外命婦一品鹵簿自餘未嘗用

一品鹵簿

命婦同

中道清道四人 懣弩一騎 大晟府前

部鼓吹令職掌一人 局長院官各一人 捫鼓金鉦各

一大鼓長鳴各一十六 麾幢節各一稍二 誕馬六次

革車一乘 駕赤馬四 駕士二十五人

命婦厭翟車駕士二十三人

品三品准此 散扇八

二品減四 三品減六 命婦散扇五十行障五行於車前 二品三品准此

方纒二朱團扇四 曲蓋二大角八

牛十八 駕士五十

九人行大角前 二品三品准此

次後部鼓吹丞一員 錄事一人 引樂

官二員 鏡鼓一 簫笳大橫吹各四 節鼓一 笛簫臚栗

笳各四 外仗青衣十人 車輻棒十戟 九十刀看稍各

八十 弓矢六十 儀刀三十 信幡八 告止幡 傳教幡 儀

鍤斧挂五色幡各四次 衛尉寺排列 押當職掌一十

一人 部轄人員太僕寺部押人員教馬官各一人 押

當職掌四人

命婦加二人

二品鹵簿

命婦同

中道清道二 八 懣弩一大 晟府前部

鼓吹令一 及職掌局長院官各一人 捫鼓金鉦各一

大鼓十四 麾幢節各一 夾稍二 誕馬四次 革車一乘

駕赤馬四 駕士二十五人 散扇四方 纒朱團扇 曲蓋

各二次 大角八次 後部鼓吹丞一 錄事引樂官各一

人 鏡鼓一 簫笳各二 大橫吹四 笛簫臚栗 笳各二 外

仗青衣八人 車輻棒八戟 七十刀看稍 弓矢各六十

儀刀十四信幡四告止傳教幡各二次衛尉排列押  
 當職掌九人部轄人員太僕寺部押人員教馬官各  
 一人押當職掌四人命婦加二人  
 三品鹵簿命婦同中道清道二懣弩一麾幢各一節一  
 夾稍二誕馬四次革車一乘駕赤馬四駕士二十五  
 人散扇二方繖二曲盖一大角四外仗青衣八人車  
 輻棒六戟六十刀盾稍弓矢各五十儀刀十二信幡  
 四告止傳教幡各二次衛尉排列押當職掌七人部  
 轄人員太僕寺部押人員教馬官各一人押當職掌  
 四人命婦加二人以上皆政和所定也 志卷第一百

志卷第一百

宋史一百四十八

開府儀同三司柱國錄軍國重事前中書右丞相監修國史領經筵事都總裁臣脫脫等奉

勅修

儀衛六 鹵簿儀服

鹵簿儀服自漢鹵簿象最在前晉平吳後南越獻馴  
 象作大車駕之以載黃門鼓吹數十人使越人騎之  
 以試橋梁宋鹵簿以象居先設木蓮花坐金蕉盤栽  
 羅繡檐絡腦當胷後鞞並設銅鈴杏葉紅鞞牛毛拂  
 拔塵每象南越軍一人跨其上四人引並花脚幘頭  
 緋繡窄衣銀帶太宗太平興國六年兩莊養象所奏

詔以象十於南郊引駕開寶九年南郊時其象止在  
六引前排列詔鹵簿使領其事

旗皆錯采為之漆竿饒首纛頭錦帶腰火燄脚白澤  
攝提金鸞金鳳獅子莖文天下太平君王萬歲仙童  
騰蛇神龜及在步甲前後隊後馬隊三隊六軍儀仗  
內並以赤日月及合璧連珠風雨雷電五星二十八  
宿祥雲並以青北斗以黑五岳四瀆五方四神十二  
辰五龍五鳳龍虎君並以方色天王以赤黃二色緋  
欄以黃紫赤二色元豐三年詳定郊廟奉祀禮文所  
言鹵簿前用二十八宿五星攝提旗有司乃取方士

之說繪為人形於禮無據伏請改製各著其象以則  
天文從之元祐七年太常寺言二十八宿旗五星攝  
提旗按鹵簿圖畫人形及牛虺頭婦人小兒之類於  
禮無據元豐三年禮文所上言乞改製各著其象以  
則天文後有司循舊儀朱曾改正今欲改造從之元  
符二年徽宗即位兵部侍郎黃裳言南郊大駕諸旗  
名物除用典故制號外餘因時事取名伏見近者璽  
授元符茅山之上日有重輪太上老君眉間發紅光  
武夷君廟有仙鶴臣請制為旗號曰寶符曰重輪曰  
祥光曰瑞鶴從之政和四年禮制局言鹵簿大黃龍

負圖旗畫八卦乞改畫九一三七二四六八五之數仙童網子大神三旗無所經見乞除去從之初大觀三年西京潁陽縣大慶觀聖祖殿東有嘉禾芝草並生其嘉禾一本四穗芝草葉圓而重起至是詔製芝禾並秀旗又以是年二月日上生青赤黃戴氣後日下生青赤黃承氣詔製日有戴承旗又以元符二年武夷君廟有仙鶴迎詔政和二年延福宮宴輔臣有群鶴自西北來盤旋於睿謨殿上及奏大晟樂而翔鶴屢至詔製瑞鶴旗八年禮部侍郎張邦昌奏太祖時甘露降於江陵者十日瑞麥秀於濮陽者六岐獲金

鸚鵡於隴坻得三玉兔於鄆封馴象至而五嶺平瓊管族而白鹿出皆命製為旗章陳之望詔有司取自崇觀至今凡中外所上瑞應悉掇其尤殊者增製旗物上以丕承天貺下以聳動民瞻從之初宋制旗物尤盛中興後惟務簡約雖參用舊制然亦不無因革其太常青質夾羅惟繡日月星而無龍下有網鬚謂之第而竿頭為龍首銜青結綬垂青旒綉十二謂之旒蓋幅下無旒而竿首垂旒抑又取古者注旒及羽於竿首之遺制竿用桐木護以剖竹膠以髹飾以藻玉輅建之大旂黃質九幅每幅繡升龍一側幅二下

垂黃絲網綾九金輅建之大赤朱質七幅每幅繡鳥  
隼二側幅如之下垂朱絲網綾七象輅建之大白素  
質五幅每幅繡熊一虎一側幅如之下垂淺黃絲網  
綾五革輅建之大麾皂質四幅每幅繡五采龜蛇一  
側幅繡龜二下垂阜絲網綾四木輅建之其黃龍負  
圖旗建隆初勅為大制有架旗力重以百九十人維  
之今用七十人其君王萬歲天下太平日月五星北  
斗招搖青龍朱雀白虎玄武等十旗皆以十七人維  
之其祥瑞旗八紹興二十五年所制也是歲適當郊  
祀而太廟生靈芝九莖贛州進太平瑞木道州連理  
木遂寧府嘉禾鎮江府瑞瓜南安軍雙蓮花嚴州兜  
率寺信州玉山芝草黎州甘露禮部侍郎王珉等請  
繪之華旗以紀盛美焉

五牛旗依方色皆小輿上刻木為牛背插旗錯采為  
牛旗竿上有小盤盤衣及輿衣亦並繡牛形輿士各  
四人服繡五色牛衣自太祖時詔用之神宗熙寧七  
年太常寺言大駕鹵簿羊車本前代宮中所乘五牛  
旗蓋古之五時副車也以木牛戴旗用人輿之失其  
本制宜省去從之

牙門旗古者天子出建大牙今制赤質錯采為神人



象中道前後各一門左右道五門門二旗蓋取周制  
樹旗表門及天子五門之制

駕頭一名寶床正衙法坐也香木為之四足塚山以  
龍卷之坐面用藤織雲龍四圍錯采繪走龍形微曲  
上加緋羅繡褥裹以緋羅繡帕每車駕出幸則使老  
內臣馬上擁之為前驅馬不設則以朱匣韜之

幡本幟也貌幡幡然有告止傳教信幡皆降帛錯采  
為字上有朱絲小蓋四角垂羅文佩擊龍頭竿上其  
錯采字下告止為雙鳳傳教為雙白虎信幡為雙龍  
又有絳引幡制頗同此作五色間暈無字兩角垂佩

中輿為六角蓋垂珠佩下有橫木板作碑玉文三幡  
亦以錯采篆書告止傳教信幡

幘制如節而五層韜以袋繡四神隨方色朱漆柄取  
曲禮行前朱雀而後玄武左青龍而右白虎之義王  
公所給幘黑漆柄紫綾袋中輿用生色袋

皂邊皂旂旂為火焰之形金吾仗主之每燾一人持  
一人拓之乘輿行則陳於鹵簿左右各六

絳麾如幘止三層紫羅囊蒙之王公麾以紫綾袋

黃麾古有黃朱纁三色所以指揮也漢鹵簿有前黃  
麾護駕御史宋制絳帛為之如幡錯采成黃麾字下  
繡交龍朱漆竿金龍首上垂朱綠小蓋神宗元豐二  
年詳定朝會御殿儀注所言按周禮木輅建大麾以  
田鄭氏曰大麾不在九旗之中以正色言之則黑夏  
后氏所建禮記曰有虞氏之旒夏后氏綏鄭氏曰綏  
謂注旒牛尾於杠首所謂大麾書曰王右秉白旒以  
麾孔穎達曰虞世但注旒夏世始加旒緣西京雜記  
漢大駕有前黃麾崔豹古今注麾所以指麾乘輿以  
黃諸公以朱刺史二千石以纁開元禮儀纂曰唐太

宗法夏后之前制取中方之正色故制大麾色黃今  
禮有黃麾其制十二幅開寶通禮義纂曰黃中央之  
色此仗最近車輅故以應象取其居中導達四方含  
光大也今鹵簿黃麾以夏制言之則狀不類旗以漢  
制言之則色又不黃伏請製大麾一注麾於竿首則  
法夏后氏之制其色正黃刪漢制以十二幅為旗則  
取唐制以一旒為之則取今龍墀旗之制當元會陳  
仗衛建大黃麾一於當御廂之前以為表識其當御  
廂之後則建黃麾幡二并上大黃麾黃麾幡制度神  
宗批曰黃麾制度考詳前志終是可疑今鑿而為之

植於大庭中外共瞻之地或為博聞多識者所譏宜  
且闕之更俟討求黃麾幡仍舊

斄本緝鳥毛為之唐有六色孔雀大小鶩毛鷄毛之  
制後志云今制有青緋皁白黃五色上有朱蓋下垂  
帶帶繡禽羽末綴金鈴青則繡以孔雀五角蓋緋則  
繡以鳳六角蓋皁則繡以鶩六角蓋白亦以鶩四角  
蓋黃則以鷄四角蓋每角綴垂佩揭以朱竿上如戟  
加橫木龍首以繫之

金節隋制也黑漆竿上施圓盤周綴紅絲拂八層黃  
繡龍袋籠之王公以下皆有節制同金節韜以碧油

繖古張帛避雨之制今有方繖大繖皆赤質紫表朱  
裏四角銅螭首六引內者其制差小哲宗元祐七年  
太常寺言開元禮大駕八角紫繖王公已下四角青  
繖今鹵簿圖但引紫繖而無青繖之文詔改用紹興  
十三年將郊詔繖扇如舊制拂扇等不以珠飾

蓋本黃帝時有雲氣為花繭之象因而作也宋有花  
蓋導蓋皆赤質如繖而圓瀝水繡花龍又有曲蓋差  
小惟乘輿用之人臣則親王或賜之而以青繒繡瑞  
草焉

胛睨如葦蓋而小

扇篋緋羅繡扇二緋羅繡曲蓋一並內臣馬上執之  
駕頭在細仗前扇篋在乘輿後大駕法駕鸞駕常出  
並用之扇圓徑四尺二寸柄長八尺三寸黃茸繡團  
龍仍用金塗銅飾扇有朱團及雉尾四等朱團繡雲  
鳳或雜花黑漆柄金銅飾雉尾皆方繡雉尾之狀有  
三等大雉扇長五尺二寸闊二尺七寸中扇小扇遞  
減二寸下方上殺以緋羅繡雉尾之狀中有雙孔雀  
雜花下施黑漆橫木長柄以金塗銅飾乘輿出入必  
以前持障蔽凡朔望朝賀行用禮皇帝升御坐必令  
扇坐定去扇禮畢駕退又索扇如初蓋謂天子升殿

俯仰衆人皆得見之非肅穆之容故必合扇以障焉  
早鼻象鼻昂為天堦故為前引皆赤質金銅飾朱藤  
結網金獸面早方上有二螭首銜紅絲拂鼻圓如扇  
香鐙唐制也朱漆紫緋繡花龍衣上設金塗香爐燭  
臺長竿二輿士八人金塗銀火鐐香匙副之  
大角黑漆畫龍紫繡龍袋

長鳴次鳴大小橫吹五色衣幡緋掌畫交龍樂令三  
品已上緋掌畫蹲豹

撮稍撮擊聲也一云象撮牛善聞字從牛唐金吾將  
軍執之宋制如節有袋上加碧油常置朝堂車駕鹵

簿出則八枚前導又四枚夾大將者名衛司擗稍  
稍長矛也木刃黑質畫雲氣又有細稍制同而差小  
戟有枝兵也木為刃赤質畫雲氣上垂交龍掌五色  
帶帶末綴銅鈴及釵戟無掌而有小橫木釵插也制  
木插車旁又小戟與釵戟同  
爰又戟之類爰無刃而短黑飾兩末又青飾兩末並  
中白畫雲氣各綴朱絲拂  
槍稍也唐羽林所執制同稍而鐵刃上綴朱絲拂  
儀鎗鉞屬也秦漢有之唐用為儀仗刻木如斧塗以  
青柄以黃上綴小錦幡五色帶

班劍本漢朝服帶劍晉以木代之亦曰象劍取裝飾  
斑斕之義鞘以黃質紫班文金銅飾紫絲條紉鈔  
御刀晉宋以來有之黑鞘金花銀飾靶軛紫絲條紉  
鈔又儀刀制同此悉以銀飾王公亦給之  
刀盾刀本容刀也盾旁排也一人分持刀以木為之  
無鞘有環紫絲條紉鈔盾赤質畫異獸又朱藤絡盾  
制悉同唯綠藤綠質皆特執之

幟弩漢京尹司隸前驅持弓以射窺者宋制每弩加  
箭二有鞞畫雲氣仗內弩皆同  
弓箭每弓加箭二有鞞同幟弩

車輻棒也形如車輪輻宋制朱漆八稜白幹

柯舒黑漆棒也制同車輻以金銅釘飾

之鐙杖黑漆弩柄也以金銅為鐙及飾其末紫絲條繫

鳴鞭唐及五代有之周官條狼氏執鞭趨辟之遺法也內侍二人執之鞭鞘用紅絲而漬以蠟行幸則前驅而鳴之大祀禮畢還宮亦用焉視朝宴會則用於

殿庭

誕馬散馬也加金塗銀鬃裝鞍勒乘輿以紅繡鞵六鞘王公以下用紫繡及剡花鞵哲宗元祐七年太常

寺言誕馬按鹵簿圖曰舊並施鞍鞵景祐五年去之昨納后誕馬猶施鞍鞵今欲乞除去仍依鹵簿圖用纓轡緋羅

御馬鞍勒之制有金玉水晶金塗四等鬃裝鞵鞵從結為坐龍碾釵鏤塵沙面平面窪面方圓寸節卷荷校具皆垂六鞘金銀裏鞍橋銜鐙朱黃絲條纒鞵緋黃織繡或素圓鞵襪襪用金銀絨織或緋黃絅鞭用紫竹紅黃絲鞘纓以紅黃犂牛尾金為鈇每日馬五匹供奉鞍用上及金塗襪襪皆素行幸則十四匹加真金水晶之飾太宗至道二年詔先是御馬以織成

帑覆鞍勒今後以廣絹代之

馬珂之制銅面鵬翎鼻拂攀臂上綴銅本葉紅絲拂  
又臂前及腹下皆有攀綴銅鈴後有跋塵錦包尾獨  
鹵簿中金吾衛將軍尊駕者皆有之

甲騎具裝甲人鎧也具裝馬鎧也甲以布為裏黃純  
表之青綠畫為甲文紅錦祿青純為下帟絳常為絡  
金銅鈇長短至膝前膺為人面二自背連膺纏以錦  
騰蛇具裝如常馬甲加珂拂於前膺及後鞅

毳杖金塗銀裹以供奉官騎執之分左右前導大禮  
用百人袍脚幘頭紫繡襖袍襖常出三十人公服皆

騎導

雞竿附竿為雞形金飾首啣絳幡承以綵盤維以絳  
索揭以長竿募衛士先登爭得雞者官給以纈襖子  
或取絳幡而已大禮畢麗正門肆赦則設之其義則  
雞為異神異主號令故宣號令則象之陽用事則雞

鳴故布宣陽澤則象之一曰天雞星動為有赦故王

者以天雞為度金雞事六朝已有之或謂起于西京

南渡後則自紹興十三年始也大駕鹵簿巾服之制

金吾上將軍將軍六統軍千牛中郎將服花脚幘頭

抹額紫繡袍佩牙刀珂馬諸衛大將軍將軍中郎將

嘉靖丙辰年 監生繆可貞刊

折衝果毅散手羽衛服平巾幘紫繡袍大口袴錦滕  
蛇銀帶佩橫刀執弓箭千牛將軍服平巾幘紫繡袍  
大口袴銀帶鞞鞞橫刀執弓箭珂馬千牛服花脚幘  
頭緋繡袍抹額大口袴銀帶鞞鞞前馬隊內折衝及  
執稍者服錦帽緋繡袍銀帶監門校尉六軍押仗服  
幘頭紫繡兩襠隊正服平巾幘緋繡袍大口袴諸衛  
主率都尉引駕騎持鈇隊內校尉旅帥執衛司受仗  
撮稍金吾十六騎班劔儀刀隊親勳羽衛執大角人  
並服平巾幘緋繡兩襠大口袴佩橫刀執弓箭金吾  
押牙服金鵞帽紫繡袍銀帶儀刀金吾持燾者服烏

紗帽皂衣袴鞞鞞金吾押燾服幘頭皂繡衫大口袴  
銀帶烏皮鞞執金吾撮稍服錦袍帽臂鞞銀帶烏皮  
鞞清遊隊仗飛執副仗稍服甲騎具裝錦臂鞞橫刀  
執弓箭白袴朱雀隊執旗及執牙門旗執絳引旛黃  
麾旛者並服緋繡衫抹額大口袴銀帶執仗前後  
步隊真武隊執旗前後部黃麾執日月合璧等旗青  
龍白虎隊金吾細仗內執旗者並服五色繡袍抹額  
行滕銀帶執白竿棒人加銀褐捍腰執龍旗及前馬  
隊內執旗人服五色繡袍銀帶行滕大口袴執弓箭  
執龍旗副竿人服錦帽五色繡袍大口袴銀帶執弩



弓箭人服錦帽青繡袍銀帶前後步隊人服五色鞞  
甲錦臂鞞鞵袴銀帶朱雀隊內執弓箭弩稍虞候  
伏飛執長壽幢寶輿法物人並服平巾幘緋繡袍大  
口袴銀帶援寶執絳麾真武幢义人並服武弁紫繡  
衫持鈸隊殿中黃麾繖扇腰輿香鐙華蓋指南進賢  
等車駕士相風鐘漏等輿與士并服武弁緋繡衫駕  
羊車童子服垂耳髻青頭凖青繡大袖衫袴勒帛青  
耳履執引駕龍墀旗六軍旗者服錦帽五色繡衫錦  
臂鞞銀帶引夾旗及執柯舒鐙仗者服帖金帽餘同  
上執花鳳飛黃吉利旗者服銀褐繡衣抹額銀帶來

鞞隊服五色質鞞鎧錦臂鞞白行滕紫帶鞵鞵驍衛  
翊衛三隊服平巾幘緋繡袍大口袴錦滕蛇五輅副  
輅耕根車駕士服平巾幘青繡衫青履鞵教馬官服  
幘頭紅繡抹額紫繡衫白袴銀帶掌輦主輦服武弁  
黃繡衫紫繡誕帶攏御馬者服帖金帽紫繡大袖衫  
銀帶執真武幢者服武弁阜繡衫紫繡誕帶五牛旗  
輿士服武弁五色繡衫大口袴銀帶掩後隊服黑鞞  
甲錦臂鞞行滕鼓吹令丞服綠袴褶冠銀褐裙金銅  
革帶緋白大帶履鞵太常寺府史典事司天令史服  
幘頭綠衫黃半臂太常主帥搥鼓金鈺節鼓人服平

巾幘緋繡袍大口袴抹帶錦騰蛇歌拱宸管簫笳笛  
感粟無騰蛇太常大鼓長鳴小鼓中鳴服黃雷花袍  
袴抹額祿帶太常鏡大橫吹服緋苣文袍袴抹額祿  
帶太常羽葆鼓小橫吹服青苣文袍袴抹額祿帶排  
列官令史府史服黑介幘緋衫白袴白勒帛司辰典  
事漏刻生服青袴褶冠革帶殿中少監奉御供奉排  
列官引駕伏內排列承直官大將金吾引駕押仗押  
旗服幘頭紫公服烏皮鞋尚輦奉御直長乘黃令丞  
千牛長史進馬四色官服幘頭綠公服白袴金銅帶  
烏皮鞋殿中職掌執繖扇人服幘頭碧欄金銅帶烏

皮鞋

舊衣黃太平興國六年并內侍省並改服以碧

凡繡文金吾衛以辟邪

左右衛以瑞馬駢衛以雕虎屯衛以赤豹武衛以瑞  
鷹領軍衛以白澤監門衛以師子千牛衛以犀牛六  
軍以孔雀樂工以鸞耕根車駕士以鳳銜嘉禾進賢  
車以瑞麟明遠車以對鳳羊車以瑞羊指南車以孔  
雀祀星鼓黃鉞車以對鴉白鷺車以翔鷺鸞旗車以  
瑞鸞樂德車以辟邪皮軒車以虎屬車以雲鶴豹尾  
車以立豹相風鳥輿以烏五牛旗以五色牛餘皆以  
寶相花六引內使服之制清道官服武弁緋繡衫革  
帶持幘弩車輻捧者服平巾赤幘緋繡衫赤袴銀帶

青衣服平巾青幘青袴褶持戟繳扇刀盾者服黃繡  
衫抹額行滕銀帶持旛蓋者服繡衫抹額大口袴銀  
帶內告止旛曲蓋以緋傳教旛信旛絳引旛以黃執  
誕馬轡儀刀麾幢節夾稍大角者服平巾幘緋繡衫  
大口袴銀帶大駕鹵簿內執轡並錦絡衫帽持弓箭  
稍者服武弁緋繡衫白袴駕士服錦帽繡戎服大袍  
銀帶弓箭以青稍以紫持柁鼓者服平巾幘緋繡對  
鳳袍大口袴白袜帶錦騰蛇鏡吹部內服平巾幘緋  
繡袍白袜帶白袴餘悉同大駕前後部其繡衣文清  
道以雲鶴幘弩以辟邪市輻以白澤駕士司徒以瑞

馬牧以隼御史大夫以獬豸兵部尚書以虎太常卿  
以鳳縣令以雉樂士以鸞餘悉以寶相花太祖建隆  
四年范質議按開元禮武官陪立大仗加騰蛇兩襦  
如袖無身以覆其膊脰蓋掖下逢也從肩領覆臂膊  
共一尺二寸又按釋文玉篇相傳云其一當臂其一  
當背謂之兩當今詳稱襦之制其領連所覆膊脰其  
一當左膊其一當右膊故謂之起膊今請兼存兩說  
擇而用之造兩襦用當臂當背之制宣和元年禮制  
局言鼓吹令丞冠又名袴褶冠今鹵簿既除袴褶冠  
名不當仍舊請依舊制如三禮圖委貌冠製從之

卷第...

志卷第一百二

宋史一百四十九

開府儀同三司在國錄軍國重事節書右丞相兼樞密使領總事都總裁處朕奉

輿服一

五輅 大輅 大輦 道遥輦

芳亭輦 鳳輦 七寶輦 小輿

平輦 耕根車 羊車 進賢車

腰輿 白鷺車 指南車 指南車

明遠車 皮軒車 鸞旗車 鸞旗車

記里鼓車 屬車 黃鉞車 黃鉞車

萬曆二十五年刊

宋史卷一百四十九

一

昔者聖人作輿軫之方以象地蓋之圓以象天易傳

言黃帝堯舜垂衣裳而天下治蓋取諸乾坤天與服之制取法天地則聖人創物之智別尊卑定上下有大於斯二者乎舜命禹曰予欲觀古人之象日月星辰山龍葉蟲作會宗彝藻火粉米黼黻絺繡以五采彰施於五色作服汝明周官之屬有巾車典路司常有司服司裘內司服等職以是知輿服始於黃帝成於唐虞歷夏及商而大備於周周衰列國肆爲侈汰秦併之孽上選以供服御其次以賜百官始有大駕法駕之制又自天子以至牧守各有鹵簿焉漢興乃不能監古成憲而效秦所爲自是代有變更志有詳

略東漢至舊唐書皆稱輿服新唐書改爲車服鄭樵合諸代爲通志又爲器服其文雖殊而攷古制作無以尚於三代矣夫三代制器所以爲百世法者以其華質適中也孔子答顏淵爲邦之間曰乘殷之輅服周之冕且禮謂周人上輿而孔子獨取殷輅是殷之質勝於周也又言禹致美乎黻冕而論冕以周爲貴是周之文勝於夏也蓋已不能無損益於其間焉不知歷代於秦已還何所損益乎宋之君臣於二帝三王周公孔子之道講之甚明至其規模制度飾爲聲明已足燦然雖不能盡合古制而於後代庶無愧焉

宋初袞冕綴飾不用珠玉蓋存簡儉之風及爲鹵簿  
又熾以旗幟華以繡衣褻以毬杖豈非循襲唐五季  
之習猶未能盡去其陋邪詒之子孫殆有甚焉者矣  
迄于徽宗奉身之欲奢蕩靡極雖欲不亾得乎靖康  
之末累朝法物淪沒於金中興掇拾散逸參酌時宜  
務從省約凡服用錦繡皆易以織以羅旗仗用金銀  
飾者皆易以繪以髹建炎初有事郊報仗內拂扇當  
用珠飾高宗曰事天貴質若尚華麗非禋祀本意也  
是以子孫世守其訓維江介一隅而華實適時尚足  
爲一代之法其儒臣名物度數之學見諸論議又有

可觀者焉今取舊史所載著于篇作輿服志

五輅宋自神宗以降銳意稽古禮文之事招延儒士

折衷同異元豐有詳定禮文所徽宗大觀間有議禮

局政和又有禮制局先是元豐雖置局造輅而五輅

及副輅多仍唐舊玉輅自唐顯慶中傳之至宋曰顯

慶輅親郊則乘之制作精巧行止安重後載太常與

闕戟分左右以均輕重世之良工莫能爲之其制箱

上置平盤黃屋四柱皆油畫刻鏤左青龍右白虎龜

文金鳳翅雜花龍鳳金塗銀裝間以玉飾頂輪二層

各施銀耀葉輪衣小帶絡帶並青羅繡雲龍周綴纓

帶羅文佩銀穗毬小鈴平盤上布黃褥四角勾闌設  
圓鑑翟羽虛匱內貼銀鏤香罨軾圓銀龍二銜香囊  
銀香爐香寶錦帶下有障塵青畫輪轅銀較乘葉三  
轅銀龍頭橫木止有銀鳳十二左建青旗十有二旒  
皆繡升龍右載闌戟繡黻文並青繡網杠又設青繡  
門簾銀飾梯一拓又二推竿一銀錯頭銀裝行馬青  
繒裏輓索駕六青馬馬有金面挿鷗羽鞞纓攀胸鈴  
拂青繡翟錦包尾又誕馬二在輅前飾同駕馬餘輅及副  
輅皆駕士六十四人金輅色以赤駕六赤馬建大旂  
駕士六十四人象輅色以淺黃駕六赭白馬建大赤

駕士四十人革輅色以黃駕六騶馬建大白駕士四  
十人木輅色以黑駕六黑騶馬建大麾駕士四十人  
自金輅而下其制皆同玉輅惟無玉飾五副輅並駕  
六馬駕士四十人當用銀飾者皆以銅餘制如正輅  
政和三年議禮局更上皇帝車輅之制詔頒行玉輅  
箱上平盤黃屋以下皆如舊頂輪三層內一層素輪  
頂上施金塗銀山花葉及翟羽青絲繡雲龍絡帶二  
周綴雜色緹帶八銅佩八銀穗毬二平盤上布紅羅  
繡雲龍褥曲几扶几上下設銀螭首二十四四角勾  
闌設圓鑑一十六青羅繡寶箱花帶火珠二十八香

匱設香爐紅羅繡寶相花帶香囊香寶銀結綬二紅羅繡雲龍結綬一紅錦幟龍鳳門簾一青晝輪轅銀轂乘葉軾匱橫轅前轅並飾以金塗銀螭首橫轅上施銀立鳳一十二左建太常十有二旒右載闕戟繡黻文杠袴一以青繡杠首飾以銀螭首金塗銅鉸青鞞牛尾拂青繒裏索駕青馬六馬有銅面插鵬羽鞞纓攀胸鈴拂青線織屣紅錦包尾又踏路馬二在轅前飾同駕馬凡大祭祀乘之金輅以下並以次列其後若大朝會冊命皇太子諸王大臣則設五輅於大慶殿庭爲充庭之儀金輅赤質以金飾諸末建大

餘同玉輅駕赤馬六凡玉輅之飾以青者金輅以緋象輅淺黃質金塗銅裝以象飾諸末建大赤餘同玉輅駕赭白六凡玉輅之飾以青者象輅以銀褐革輅黃質鞞之以革建大白餘同玉輅駕騮馬六凡玉輅之飾以青者革輅以黃木輅黑質漆之建大麾餘同玉輅駕黑騮六凡玉輅之飾以青者木輅以皂凡玉輅用金塗銀裝者象輅革輅木輅及五副輅並金塗銅裝又禮制局言玉輅馬纓十二而無采不應古制欲以五采巖飾樊纓十有二就輅衡軾並無鸞和乞添置蓋弓二十有二不應古制乞增爲二十八以象星又巾車言玉輅



建太常而不言色司常注云九旗之帛皆用絳以周尚赤故也禮記月令中央天子乘大輅載黃旂以金象木革四輅及所建之旂與四時所乘所載皆合今玉輅所建之旂以青帛十二副連屬爲之有升龍而非交龍又無三辰皆非古制如依成周以所尚之色則用赤依月令無四代之制則當用黃仍分絳旂之制及繡畫三辰於其上今改制太常其旂曳地當依周官以六人維之又左傳言錫鸞和鈴昭其聲也注錫在馬額鈴在旂首今旂首無鈴乞增置又車蓋周以流蘇及佩各八無所法象欲各增爲十二以應天

數又輅之諸末盡飾以玉爲稱其實而羅紋雜佩乃用塗金乞改爲玉又車箱兩輔有金塗龜文及鷓鴣左龍右虎迺後代之制欲改用螭龍加玉爲飾又言旣建太常當車之後則自後登車有妨曲禮言君車將駕則僕執策立於馬前已駕僕展軫効駕奮衣由右上取貳綬跪乘執策分轡驅之五步而立君出就車則君升車亦當自右由前而入今玉輅前有式置不應古制恐當更革以便登車及改式之制又禮記言車得其式周官輿人三分其隧一在前二在後以揉其式以其廣之半爲之式崇三分軫圍去一以爲

式圍三分軹圍去一以爲鞞圍注立者爲鞞橫者爲軹今玉輅無式詔玉輅用青質輪軸絡帶其色如之四柱平盤虛匱則用赤增蓋弓之數爲二十八左右建旂常並青大常繡日月五星二十八宿旂上則繡以雲龍朱杠青緇鈴垂十有二就流蘇及佩各增十二之數樊纓飾以五采之屬衡式之上又加鸞和輅之諸末耀葉螭頭雲龍垂牙鋌腳花版結綬羅紋雜佩羽臺亦臺麻鑑香寶壓貼牌字皆飾以玉自後而并式匱不去旣成高二丈七寸五分濶一丈五尺玉輅亦用青色舊駕馬四增爲六色亦以青政和四

年詔改修正副輅討論製造金象革木四輅並依新修玉輅制度旂常並建各與輅一色除去闕戟改車箱兩轡龜文鷗翅左龍右虎之飾並用螺龍增蓋弓博山流蘇等數軹衡加和鸞以合於古金輅朱質飾以金塗銀左右建太常大旂及輪衣絡帶等色皆以黃龍旂九旂如周官金輅建大旂之制駕馬以駟飾樊纓五采九就象輅朱質凡制度裝綴名物並同金輅飾以象及金塗銀銅鍮石左右建太常大赤輪衣絡帶等色皆以紅大赤繡鳥隼七旂如周官象輅建大赤之制駕馬以赤飾樊纓七就革輅朱質凡制度

裝綴名物並同金輅飾以金塗銅鍮石左右建大常  
大白及輪衣絡帶等色皆以淺黃大白繡熊虎六旂  
如周官革輅建大白之制駕馬以赭白飾樊纓五就  
木輅朱質凡制度裝綴名物皆同金輅飾以金塗鍮  
石左右建太常大麾及輪衣絡帶等色皆以阜大麾  
繡龜蛇四旂如周官木輅建大麾之制駕馬以鳥飾  
樊纓三就四輅駕馬各六王輅駕士六十四人餘皆  
四十人又禮制局增改雅飾諸輅舊副玉輅色青飾  
以金改用黃而飾以玉樊纓如玉輅之制建太常色  
黃飾以組象日月於綠星辰於旂其長曳地舊金輅

改用青飾以金樊纓以五采罽而九就建大旂色青  
飾以組象交龍於綠升龍於旂其長齊軫象輅改用  
赤飾以象樊纓以五采罽而七就建大赤色赤飾以  
組象鳥隼於綠旂其長齊較革輅改用白飾以革龍  
勒條纓建大白色白飾以組象熊虎於綠旂其長齊  
肩三輅皆維以縷削幅爲之木輅依舊色而飾以漆  
其色黑前樊鵠纓建大麾色黑飾以組象龜蛇於綠  
旂其長齊首維以縷充幅爲之又詔王輅身仍用紅  
太常旂絡帶等用黃餘常旂絡帶亦隨其輅色高宗  
渡江鹵簿儀仗悉燬於兵紹興十二年始命工部尚

書莫將戶部侍郎張澄等以天禧宣和鹵簿圖考究  
 制度及故內侍工匠省記指說參酌制度是年九月  
 三輅成明年遂作金象革木四輅副輅不設玉輅之  
 制青色飾以玉通高十九尺輪高六十三寸輻徑三  
 十九寸軸長十五尺三寸頂上刻為輪三層象夫園  
 也外施青玉博山八十一一名耀葉鏤以金塗龍文覆以  
 青羅曰輪衣綴垂玉佩間以五色垂旒尾白流蘇名一  
 帶纓頂四角分垂青羅曰絡帶表裏繡雲龍遇雨則油  
 黃繒覆之輅之中四柱象地方也前柱卷龍平槃上  
 布錦褥前有橫軾後垂錦軟廉登車則自後卷簾梯

紱以登四面周以闌而闕其中以備登降執綏官先  
 自右升立於右柱下以備顧問闌柱頭有玉蹲龍軾  
 前有牌鏤曰玉輅以玉篆之上有玉龍二中設御坐  
 純以黃香木為之取其黃中之正色也下有塗金蹲  
 龍十六在平槃四圍下又有拓角雲龍金彩飾之前  
 後左右各二前有轅木三鱗體昂首龍形轅木上束  
 兩橫竿在前者名曰鳳轅馬負之以行次曰推轅班  
 直推之以助馬力橫於轅後者名曰壓轅以人壓於  
 後欲取其平車輪三歲一易心用榆園數尺圍以鐵  
 以防折裂橫貫大木以為軸夾以兩輪輪皆彩畫此

輅下飾也每新輪成載鐵萬斤試之左建大常右建龍旗插於輅後兩柱之金環前駕青馬六馬有鏤錫

輦纓金鈴紅旄繡屨金包駿錦包尾青繒裏索引之

駕士二百三十二人誕馬十二人左右索百二十八人入轅馬十二人龍頭子二人

前後抱轅各六人推竿四人捧輪四人拓义四人淨席四人前欄人員一人後欄人員一人前欄馬八人

後欄馬八人踏道人員二人踏道二十人小拓义四人小梯子二人燭臺二人香匙剪子二人左右索人員二人又有呵喝人員二人教馬官二人捧輪將軍四人十牛衛將軍二人推輪軸官建八人抱太常

龍旗官六人職掌五人專知官一人守分一人庫子八人裝柱工匠二人諸作工匠十五人蓋覆儀鸞司

十一人監金輅黃色飾以金塗銀制如玉輅而高減

官三員

五十博山輪衣絡帶轅輻軸並以黃建大旂九旂駕

黃馬六駕士一百五十四人各承輅朱色飾以象及金

塗銅制如金輅博山輪衣絡帶並以朱建大赤七旂

駕赤馬六駕士一百五十四人革輅淺黃白色飾以

金塗銅制如象輅博山輪衣絡帶並以淺黃白建大

白六旂駕黃白馬六駕士百五十四人木輅黑色飾

以金塗銀制如革輅博山輪衣絡帶並以黑建大麾

四旂駕黑馬六駕士一百五十四人五輅駕士服色

平亦慎青絹絲額纈絹對花鳳袍緋纈絹對花寬袖

襖羅抹絹袴履所鞵其色各從其輅

大輅政和六年徐京言南北郊皇帝乘玉輅以赴

齊宮自齊宮社壇正當祀天祭地乃乘大輦疑非禮  
意下禮制局討論禮制局請造大輅如玉輅之制唯  
不飾以玉所駕之馬其數如之唯焚纓一就以稱尚  
質之義仍建大旂十有二旒龍章日月以協象天之  
義至禮畢還齊宮則御大輦於禮無嫌從之

大輦周官中車氏有輦車以人組挽之宮中從容所  
乘而制輦者一曰大鳳輦二曰大芳輦三曰仙遊  
輦四曰輕輦五曰方輦六曰大玉輦七曰小玉  
輦太祖建隆四年翰林學士承旨陶穀為禮儀使創  
意造為大輦赤竹正方油畫金塗銀葉龍鳳裝其上

四面行龍雲氣火珠方鑑銀絲囊網珠翠結條雲龍  
鈿窠霞子四角龍頭銜香囊頂輪施耀葉中有銀蓮  
花坐龍紅綾裏碧牙壓帖內設圓鑑銀絲香囊銀飾  
勾闌臺坐紅絲條網盼鍔中施黃褥上置御坐扶几  
香爐錦結綬几衣輪衣絡帶並緋繡壓金銀綫長竿  
四銀裹鐵錫龍頭魚鈎錦膊褥銀裝畫梯拓叉黃羅  
緣席褥吧梯杖褥朱索緋繒油吧主輦六十四人親  
祀南郊謁太廟還及具鸞駕黃麾仗省方還都則乘  
之真宗東封以舊輦太重遂命別造凡減七百餘斤  
後常用焉神宗已後其制赤質正方油畫金塗銀龍

鳳裝朱漆天輪一金塗銀頂龍一四面施行龍一十六火珠四四角龍頭四穗毬一十二頂輪施耀葉紅羅輪衣一級銀鈴紅羅絡帶二中設御坐曲几錦褥等施屏風香爐結綬長竿四飾以金塗銀龍頭祀畢車駕還內若不進輅則乘大輦政和之制黃質冒以黃衣紘以黃帶車箱四圍於程之外高二尺二寸設軾於前楹軾高三尺二寸建大旂於後楹旂十二旂其長曳地其色黃繪以交龍素帛爲絲繪以日月以弧張幅以鞮鞞弧杠以青錦綢之注旄於竿首繫以金飾之輦有七中輿後唯存大輦平輦逍遙二輦

而已大輦又曰大安輦其制未質正方高十五尺三寸方十一尺六寸四柱平繫上一覆青綠錦上有天輪二層外施金塗銀博山八十一內有圓鏡金塗銀頂龍一四面行龍十六火珠四輪衣以青墜以金鈐頂有青羅十字分垂四角口終帶四角出龍首銜聳牛五色尾曰旒綬四面拱斗外施方鏡九柱圍以朱闌中設御坐曲几屏風錦褥下案以長竿四攢竹筋膠丹漆之竿爲龍首平繫下四圍結紅絲網輦官服色武弁黃纁對鳳袍黃緝勒帛紫生色袒帶紫緝行勝

芳亭輦黑質頂如幕屋緋羅衣裾襪絡常皆繡雲鳳  
兩面朱綠德花皮外施紅絲綢緡金銅鈔錯前後垂  
簾下設牙牀山闌長竿四銀龍頭銀飾梯行馬主輦  
一石二十人政和之制簾以紅羅繡鶴為額內設御  
坐長竿飾以金塗銅螭首橫竿二  
鳳輦赤質頂輪下有二柱緋羅紗衣絡帶門簾皆繡  
雲鳳頂有金鳳一兩翼如畫龜文金鳳翅前有軾置  
香爐香寶結帶下有白團一重內設紅錦褥長竿三  
銀飾梯行馬主輦八八法駕鹵簿不設鳳輦  
逍遙輦以梭欄為屋赤質金塗銀裝朱漆扶版二雲

版一長竿二飾以金塗銀龍頭常行幸所御又魚鈎  
盼踏梅紅條輦官十二人春夏服緋羅衫秋冬服白  
師子錦襖東封別造辟塵逍遙輦如廳隔黃繒為裏  
賜名省方逍遙輦中興之制赤質金塗四柱梭屋上  
有走春金龍四中起火珠凸頂四面不設廳障中有  
御踏子制甚簡素祇應人員服帽子宜男方勝襖衫  
平輦又名平頭輦亦曰太平輦飾如逍遙輦而無屋  
輦官十二人服同逍遙輦常行幸所御東封別造升  
山天平輦施機關賜名曰登封輦中興之制赤質正  
方形如一朱龍倚而加長竿二飾如逍遙輦而不施



樓屋制尤簡素止施畫雲版而已又有七寶輦隆興  
二年爲德壽宮所製也高五十一寸濶二十七寸深  
三十六寸比附大輦平輦制度爲之上施頂輪耀葉  
角龍頂龍滴子鐸子結穗毬下施梅紅絲裙網加級  
七寶中設香木御座引手爲轉身龍靠背爲龍首靠  
杵子織以紅黃藤昇以長竿二竿爲螭首金塗銀飾  
焉初有司言東都舊制輦飾以玉裙網用七寶而滴  
子用珍珠帝曰上皇意不然止欲簡素遂以塗金易  
玉梅紅絲結裙網間綴七寶而象牙易真珠旣而上  
皇却不受每至大內多乘馬而間有行幸則用肩輿  
自是重華壽康兩宮並不別造

小輿赤質頂輪下施曲柄如蓋緋繡輪衣絡帶制如  
鳳輦而小下有勾闌牙牀繡瀝水中設方牀緋繡羅  
衣錦褥上有小案坐牀皆繡衣踏牀緋衣前後長竿  
二銀飾梯行馬奉輿二十四人中輿後去其輪蓋方  
四十九寸高三十一寸輿上周以勾闌施翟羽玉照  
子中爲方牀三級上設御坐曲几踏子曲柄緋羅繡  
蓋輿下紅絲結五色花裙網昇以長竿二竿爲螭首  
宮殿從容所乘設鹵簿則陳之  
腰輿前後長竿各二金銅螭頭緋繡鳳裙襪上施錦

禱別設小牀排繡花龍衣奉輿十六人中輿制赤質  
方形四面曲闌下結繡裙網制如小輿惟無翟尾玉  
照子三級床曲柄蓋而上設方御床曲几昇竿無螭  
首用亦同小輿

耕根車制青質蓋三層餘如五輅之副駕六青馬駕  
士四十人親祠具大駕法駕鹵簿並列於仗內若耕  
籍則乘之國朝之車自耕根而下凡十有五南渡所  
存惟耕根車一而已其制度並同惟駕士七十五人  
進賢車古安車也太祖乾德元年改赤質兩壁紗總  
擎耳虛匱一轅緋幘衣絡帶門簾皆繡鳳紅絲網中

設朱漆牀香案紫綾案衣緋繒裹輓索朱漆行馬軌  
昔有輓駕四馬駕士二十四人  
索行馬

明遠車古四望車也駕以牛太祖乾德元年改仍舊  
四馬赤質制如屋重欄勾闌上有金龍四角垂銅鐸  
上層四面垂簾下層周以花版三轅駕士四十人服  
繡對鳳

羊車古輦車也亦為畫輪車駕以牛隋駕以果下馬  
今亦駕以二小馬赤質兩壁畫龜文金鳳翅緋幘衣  
絡帶門簾皆繡瑞羊童子十八人

指南車一曰司南車赤質兩箱畫青龍白虎四面畫

花鳥重臺勾闌鏤拱四角垂香囊上有仙人車雖轉而手常南指一轅鳳首駕四馬駕士舊十八人太宗雍熙四年增為三十人仁宗天聖五年工部郎中燕肅始造指南車肅上奏曰黃帝與蚩尤戰于涿鹿之野蚩尤起大霧軍士不知所向帝遂作指南車周成王時越裳氏重譯來獻使者惑失道周公賜駟車以指南其後法俱亡漢張衡魏馬鈞繼作之屬世亂離其器不存宋武帝平長安嘗為此車而制不精祖冲之亦復造之後魏太武帝使郭善明造彌年不就命扶風馬岳造垂成而為善明鳩死其法遂絕唐元和

中典作官金公立以其車及記里鼓上之憲宗閱於麟德殿以備法駕歷五代至國朝不聞得其制者今創意成之其法用獨轅車車箱外籠上有重構立木仙人於上引臂南指用大小輪九合齒一百二十足輪二高六尺圍一丈八尺附足立子輪二徑二尺四寸圍七尺二寸出齒各二十四齒間相去三寸轅端橫木下立小輪二其徑三寸鐵軸貫之左小平輪一其徑一尺二寸出齒十二右小平輪一其徑一尺二寸出齒十二中心大平輪一其徑四尺八寸圍一丈四尺四寸出齒四十八齒間相去三寸中立貫心軸

一高八尺徑三寸上刻木爲仙人其車行木人指南  
若折而東推轅右旋附右足子輪順轉十二齒繫右  
小平輪一匝觸中心大平輪左旋四分之一轉十二  
齒車東行木人交而南指若折而西推轅左旋附左  
足子輪隨輪順轉十二齒繫左小平輪一匝觸中心  
大平輪右轉四分之一轉十二齒車正西行木人交  
而南指若欲北行或東或西轉亦如之詔以其法下  
有司製之大觀元年内侍省吳德仁又獻指南車記  
里鼓車之制二車成其年宗祀大禮始用之其指南  
車身一丈一尺一寸五分闊九尺五寸深一丈九寸

車輪直徑五尺七寸車轆一丈五寸車箱上下爲兩  
層中設屏風上安仙人一執杖左右龜鶴各一童子  
四各執纓立四角上設關戾臥輪一十三各徑一尺  
八寸五分圍五尺五寸五分出齒三十二齒間相去  
一寸八分中心輪軸隨屏風貫下下有輪一十三中  
至太平輪其輪徑三尺八寸圍一丈一尺四寸出齒  
一百齒間相去一寸二分伍釐通上左右起落二小  
平輪各有鐵墜子一皆徑一尺一寸圍三尺三寸出  
齒一十七齒間相去一寸九分又左右附輪各一徑  
一尺五寸五分圍四尺六寸五分出齒二十四齒間

相去二寸一分左右疊輪各二下輪各徑二尺一寸圍六尺三寸出齒三十二齒間相去二寸一分上輪各徑一尺二寸圍三尺六寸出齒三十二齒間相去一寸一分左右車脚上脚立輪一徑二尺二寸圍六尺六寸出齒三十二齒間相去二寸二分五釐左右後轅各小輪一無齒繫竹篁并索在左右軸上遇右轉使右轅小輪觸落右輪若左轉使左轅小輪觸落左輪行則仙童交而指南車駕赤馬二銅面插羽攀纒攀胸鈴拂緋絹履錦包尾

記里鼓車一名大章車赤質四面畫花鳥重臺勾闌鏤拱行一里則上層木人擊鼓十里則次層木人擊鑼一轅鳳首駕四馬駕士舊十八人太宗雍熙四年增為三十人仁宗天聖五年內侍盧道隆上記里鼓車之制獨轅雙輪箱上為兩重各刻木為人執木槌足輪各徑六尺圍一丈八尺足輪一用而行地三步以古法六尺為步三百步為里用較今法五尺為步三百六十步為里立輪一附於左足徑一尺三寸八分圍四尺一寸四分出齒十八齒間相去二寸三分下平輪一其徑四尺一寸四分圍一丈二尺四寸二分出齒五十四齒間相去與附立輪同立貫心軸一

其上設銅旋風輪一出齒三齒間相去一寸二分中立平輪一其徑四尺圍一丈二尺出齒百齒間相去與旋風等次安小平輪一其徑三寸少半寸圍一尺出齒十齒間相去一寸半上平輪一其徑二尺少半尺圍一丈出齒百齒間相去與小平輪同其中平輪轉一周車行一里下一層木人擊鼓上平輪轉一周車行十里上一層木人擊錫凡用大小輪八合二百八十五齒遞相鈎鑲犬牙相銜周而復始詔以其法下有司製之大觀之制車箱上下為兩層上安木人二身各手執木槌輪軸其四內左壁車脚上立輪一

長車箱內徑二尺二寸五分圍六尺七寸五分二寸五分圍一丈三尺九寸五分出齒六十齒間相去二寸四分上六平輪一通軸貫上徑二尺八寸圍一丈一尺出齒一百齒間相去二寸二分立軸一徑二寸二分圍六寸六分出齒三齒間相去二寸二分外太平輪一有鐵板二又木橫軸上闌度設二各其車狀轉一日遭通輪軸轉周木人各一擊鉦其白鷺直階所制也一名鼓吹車亦實周旋花版上有一朱柱貫三輪相重輪衣以緋帛頂及緋絡帶並緋飛

駕在殿前不為駮駕我王前紅綬帶一轅駕四馬駕  
士十八人

鸞旗重遠制為前驅赤質曲壁一轅上載赤綬纓轡  
鳥駕四馬駕士十八人

崇德軍亦重遠制也上有挑孤棘矢所以覆却不  
祥太祖聖德元年改亦重遠施花版四角刻辟惡獸

中載黃纓纓纓四馬一人在車中執旗駕  
四馬駕士十八人

畫刻木轡象四宣和元年禮前局言崇德軍載太卜  
令一員畫辟惡獸於旗託曰前巫而後史傳曰挑孤

棘矢以供禦王事請以巫易太卜孤矢易辟惡獸從  
之

皮軒車漢前驅車也冒以虎皮為軒取曲禮前有士  
師則載虎皮之義赤質曲壁上布柱貫五輪相重畫

虎文駕四馬駕士十八人政和之制用漆柱貫朱漆  
皮軒五

黃鉞車漢制乘輿建之在大駕後晉鹵簿有黃鉞車  
唐初無之貞觀後始加赤質曲壁中設金鉞一錦囊

綢杠在武衛隊正一人在車中執鉞駕兩馬駕士十  
五人

豹尾車古者軍正建豹尾漢制最後車一乘垂豹尾  
豹尾以前即同禁中唐貞觀後始加此車於鹵簿內  
制同黃鉞車上載朱漆竿首綴豹尾右武衛隊正一  
人執之駕兩馬駕士十五人

屬車一曰副車一曰貳車一曰左車秦制大駕屬車  
八十一乘法駕三十六乘漢法駕用三十一乘小駕  
用十二乘隋制大駕三十六法駕十二小駕不用唐  
大駕唯用十二乘宋因之黑質兩箱傘裝前有曲闌  
金銅飾上施紫通幘絡帶門簾皆繡雲鶴紫絲網幘  
錯每乘駕三牛駕七十八人

五車徽宗宣和元年禮制局言舊鹵簿記有白鷺纓  
旗皮軒三車其制非古按曲禮曰前有水則載青旗  
前有塵埃則載鳴鳶前有車騎則載飛鴻前有士師  
則載虎皮前有鷲獸則載貔貅焉乘一出五車必載  
所以警衆也青旌鳴鳶飛鴻貔貅乃以白鷺纓旗雜  
陳其間未爲合禮今欲改五車相次於中道繼之以  
紫德車於是爲備青旌車赤質曲壁中載青旌以絳  
帛爲之畫青鳥於其上鳴鳶車赤質曲壁中載鳴鳶  
旌以絳帛爲之畫鳴鳶於其上飛鴻車赤質曲壁中  
載飛鴻旌以絳帛爲之畫飛鴻於其上虎皮車赤質



曲壁中載虎皮旌以降帛為之緣以赤畫虎皮於上  
貌貅車亦質曲壁旌以降帛為之緣以赤畫貌貅於  
上其轅皆一

涼車亦質金塗銀裝龍鳳五采明金織以紅黃藤油  
壁緋絲條龍頭榜紅羅褥銀螭頭穗綵雲朵踏頭蓮  
花坐鴈鈎大珠門杳鋸錢頻伽大小銀駕以素駝省  
方在道及校獵廼則乘之

相風為輿上載長竿竿杪刻示為鳥垂鴉毛筒紅綬  
帶下承以小盤周以緋裙繡為形輿士四人

行漏輿隋大業行漏車也制同鍾鼓樓而大譏刻漏

如稱衡者垂銅鉢末有銅象漆置貯水渴為注水入  
鉢中長竿四輿士六十八

十二神輿亦質四門方刻十二辰神緋繡輪衣絡帶  
輿士十二人

交龍鉦鼓輿各一皆刻木為二青龍相交下有木臺  
長竿一柱畫鼓一柱金鉦上皆有緋蓋亦繡交龍輿  
士各二人中輿後相風行漏十二神鉦鼓四魚鱗省  
去

鐘鼓樓輿各一本隋人駕鐘車鼓車也皆刻木為屋  
中置鐘鼓下施木臺長竿如鉦鼓輿輿士各二十四

隋書卷一百四十九

以行漏輿十二神輿交龍鉦鼓輿鑼鼓樓着禮無文  
皆太祖開寶定禮所增

志卷第一百二

志卷第一百三

宋史二百五十

開府儀同三司舊錄

國書前書丞相監修國史領經筵事都察院等奉

勅修

輿服一

后妃車輿  
織扇鞞勒

皇太子王公以下車輿  
門戟旂節

皇后之車唐制六等一曰重翟二曰厭翟三曰翟車

四曰安車五曰四望車六曰金根車宋因之初用厭

翟車其制箱上有平盤四角曲闌盤兩壁紗幔龜文

金鳳翅前有虛匱香爐香寶緋練懸衣絡帶明簾三

轅鳳首畫梯推竿行馬緋繒裏索駕六馬金銅面纓

宋史二百五十

轡鈴攀緋毼駕士三十人武弁緋繡衫常出止用正  
副金空銀裝白藤輿各一上覆撥欄屋飾以鳳輦官  
服同乘輿平頭輦之制徽宗政和三年議禮局上皇  
后車輿之制重翟車青質金飾諸未間以五采輪金  
根朱牙其箱飾以重翟羽四面施雲鳳孔雀刻鏤龜  
文頂輪上施金立鳳糝葉青羅幃衣一紫羅畫雲龍  
絡轡二青絲絡網二紫羅畫帷一青羅畫雲龍夾幔  
二車內設紅褥及坐橫轅上施立鳳八香匱設香爐  
香寶香匱飾以螭首前後施簾長轅三飾以鳳頭青  
緋裏索駕青馬六馬有銅面挿翟羽盤纓攀角以

青龜青包尾若受冊謁景雲宮則乘之厭翟車亦質  
其箱飾以次翟羽紫幃衣紅絲絡網紅羅畫絡葉夾  
幔錦帷餘如重翟車駕赤騮四若親蠶則乘之翟車  
黃質其車側飾以翟羽黃幃衣黃絲絡網錦帷絡帶  
餘如重翟車駕黃騮四安車亦質金飾間以五采刻  
鏤龜文紫幃衣錦帷絡帶紅絲絡網前後施簾車內  
設褥及坐長轅三飾以鳳頭駕赤騮四凡駕馬盤纓  
之飾並從車質四望車朱質青幃衣餘同安車駕牛  
三金根車朱質紫幃衣餘同安車駕牛三自重翟車  
以下備鹵簿則皆以次陳設麻輿金空銀裝上覆撥

摺屋以龍飾常行之儀則用之

龍有輿一名梭搭子一名龍檐子昇以二竿故名檐子南渡後所製也東都皇后備厭翟車常乘則白藤輿中輿以太后用龍輿后惟用檐子亦有所尊也其制方質梭頂施走脊龍四走脊雲子六朱漆紅黃藤織百花龍為障緋門簾看燈簾朱漆藤坐椅踏子紅羅裯褥軟屏夾幔隆興二年正月皇后受冊畢擇日朝謁有司具儀物乞乘看輿龍檐製造所受給使臣尹肇發納中宮金塗銀葉梭欄朱漆紅黃藤織百老龍并子碌牙厭貼鏤金雕木腰花泥版龍檐子一

全塗銀頂子龍頭六走脊龍西走脊雲子六貼絡龍四十貼絡雲子二十鐸子八插拴坐龍四環索金鐵那一副檀香龜背紅紗牕四扇紅羅綠紅簾門簾一澄水全看牕簾二朱漆藤面明金雕木龍頭椅一脚踏一紅綠條結一朱漆小几一紅羅褥全紅羅綠肩膊席褥一十六繫帶全金塗銀鑲胎鞍鞞四點鈎四火踏一朱漆梯盤全朱漆木世二金塗銅十世業段拓又二金塗銅又頭拖泥行馬一金塗銀帶杠子二紅葦匾條四紅羅夾軟屏風夾幔各一襯脚席褥靠背坐褥及踏床各一紅帽十字帕一竿袋四魚鈎帕

二紅油十字帕竿袋魚鈎帕數同上堯地帕一圍裙一  
大安輦真宗咸平中爲萬安太后製輿上設行龍六  
乾興元年詔皇太后御坐檐子名大安輦神宗嗣位  
尊皇太后爲太皇太后其行幸依治平元年之制而  
皇太后皇后常出止用副金塗銀裝白藤輿覆以稷  
攔屋飾以鳳輦官服同輿平頭輦之制於是詔太  
皇太后出入所乘如萬安太后輿上設行龍六制飾  
輿有加金銅車禮典不載則知舊制哲宗紹聖元年  
太后大安輦中書具治平元豐中皇太后輿  
先帝手詔皇太后行幸儀衛  
並依慈聖光獻太皇太后日例而宣仁謙恭不乘大  
安輦哲宗曰今皇太后獨尊非宣仁比遂詔行幸進  
大安輦已而皇太后嫌避竟不製造

龍輿皇太后所乘也東都皇太后垂簾皆柳損遠  
嫌不肯乘輦止用輿而已哲宗旣崩位尊朱貴妃爲  
皇太妃出入許乘檐子有司請用牙魚鳳爲飾繼用  
青元祐三年太皇太后詔有司尋繹典故於是檐子  
飾以龍鳳繼用紅九年群臣議改檐子爲輿上設行  
龍五出入由宣德東偏門哲宗以皇太后諭旨令太  
妃坐六龍輿出入進黃繼由宣德正門於是三省議

皇太妃坐龍鳳輿織紅黃兼用從皇太后出入止用  
紅紹聖元年禮部太常寺言近奉旨皇太后欲令皇  
太妃坐六龍輿朕常思皇太妃尊奉之禮既不敢擬  
隆於皇太后又不可不違於中宮今參以人情再加  
詳定伏請供進龍輿從之及徽宗即位尊太妃為  
聖瑞皇太妃詔儀物除六龍輿不用仍進龍鳳輿外  
餘悉增崇焉紹興奉迎皇太后詔造龍輿其制朱質  
正方金塗銀飾四竿竿頭螭首赭總紅簾上覆以綵  
加疋龍六內幔黃花羅帳裯褥朱椅踏子紅羅黃羅  
繡巾二

皇太子車輅之制唐制三等一曰金輅二曰輅車三  
曰四望車太宗至道初真宗為皇太子謁太廟乘金  
輅常朝則乘馬真宗天禧中仁宗為皇太子亦同此  
制徽宗政和三年議禮局上皇太子車輅之制金輅  
赤質金飾諸末重較箱畫雀文鳥獸黃屋伏鹿軾龍  
輶金鳳一在軾前設障塵朱蓋黃裏輪畫朱牙左建  
旂九旒右載關戟旂首金龍頭銜結綬及鈴綏八鸞  
在衡二鈴在軾駕赤騮四金鏤方鈇插翟尾鏤錫盤  
纓九就從祀謁太廟納妃則供之輅車金飾諸末紫  
油通幘紫油纁朱裏駕馬一四望車金飾諸末清油

通憶清油纁朱裏朱絲絡網駕馬一輅車四望車以  
次列於鹵簿仗內皇太子妃則有厭翟車駕以三馬  
出入亦乘檐子中興簡儉惟用藤檐子頂梁昇杠皆  
飾以玄漆四角刻獸形素藤織花為面如政和之制  
親王群臣車輅之制唐制有四一曰象輅親王及一  
品乘之二曰革輅二品三品乘之三曰木輅四品乘  
之四曰輅車五品乘之宋親王一品二品奉使及葬  
並給革輅制同乘輿之制惟改龍飾為螭六引內三  
品以上乘革車赤質制如進賢車無案駕四赤馬駕  
士二十五人其緋憶衣絡帶旗戟綢杠繡文司徒以

瑞馬京牧以隼御史大夫以獬豸兵部尚書以虎太  
常卿以鳳駕士衣亦同縣令乘輅車黑質兩壁紗窓  
一轅金銅飾紫憶衣絡帶並繡雉銜瑞草駕二馬駕  
士十八人百官常朝皆乘馬真宗大中祥符三年知  
樞密院事王欽若言王公車輅上並用龍裝乞下有  
司檢定制度詔下太常禮院詳定本院言按鹵簿令  
王公已下象輅以象飾諸末朱班輪八鸞在衡左建  
旂書龍一升一降右載闔戟革輅以革飾諸末左建  
旂餘同象輅木輅以漆飾之餘同革輅輅車曲壁青  
憶碧裏諸輅皆朱簷朱蓋朱旂旒一品九旒二品八

疏三品七旒四品六旒其鞶纓如之神宗元豐三年  
詳定禮文所言鹵簿記公卿奉引第一開封令乘輅  
車次開封牧隼旗次太常卿鳳旗次司徒瑞馬旗次  
御史大夫獬豸旗次兵部尚書虎旗而乘革車考之  
非是謹按周禮巾車職曰孤乘夏篆卿乘夏纓大夫  
乘墨車司常職曰孤卿建旒大夫建物請公卿已下  
奉引先開封令乘墨車建物次開封牧乘墨車建旗  
太常卿御史大夫兵部尚書乘夏纓司徒乘夏篆並  
建旒所以參備九旗之制詔從之政和議禮局上王  
公以下車制象輅以象飾諸末朱班輪八鸞在衡左

建旗右載闔戟駕馬四親王昏則用之革車赤質載  
闔戟緋羅繡輪衣簾旗韜杠絡帶駕赤馬四大駕鹵  
簿六引法駕鹵簿三引開封牧第乘之王公一品二  
品三品備鹵簿皆供革車一乘其輪衣簾旗韜杠絡  
帶繡文開封牧以隼大司樂以鳳少傅以瑞馬御史  
大夫以獬豸兵尚書以虎輅車里質紫幟衣絡帶並  
繡雉施紅錦簾香爐香寶結帶駕赤馬二鹵簿內第  
一引官縣令乘之駕馬皆有銅面挿羽鞶纓攀背鈿  
拂緋絹屨紅錦包尾六年禮制局言大觀中用大司  
樂代太常卿為第三引蓋以太司樂掌鼓吹之事夫禮



樂之官宗伯爲長宐改用禮部尚書又第四引司徒  
卽用地官之長自漢以來爲三公朝廷近改司徒爲  
少傅然六引司徒乃地官之事宣改用戶部尚書  
其府佐依六引諸卿例改爲僚佐其鹵簿儀仗依  
兵部尚書例給古之諸侯出封於外同姓錫以金輅  
異姓錫以象輅蓋出而制節則遠君而其道伸入而  
謹度則近君而其勢屈故其人覲則不敢乘金輅象  
輅以同于王當自降而乘墨車也若公侯采地在天  
子縣內者則爲都鄙之長太司馬所謂師都建旃是  
矣今開封牧列職于朝與御史大夫同謂之卿可也

其在周官則卿大夫之職是矣又無金輅象輅之錫  
而乃此於古之諸侯入覲而乘墨車可乎哉周公上  
九命車旗以九爲節故建常九旂侯伯七命車旗以  
七爲節故建常七旂子男五命旗以五爲節故建常  
五旂其卿六命其大夫四命車旗亦各視其命之所  
數則卿之建旃當用六旂大夫建物當用四旂至於  
三旂則上士所建也其開封令宐乘墨車而建物四  
旂開封牧御史大夫戶部兵部禮部尚書皆卿也官  
乘夏纓而建旗六旂其年詳定官祭攸又言六引開  
封令乘詔車居前開封牧太司樂司徒御史大夫兵

部尚書乘革車次之開封牧建繡隼旗太常卿建繡  
鳳旗司徒繡瑞馬旗御史大夫繡以獬豸兵部尚書  
繡以虎皆副之以闕戟其先後之序所乘之車所建  
之旗揆古則不合驗今則有戾且大駕之出自漢光  
武時始有三引先河南尹次執金吾次洛陽令先尊  
而後卑也後魏亦三司引先平城令次司隸校尉次丞  
相先卑而後尊也唐無用六引五代減爲三後周復  
增爲六本朝因之以開封本居前終以兵部尚書然  
以前爲尊則大司樂不當次令牧以後爲尊則兵部  
尚書不當繼御史大夫此光後之序未正也輅車非

縣令宜駕革車非公卿宜用是所乘之車未稱也鳳  
馬之繡無所經見闕戟之設尤爲訛謬是所建之旗  
未宜也司徒三公論道之官車徒非其所任戶部主  
之可也奉常掌禮司樂典樂皆專於一事禮樂之容  
非其所兼禮部總之宜也請改司徒用戶部尚書改  
大司樂用禮部尚書其僚佐儀制視兵部尚書御史大  
夫位亞三少秩從二品又尊於六尚書其行宜以兵  
部次令牧禮部戶部又次之終以御史大夫則先後  
之序正矣夏篆者篆其車而五采畫也夏纓則五采  
畫之而不篆墨車則漆之而不畫孤宣乘夏篆象其文

質之備卿宜乘夏纁象其文采而不足於篆開封令  
秩比大夫開封牧古之諸侯其乘皆宜墨車其駕之  
馬令以三牧以四御史大夫以六尚書卿之任也其  
駕亦四則所乘之車稱矣司常曰孤卿建旃大夫士  
建物師都建旗蓋通帛為旃其色純赤雜帛為物其  
色赤白物三旃旃亦如之開封令秩視大夫故宜之  
建以物開封牧率王畿之衆而衛上師都之任也故  
宜建以旗尚書御史大夫古之卿也故宜建以旃從  
之七年禮制局言昨討論大駕六引開封牧乘墨車  
兵部尚書禮部尚書戶部尚書御史大夫乘夏纁已

經冬祀陳設訖所有駕士衣服尚循舊六引之制  
行改正况天子五輅駕士之服各隨其軒之色則六  
引駕士之服當亦如之請黑中駕士衣服夏纁駕士  
皂質纁五色團花必禮為細從之  
肩輿神宗優待宗室老疾不能騎者出入聽肩輿  
寧五年太宗正司詣宗室以病肩輿者踏引籠燭不  
得過兩對中興後人臣無乘車之制從祀則以馬常  
朝則以輜舊制輿擔有禁中興東征西伐以道路阻  
險詔許百官乘輿王公以下通乘之其制正方飾有  
黃黑二等品蓋無深以儀勝為障左右設牖前施簾

昇以長竿二名曰竹竿子亦曰竹輿  
內外命婦之車皆制有厭翟車翟車安車白銅飾犢  
車而隱細有降差木制銀裝白藤輿檐內命婦皇親  
所乘白藤輿裝金銅犢車木犢車或覆以氈或覆以  
椽內外命婦通乘

織人臣通用以青絹為之末初京城內獨親王得用  
太宗太平興國中宰相樞密使始用之其後近臣及  
內命婦出外皆用真宗大中祥符五年詔除宗室及  
其餘悉禁明年復許中書樞密院用焉京城外則庶  
官通用神宗熙寧之制非品官禁用青蓋京城惟執

政官及宗室許用哲宗紹聖三年詔在京官不得用  
涼扇徽宗政和三年以燕越二王出入百官不避乃  
賜三接青羅織一紫羅大掌扇二塗金花鞍韉茶燎  
等物皆用塗金遂為故事八年詔民庶享神不得造  
紅黃織扇及彩繪以為祀神之物宣和初又詔諸路  
奉天神許用紅黃織扇餘祠廟並禁其畫壁塑像儀  
仗用龍飾者易之建炎中初駐蹕杭州執政張澄言  
群臣扈從兵間權免張蓋侯回鑾仍舊詔前宰相到  
闕許張蓋鞍勒之制宋以賜群臣其非賜者皆有令  
式而不敢踰越焉金塗銀闌裝牡丹花校具八十兩

紫羅繡寶相花雉子方鞵油畫鞍白銀銜鐙以賜宰  
 相親王樞密使帶使相曾任宰相觀文殿大學士宮  
 觀使殿前馬軍步軍都指揮使金塗銀開裝太平花  
 校具七十兩紫羅繡瑞草方鞵油畫鞍陷銀銜鐙以  
 賜使相樞密副使參知政事宣徽使節度使宮觀使  
 殿前馬軍步軍副都指揮使都虞候四箱都指揮使  
 若出使則如紅鞞半纓金塗銀鈸使相在外加紅織  
 成鞍複步軍都虞候以上賜甲馬者加紅皮金塗  
 銀開裝麻葉校具五十兩紫羅繡花方鞵油畫鞍陷  
 銜鐙以賜三司使觀文殿學士資政殿大學士翰

林學士承旨翰林學士資政殿端明殿翰林侍讀侍  
 講龍圖天章寶文閣樞密直學士御史中丞兩使留  
 後觀察防禦使軍兩都指揮使軍兩都指揮使初出  
亦同曾任中書樞密院後為學士中丞者七十兩見任中書樞密院宣  
 徽使使相節度使出使曾任中書樞密院充都路都  
 總管安撫使朝辭日賜亦如之金塗銀三環寶相花  
 校具二十五兩紫羅圓鞵烏漆鞍銜鐙以賜團練使  
 刺史金塗銀促結洛州花校具三十兩紫羅圓鞵以  
 賜諸路承受白成十五兩以賜諸王宮僚翰林翰讀  
 侍書金塗銀寶相花校具四十兩鑾雲校具十五兩

以賜諸班押班殺前指揮使以上白成窪面校具十  
二兩以賜諸班皆藍黃純圓鞵其皇親婚嫁皆給藍  
黃羅繡方鞵金塗銀花鞍金塗銀校具自八十兩至  
十二兩有六等宗室女塔紫親皆賜紫羅繡瑞草方  
鞵校具自七十兩至五十兩有二等其賜契丹使則  
金塗銀太平花校具七十兩紫羅繡寶相花雉子方  
鞵副使則柎葉校具五十兩紫羅繡合子地圓鞵皆  
油畫鞍射弓則使銀賜諸蕃進奉大使則如刺史而  
用青條鞵副使則如宮僚凡取官三品以上外任者  
皆許馬以纓飾太宗太平興國七年翰林學士承旨

李昉言準詔詳定車服制度請升朝官許乘銀裝條  
子鞍勒六品以下不得開裝其鞵皆不得刺繡金皮  
飾餘官及工商庶人許並乘烏漆素鞍不得用絨毛  
暖坐其藍黃條子非宮禁不得乘士庶軍校乘白皮  
鞵勒者悉禁斷從之八年詔京朝知錄事參軍及知  
縣者所乘馬並不得飾纓後復許帶纓端拱二年詔  
內職諸班押班禁軍指揮使廂軍都虞候並許乘銀  
裝條子鞍勒京官任知州通判許依六品朝官真宗  
咸平二年西京留臺上言留府群官使臣乘馬不得  
帶纓從之大中祥符五年詔繡鞵及開裝校具除宗

室及恩賜外悉禁天禧元年令兩省諫舍宗室將軍  
以上許乘絨毛暖坐餘悉禁凡京官二班已上外任  
者皆許馬以纓飾仁宗景祐三年詔官非五品以上  
毋得乘關裝銀鞍其赤金塗銀裝條子促結鞍轡者  
自文武升朝官及內職禁軍指揮使諸班押班廂軍  
都虞候防團副使以上聽之仍毋得以藍黃爲條白  
皮爲鞵轡民庶上許以氈皮純紬爲鞵京官爲通判  
以上職任者許權依升朝例神宗熙寧間文武升朝  
官禁軍都指揮使以上塗金銀裝盤條促結五品以  
上復許銀鞍關裝若開花鞵鞵惟恩賜乃得乘餘

及民庶仍禁銀飾舊制諸王視宰相用繡鞍鞵政和  
三年始賜金花鞍鞵諸王不施絨坐宣和末始賜中  
興因之乾道九年重脩儀制權侍郎太中大夫以上  
及學士待制經恩賜許乘絨坐三衛節度使曾任執  
政官亦如之先是建炎初駐蹕杭州詔扈從臣僚合  
設絨坐者權宜撤去以故事宰就侍從自八月朔筵坐  
紹興元年以江浙地煥改爲九月朔著爲例乾道元  
年乃詔三衛乘馬賜絨坐

門戟亦爲之而無刃門設架而列之謂之棨戟天子  
宮殿門左右各十二應天數也宗廟門亦如之國學

文宣王廟武成王廟亦賜焉惟武成王廟左右各八  
臣下則諸州公門設焉私門則府第恩賜者許之太  
宗淳化二年詔諸道州府軍監奏乞鼓角戟稍如令  
文合賜即下三司指揮仁宗天聖四年太常禮院言  
準批狀詳定知廣安軍沁宗古奏本軍乞降稍檢會  
令文京兆河南太原府六都督府都護門十四戟若  
中都督上都護門十二戟下都督諸州門各十戟並  
官給所有軍監門不載伏請不行神宗元豐之制凡  
門列戟者官司則開封河南應天大名大都督府中  
十四中都督皆十二而下都督皆十品官恩賜者正一

品下六二品以上十四中與乃舊制

旌節唐天寶中置節度使受命日賜之得以專制軍

事行即建節府樹六毒漆朱凡命節度使有司給門旗

二龍虎各一旌一節一麾槍二豹尾二旗以紅繒九

幅上設耀霓鐵鑽縣杠緋纛旌用塗金銅螭頭縣杠

網以紅繒畫白虎頂設縣木盤周用塗金飾節亦用

縣杠飾以金塗銅葉上設縣圓盤三層以紅綠紫釘

為旄並網以紫綾復囊又加碧油絹袋麾槍設縣木

盤網以紫繒復囊又加碧油絹袋豹尾製以赤黃布

畫約一並縣杠神系五等五年詔新建節等改鎮並



降敕太常寺排比旌節下左右金吾衛代司契裏院  
給執紼人員發馬中輿因之建炎三年表赫世忠之  
旗曰忠勇紹興三年表岳飛之旗曰精忠孝宗詔以  
其藩邸旌節迎置天章閣淳熙中光宗亦詔奉東宮  
旌節其後寧宗踐祚有司言史文奉皇帝藩邸旌節宜  
有推飾今用朱漆青地金字牌二其一題曰太上皇  
帝藩邸旌節其二曰今上皇帝藩邸旌節蓋襲用元  
豐延安故事云

志卷第一百三

志卷第一百四

宋史一百五十一

開府儀同三司上柱國錄軍國軍事前書丞相監修國史領經筵事都總裁臣脫等奉

勅修

輿服三

天子之服皇太子附  
右妃之服命婦附

天子之服一曰大裘冕二曰衮冕三曰通天冠絳紗  
袍四曰履袍五曰衫袍六曰窄袍天子祀享朝會親  
耕及視事燕居之服也七曰御閱服天子之戎服也  
中興之後則有之

大裘之制神宗元豐四年詳定郊廟奉祀禮文所言  
周禮司裘掌爲大裘以供王祀天之服司服王祀昊

燔

天上帝則服大裘而冕祀五帝亦如之享先王則衮  
冕而禮記云郊祭之日王被衮以象天戴冕璪十有  
二旒則天數也玉璪據家語以爲臨燔柴脫衮冕著  
大裘則是禮記被衮與周禮大裘郊祀並用二服事  
不相戾但服之有先後耳是以開寶通禮皇帝服衮  
冕出赴行宮祀日服衮冕至大次質明改服大裘而  
冕出次蓋衮冕盛服而衣之備者故於郊之前期被  
之以至大次既臨燔柴則脫衮冕服衮以明天道至  
質故被裘以體之今儀注車駕赴青城服通天冠絳  
紗袍祀之日乃服鞞袍至大次服衮冕臨祭非尚質

之義乞並依開寶通禮詔詳定所參議又言臣等詳  
大裘之制本以尚質而後世反以尚文故冕之飾大  
爲不經而禮書所載上有垂旒加飾又異大裘不裼  
之說今參考諸說大裘冕無旒廣八寸長一尺六寸  
前圍後方前低寸二分玄表朱裏以繒爲之玉笄以  
朱組爲紘玉璪以玄純衆之爲裘以黑羔皮領袖以  
黑繒纁裳朱紱而無章飾佩白玉玄組綬革帶博二  
寸玉鈎釧以佩綬屬之素帶朱裏絳純其外上朱下  
綠白紗中單白領青標襪裾朱鞞赤烏黑絢纁純乞  
下所屬製造其當暑奉祠之服乞降梁陸瑋議以黑

繪爲裘及唐輿服志以黑羔皮爲緣詔重詳定光祿  
寺丞集賢校理陸佃言經詳冕服有六周官弁師云  
掌王之五冕則大裘與裘同冕故禮記云郊之日王  
被裘以象天又曰服之襲也充美也禮不盛服不充  
故大裘不裼此明王服大裘以衮衣襲之也先儒或  
謂周禮天地皆服大裘而大裘之冕無旒非是蓋古  
者裘不徒服其上必皆有衣故曰緇衣羔裘黃衣狐  
裘素衣麕裘如郊祀徒服大裘則是表裘以見天地  
表裘不入公門而乃欲以見天地可乎且先王之  
冬裘夏葛以適寒暑未有能易之者也郊祀天也

裘無衮則夏祀赤帝與至日祭地祇亦將被裘乎然  
則王者久祀昊天上帝中裘而表裘明矣至於夏祀  
天神地祇則去裘服衮以順時序周官曰凡四時之  
祭祀以宜服之明夏不必衣裘也或曰祭天尚質故  
徒服大裘被衮則非尚質臣以爲尚質者明有所尚  
而已不皆用質也今欲冬至禋祀昊天上帝服裘被  
衮其餘祀天及祀地祇並請服衮去裘各以其宜服  
之於是詳定所言裘不可徒服禮記曰大裘不裼則  
襲可知所謂大裘之襲者衮也與衮同冕伏請冬祀  
昊天與黑帝皆服大裘被以衮其餘非冬祀天及夏

至祭地則皆服袞六年尚書禮部言經有大裘而無其制近世所為惟梁隋唐為可考請緣隋制以黑羔皮為裘黑繒為領袖及裏綠袂廣可運肘長可蔽膝按皇侃說祭服之下有袍袍繭之下有中衣朝服裼衣之下有裘裘之下有中衣然則今之視郊中單當在大裘之下其袂之廣狹不之長短皆當如裘伏乞改製於是神宗始服大裘而加衮冕焉哲宗元祐元年禮部言元豐所造大裘雖一用黑羔皮乃作短袍樣襲於衮衣之下仍與衮服同日兪未合典禮下禮部太常寺共議上官均吳安詩常安民劉唐老龔原姚勛請

依元豐新禮丁儻請循祖宗故事王念請倣唐制朱光庭周秩請以玄衣襲裘獨禮部員外郎何洵直在元豐中嘗預詳定以陸佃所議有可疑者八按周禮節服氏掌祭祀朝覲衮冕六人惟王之太常郊祀裘冕二人既云衮冕又云裘冕是衮與裘各有冕乃云裘與衮同冕當以裘襲之裘既無冕又襲於衮中裘而表衮何以示裘衮之別哉古人雖質不應以裘為夏服蓋冬用大裘當暑則以同色繒為之記曰郊祭之日王被衮以象天若謂裘上被衮以被為襲則家語亦有披裘象天之文諸儒或言臨燔柴脫衮冕著

大裘或云脫裘服衮蓋裘衮無同冕兼服之理今乃以二服合爲一可乎且大裘天子吉服之最上若大圭大路之比是裘之在表者記曰大裘不裼說者曰無別衣以裼之蓋他服之裘褻故表裘不入公門事天以報本復始故露質見素不爲表褻而冕亦無旒何必假他衣以藩飾之乎凡裘上有衣謂之裼裼上有衣謂之襲襲者裘上重二衣也大裘本不裼鄭志乃云裘上有玄衣與裘同色蓋趙商之徒附會爲說不與經合襲之爲義本出於重沓非一衣也古者齋祭異冠齋服降祭服一等祀昊天上帝五帝以裘冕

祭則衮冕齊故鄭氏云王齋服衮冕是衮冕者祀天之齋服也唐開元及開寶禮始以衮冕爲齋服衮冕爲祭服兼與張融臨燔柴脫衮服裘之義合請從唐制兼改製大裘以黑繒爲之佃復破其說曰夫大裘而冕謂之裘冕非大裘而冕謂之衮冕則裘冕必服衮衮冕不必服裘今特言裘冕者主冬至言之周禮司裘掌爲大裘以供王祀天之服則祀地不服大裘以夏日至不可服裘故也今謂大裘當暑以同色繒爲之尤不經見兼裼襲一衣而已初無重沓之義被裘而覆之則曰襲袒而露裘之美則曰裼所謂大裘

不裼則非衮而何王藻曰禮不盛服不充故不裘不裼則明不裼而襲也充美也鄭氏謂大裘之上有玄衣雖不知覆裘以衮然尚知大裘不可徒服必有玄衣以覆之玉藻有尸襲之義周禮裘冕注云裘冕者從尸服也夫尸服大裘而襲則王服大裘而襲可知且裘不可以徒服故被以衮豈借衮以爲飾哉今謂祭天用衮冕為齋服裘冕為祭服此乃襲先儒之謬誤後漢顯宗初服日月星辰十二章以祀天地自魏以來皆用衮服則漢魏祭天嘗服衮矣雖無大裘未能盡合於禮固未嘗有表裘而祭者也且裘內服也與

袍同袍褻矣而欲禪以祭天以明示質是欲袷衣以見上帝也洵直復欲為大裘之裳纁色而無章飾夫裘安得有裳哉請從先帝所志其後詔如洵直議去黑羔皮而以黑繒製焉政和議禮局上大裘青表纁裏黑羔皮為領標襪朱裳被以衮服冬至祀昊天上帝服之立冬祀黑帝立冬後祭神州地祇亦如之中興之後無有存者紹興十三年禮部侍郎王賞等言郊祀大禮合依禮經皇帝服大裘被衮行禮據元豐詳定郊廟禮文何洵直議以黑繒創作大裘如衮惟領袖用黑羔乞如洵直議詔有司如祖宗舊制以羔

製之禮部又言關西羊羔係天生黑色今有司混白羔為之不中禮制不如權以繒代又元祐中有司欲為大裘度用百羔哲宗以為害物遂用黑繒請依太常所言從之遂以衮襲裘冕亦十二旒焉

衮冕之制宋初因五代之舊天子之服有衮冕廣一尺二寸長二尺四寸前後十二旒二纒並貫真珠又有翠旒十二碧鳳銜之在珠旒外冕版以龍鱗錦表上綴玉為七星旁施琥珀餅犀餅各二十四周綴金絲網鈿以真珠雜寶玉加紫雲白鶴錦裏四柱飾以七寶紅綾裏金飾玉簪導紅絲條組帶亦謂之平天

冠 衮服青色日月星山龍雉虎雜七章紅裙藻火粉米黼黻五章紅蔽膝丹龍二並織成間以雲采飾以金釵花鈿窠嵌以真珠琥珀雜寶玉紅羅襦裙繡五章青標襪裙六采纒一小纒三結玉環三素大帶朱裏青羅四神一繡四神盤結繡帶並白羅中單青羅抹帶紅帶赤帶青帶玉具鈿玉鏤首鏤白玉雙佩金飾貫真珠金鈿馬首紅鞵赤烏金釵花四神玉鼻簪天地宗廟朝太清宮饗玉清昭應宮景靈宮受冊尊號元日受朝而皇太子則服之太祖建隆元年太常禮院言准少府監牒請具衮龍衣絳紗袍通

天冠制度令式家冕垂白珠十有二流以組為纒色  
如其纒黠纒充耳玉簪導玄衣纒裳十二章八章左  
衣日月星辰山龍華蟲火宗彝四章在裳藻粉米黼  
黻衣襟領袖上為牙龍皆纒就為之山龍以下每章  
一行重以為等每行十二白紗中單黼領青標襪裙  
纒膝加龍山火三章纒帶玉鈎釧大帶素帶朱裏純  
其外上采下綠纒約用組鹿盧玉具鈎大珠鏤首白  
玉雙佩玄組纒裳纒六采玄黃赤白纒綠純玄纒長  
二丈四尺五寸者廣一尺小雙纒長二尺六寸色同  
大纒而首半之闊施三五纒亦纒亦纒亦纒亦纒亦纒亦

二年太子詹事尹拙工部尚書竇儀議謹按周禮弁  
師掌王之五冕朱裏纒組五采纒十有二就皆五采  
玉十有二玉笄朱紘諸侯之纒旒九就珉玉三采其  
餘如王之事纒旒皆就玉填玉笄疏云王不言玉填  
於此言之者王與諸侯互相見為義是以王言玄冕  
朱裏延組及朱紘明諸侯亦有之諸公言玉填明王  
亦有之詳此經疏之文則是本有充耳今請令君臣  
袞冕以下並畫充耳以合正文從之乾德元年閏十  
二月少府監楊格少監王處訥等上新造皇帝冠冕  
先是郊祀冠冕多飾以珠玉帝以華而且重故命改



製之仁宗景祐二年又以帝后及群臣冠服多沿唐舊而循用之久則有司寢爲繁文以失法度詔入內侍省御藥院與太常禮院詳典故造冠冕蠲減珍華務從簡約俾圖以進續詔通天冠絳紗袍更不修製由是改製袞冕天版元固一尺二寸長二尺四寸今製廣八寸長一尺六寸減翠旒並鳳子前後二十四珠旒並合典制天板頂上元織成龍鱗錦爲表紫雲白鶴錦爲裏今製青羅爲表采畫出龍鱗紅羅爲裏采畫出紫雲白鶴所有犀餅琥珀餅各二十四今減不用金絲結網子上舊有金絲結龍八今減四亦

絲令細天板四面花聖子素隊子依舊減輕造冠身并天柱元織成龍鱗錦今用青羅采畫出龍鱗金輪等七寶元真玉碾成今更不用如補空却以雲龍細窠分旒玉鈞二今減去之天河帶組帶疑慢帶依舊減輕造納言元用玉製今用青羅采畫出龍鱗錦金陵上稜道依舊用金脚減輕製鞋續玉簪袞服八章日月星辰山龍華蟲火宗彛青羅身紅羅襪繡造所有雲子相度稀稠補空更不用細窠亦不使真珠裝綴中單依舊皂白製造裙用紅羅繡出藻粉米黼黻周回花樣仍舊減輕製之蔽膝用紅羅繡升龍二

雲子補空減稀製之周回依舊細窠不用六采綬依舊減絲織造所有玉環亦減輕帶頭金葉減去用銷金四神帶不用劔佩梁帶鞞舄並依舊嘉祐元年王洙奏天子法服冕旒形度重大華飾稍繁願集禮官參定詔禮院詳典禮上聞而禮院繪圖以進因敕御藥院更造其後冕服稍增侈如故英宗治平二年知太常禮院李育奏曰郊廟之祭本尚純質衮冕之飾皆存法象非事繁侈重其玩也冕則以周官為本凡十二旒間以采玉加以紘紕笄瑱之飾衮則以虞書為始凡十二章各以辰象別以衣裳繪繡之采東漢

至唐史官名儒記述前制皆無珠翠犀寶之飾何則鷩羽蚌胎非法服所用琥珀犀餅非至尊所冠龍錦七星已列采章之內紫雲白鶴近出道家之語豈被衮戴璪象天則數之義哉自太裘之廢顛用衮冕古朴稍去而法度尚存夫明水大羹不可以衆味和雲門咸池不可以新聲間衮冕之服不宜以珍怪累也若魏明之用珊瑚江右之用翡翠侈靡衰播之餘豈足為聖朝道哉且太祖建隆元年少府監所造冕服及二年博士聶崇義所進三禮圖嘗詔尹拙竇儀參校之皆倣虞周漢唐之舊至四年冬服之合祭天地

於園丘用此制也。太宗亦嘗命少府製於禁中，不聞  
改作。及真宗封太山，禮官請服衮冕。帝曰：前王服羔  
裘尚質也。今則無羔裘而有衮冕，可從近制。是豈有  
意於繁飾哉？蓋後之有司，率意妄增，未嘗確議，遂相  
循而用。故仁宗嘗詔禮官章得象等詳議之。其所減  
過半，然不經之飾重者，多去輕者，尚存不能盡。如詔  
書之意，故至和三年，王洙復議去繁飾。禮官畫圖以  
獻，漸還古禮。而有司所造，復如景祐之前。又按開寶  
通禮及衣服令，冕服皆有定法，悉無寶錦之飾。夫太  
祖太宗富有四海，豈乏寶玩？顧不可施之郊廟也。臣

竊謂陛下肇祀天地，躬饗祖禰，服周之冕，觀古之象。

願復先王之制。此宗之法，其衮冕之服及鞞綬佩舄  
之類，與通禮衣服令二禮圓制度不同者，宜悉改正。  
詔太常禮院少府參定。遂合奏曰：古者冕服之用，郊  
廟殊制。唐與天子之服有二等，而大裘尚存。顯慶初，  
長孫無忌等采如特牲之說，獻議廢大裘。自是郊廟  
之祭，一用衮冕。然旒章之數，止以十二為節，亦未聞  
有餘飾也。國朝冕服雖依古制，然增以珍異巧縵，前  
世所未嘗有。夫國之大事，莫大於祀，而祭服違經，非  
以肅祀容尊神明也。臣等以謂宜如舊言，參酌通禮。

衣服令三禮圖及景祐三年減定之制一切改造之  
孔子曰麻冕禮也今也純檢吾從衆純者絲也變麻  
用絲蓋已久矣則冕之制宜依舊以羅爲之冕廣  
一八二寸長二尺二寸約以景表尺前圓後方黝上  
朱下以金飾版則以白玉珠爲旒貫之以五絲絲繩  
前後各十二旒旒各十二珠相去一寸長二尺朱絲  
組爲纓黹纒充耳金絲玉箸導青衣纁裳十二章八  
章繪之於衣日月星辰山龍華蟲火宗彝也四章繡  
之於裳藻粉米黼黻也錦龍襍領織爲升龍山龍而  
下一章爲一行重以五等行十一刻製大帶素表朱

裏朱綠終辟譚級鳥大小綬亦去珠玉鈿窠琥珀玻  
瓈之飾其中單革帶玉具劍玉佩朱鞅之制已中禮  
令無復改爲則法服有稽祭禮增重復詔禮院再詳  
以聞而內侍省奏謂景祐中已裁定可因而用也從  
之神宗元豐元年詳定郊廟禮文所言凡冕板廣八  
寸長尺六寸與古制相合更下復議今取少府監造  
樣如以青羅爲素紅羅爲裏則非弁師所謂玄冕朱  
裏者也上用金稜天板四周金絲結網兩旁用真珠  
花素墜之類皆不應禮伏請改用朱組爲紃玉笄玉  
瑱以玄純垂瑱以五采玉貫於五色藻爲旒以青赤

黃白黑五色備爲一玉每一玉長一寸前後二十四  
旒垂而齊有以合孔子所謂純儉之義又古者祭服  
朝服之裳皆前三幅後四幅前爲陽以象奇後爲陰  
以象偶惟深衣中禪之屬連衣裳而裳後不殊前後  
然以六幅交解爲十二幅象十二月其制作莫不有  
法故謂之法服今少府監家器其裳亦以八幅爲之  
不殊前後有違古義伏請改正祭服之裳以七幅爲  
之殊其前後以今太常周尺亦以之幅廣二尺二寸每  
幅兩旁各縫殺一寸謂之削而四腰間辟積無數裳側  
有純謂之緹裳下有純謂之紕謂之緹紕之廣各寸半表

裏合爲三寸群臣祭服之裳倣此從之政和議禮局  
更上皇帝冕服之制冕版廣八寸長一尺六寸前高  
八寸五分後高九寸五分青表朱裏前後各十有二  
旒五采藻十有二就就間相去一寸青碧錦織成天  
河帶長一丈二尺廣二寸朱絲組帶爲纓鞋續充耳  
金飾玉簪導長一尺二寸衣服青衣八章繪日月星  
辰山龍華蟲火宗彝纁裳四章繡藻粉米黼黻蔽膝  
隨裳色繡升龍二白羅中單皂褙襪紅羅勒帛青羅  
袜帶緋白羅大帶革帶白玉雙佩大綬六采赤黃黑  
白縹綠小綬三色如大綬間施玉環三朱鞮赤舄綠

以黃羅中興仍舊制延以羅衣木玄表朱裏長尺有六寸前低一寸一分四旁緣以金覆於卷武之上縹以五色絲貫五色玉前後各十二凡用二百八十有八玉笄充耳用黃綿紘以朱組以其一屬於左笄上垂下又屈而屬於右笄繫之而垂其餘衣玄八章升龍於山繪裳纁四章繡幅前三後四斷而不屬兩旁殺縫腰辟積縹紘之廣皆如舊大帶以緋白羅合而紘之以朱綠飾其側上朱下綠其束處以組爲紐約下笠三尺通天冠絳紗袍亦如之白羅中單領襍襪以散服表則以皂絳紗袍則衣用白紗領襍襪以朱

綬大小各一大綬織以六采青黃黑白縹綠下垂青絲網上有結垂玉環三小綬制如大綬惟三色大裘絳紗袍皆用之革帶博二寸革爲裏緋羅爲表飾以玉鈎鈕以玉鉤釧通天冠絳紗袍亦用之鞞從裳色上有紕下有純去上五寸繪以山龍火上接革帶繫之佩有衡有珞璫有衝牙繫於革帶左右各一上設衡衡下垂三帶貫以蠙珠次則中有金獸面兩旁夾以雙璜又次設琚瑀下則衝牙居中央兩旁有玉滴子行則擊牙而有聲舄有絢有純有縹有綦以緋羅爲之首加金飾服通天冠絳紗袍則用黑舄以烏皮

襟音表襪  
音履袖端  
衣緣也

為之常服則用白鳥以絲為之鞮羅表繒裏施鞞著  
綦以繫之赤鳥以朱黑鳥以白白鳥同

通天冠二十四梁加金博山附蟬十二高廣各一尺

青表朱裏首施珠翠黑介幘組纓翠綉玉犀簪導絳

紗袍以織成雲龍紅金條紗為之紅裏皂襪襪裾絳

紗裙蔽膝如袍飾並皂襪襪白紗中單朱領襪襪裾

白羅方心曲領白鞮黑鳥佩綬如袞大祭祀致齋正

旦冬至五月朔大朝會大冊命親耕藉田皆服之仁

宗天聖二年南郊禮儀使李維言通天冠上一字準

敕迴避詔改承天冠中與之制冠高九寸服用並同

乾道九年又用履袍袍以絳羅為之折上市通犀金

玉帶繫履則曰履袍服鞮則曰鞮袍履鞮皆用黑革

四孟朝獻景靈宮郊祀明堂詣宮宿廟進胙上壽兩

宮及端門肆赦並服之大禮畢還宮乘平輦服亦如

之若乘大輦則服通天絳紗如常儀

衫袍唐因隋制天子常服赤黃淺黃袍衫折上市九

還帶六合鞮宋因之有赭黃淡黃袍衫玉裝紅束帶

皂文鞮大宴則服之又有赭黃淡黃襖袍紅衫袍常

朝則服之又有窄袍使坐視事則服之皆皂紗折上

巾通犀金玉環帶窄袍或御鳥紗帽中興仍之初高

襪音桂衣  
裾分也

宗踐祚於南都隆祐太后命內臣上乘輿服御有小冠太后曰祖宗閒居之所服也自神宗始易以巾願卽位後退朝上戴此冠庶幾如祖宗時氣象後殿早講皇帝服帽子紅袍玉束帶講讀官公服繫鞵脫講皇帝服頭巾背子講官易使服此嘉定四十年講筵之制也

御閱服以金裝甲乘馬大閱則服之

圭宋初凡大祭祀大朝會天子皆執圭元豐二年詳定儀注所言周禮王執鎮圭釋者曰祭天地宗廟及朝旦夕月則執之若朝覲諸侯授玉於王王受玉楹

玉而已考工記天子執冒四寸以朝諸侯蓋天子以冒圭邪刻之處冒諸侯之圭以齊瑞信也未有臨臣子而執鎮圭者唐六典殿中監掌服御之事凡大祭祀則搢大圭執鎮圭若大朝會止進爵開寶通禮始著元會執圭出自西房淳化中上壽進酒又令內侍奉圭於周制唐禮皆不合其元會受朝賀請不執鎮圭上壽詔可二年詔議大圭尺度詳定所言考工記鎮圭尺有二寸天子守之大圭長三寸杼上終葵首天子服之後魏以降以白玉爲之長尺有二寸西魏以來皆然方而不折雖非古制蓋後世以所得之玉



隨宜爲之。今請揆玉之有無制之。又言唐禮親祀天地神祇皆摺大圭執鎮圭。有事宗廟則執鎮圭而已。王涇郊祀錄曰大圭質也。事天地之禮質。故執而摺之。鎮圭文也。宗廟之禮亦文。故無兼執之義。不知大圭。天子之笏也。通於郊廟。請自今皇帝親祠郊廟摺大圭執鎮圭奉祀之時。既接神再拜則奠鎮圭爲摯。大圭爲笏。又言開元及開寶通禮皇帝升輅不言執圭。祀日質明至中壝門外殿中監進大圭尚衣奉御。又以鎮圭授殿中監以進。於是始摺大圭執鎮圭。今皇帝乘玉輅執鎮圭赴景靈宮及太廟青城皆乘輅。

執圭殊不應禮。請自今乘輅不執圭。還內御大傘亦如之。詳定所又言大圭中必之制。請製薦玉繅藉以木爲幹。廣袤如王以韋衣之。韋上畫五采文。前後垂之。又製約圭繅藉長尺上玄百降爲地。五采五就。因以爲飾。每奠圭則以薦玉之繅陳于地。執圭則以約圭之繅備失墜。因垂之爲飾。况大圭摺之紳帶之間不可無中必明矣。俟明堂服大圭宜依鎮圭所約之組。今可繫之。哲宗元祐元年禮部言元豐新禮皇帝祀天摺大圭其制圓首前出於禮。未令今次改西魏隋唐玉笏之制方而不折。上下皆博三寸長尺二寸。

其厚以鎮圭為約從之政和二年官者譚頌獻玄圭  
其制兩旁刻十二山若古山尊上銳下方上有雷雨  
之文下無琢飾外黑內赤中一小好可容指其長尺  
有二寸詔付廷議議官以為周玉執鎮圭緣飾以四  
鎮之山其中有好為受紐之地其長尺有二寸周人  
倣古為之而王執以鎮四方也繼宗乃以是歲冬御  
大慶殿受圭焉三年又詔曰先王以類而求祀國丘  
以象形蒼玉以象色冬日以至取其時大裘而冕法  
其幽而未有以體其道天玄而地黃今大圭內赤外  
黑于以體之冬祀可摺大圭執玄圭亦為定制中興

仍舊制大祭祀則執大圭以為笏上太皇太后  
冊寶亦如之

穀音蔬  
也戰也

皇太子之服一曰衮冕二曰遠游冠朱明衣三曰常  
服衮冕青羅表緋羅紅綾裏塗金銀釵花飭犀簪萼  
紅絲組前後白珠九旒二纒貫水晶珠青羅衣繡山  
龍雉火虎雉五章紅羅裳繡藻粉米黼黻四章紅羅  
蔽膝繡山火二章白紗中單青標襖裾草帶塗金銀  
鈎燂瑜玉雙佩四米織成人綬結一玉環金塗銀釵  
花飾青羅抹帶紅羅勒帛玉具釵金塗銀釵花玉鏤  
首白羅篋朱履金塗銀釵從利則服之遠游冠十八

梁青羅表金塗銀鈸花飾犀簪導紅絲組爲纓博山  
政和加附蟬朱明服紅花金條紗衣紅紗裏皂標襪  
紅紗裳紅紗蔽膝並紅紗裏白花羅中單皂標襪白  
羅方心曲領羅鞵黑烏革帶劔佩綬餘同衮服抹帶  
勒帛執桓圭受冊詣廟朝會則服之常服皂紗折上  
巾紫公服通犀金玉帶太宗至道元年太常禮院言  
南郊皇太子克亞獻合著祭祀以準制度袞冕以組  
爲纓色如其綬青纓充耳玄衣纁裳凡九章每章一  
行重以爲等皆織爲之白紗中一單黻領青標襪裾革  
帶金鈎釧大帶素帶不未裏亦紕以朱綠紐約用組

黻隨裳色一章朱組雙大綬四采赤白標襪純朱質  
長一丈八尺三百二十首廣九寸小雙綬長二尺六  
寸色同大綬而首半之間施二玉環朱鞵赤烏鳥加  
金飾餘同舊制侍從祭祀及謁廟加元服納妃則服  
之詔依上制造政和議禮局更上皇太子服制袞冕  
惟青纁充耳餘並同國初之制加元服從祀納妃釋  
奠文宣王服之中興並同其皇子之服紹興三十二  
年十月禮官言皇子鄧慶恭三王遇行事服朝服則  
七梁額花冠貂蟬籠巾金塗銀立箏真玉佩綬金塗  
銀革帶烏皮履若服祭服則金塗銀八旒冕真玉佩

綬緋羅履鞮詔文思院製造

后妃之服一曰禕衣。二曰朱衣。三曰禮衣。四曰鞠衣。妃之緣用翟爲章。二等大帶隨衣色。朱裏紕其外。上以朱錦。下以綠錦。紐約用青組。革帶以青衣之白玉雙佩。黑組雙大綬。小綬三間施玉環。三青鞮。烏烏加金飾。受冊朝謁景靈宮服之。鞠衣黃羅爲之。蔽膝大帶革烏。隨衣色。餘同禕衣。唯無翟文。親蠶服之。妃首飾花九株小花。同并兩博鬢冠飾以九翬。四鳳。綸翟青羅繡爲搖翟之形。編次於衣。青質五色。九等素紗中單。黼領羅縠襌。襪蔽膝隨裳色。以緞爲領緣。以搖翟爲章。二等大帶隨衣

色。不朱裏。紕其外。餘倣皇后冠服之制。受冊服之。皇太子妃首飾花九株小花。同并兩博鬢綸翟青織爲搖翟之形。青質五色。九等素紗中單。黼領羅縠襌。襪皆以朱色。蔽膝隨裳色。以緞爲領緣。以搖翟爲章。二等大帶隨衣色。不朱裏。紕其外。上以朱錦。下以綠錦。紐約用青組。革帶以青衣之白玉雙佩。純朱雙大綬。章采尺寸與皇太子同。受冊朝會服之。鞠衣黃羅爲之。蔽膝大帶革帶隨衣色。餘與綸翟同。唯無翟從蠶服之中。輿仍舊制。其龍鳳花釵冠大小花二十四株。應乘輿冠梁之數。博鬢冠飾同皇太后皇后服之。

紹興九年所定也花釵冠大小花十八株應皇太子冠梁之數施兩博鬢去龍鳳皇太子妃服之乾道七年所定也其服后惟備禕衣禮衣妃備綸翟凡三等其常服后妃大神生色領長裙霞帔玉墜子背子生色領皆用絳羅與臣下不異

命婦服政和議禮局上花釵冠皆施兩博鬢寶鈿飾翟衣青羅繡為翟編次於衣及裳第一品花釵九株寶鈿準花數翟九等第二品花釵八株翟八等第三品花釵七株翟七等第四品花釵六株翟六等第五品花釵五株翟五等並素紗中單黼領朱襹襖通用

羅縠蔽膝隨裳色以緋為領緣加文繡重翟為章

等二品以下準此大帶革帶青鞵為佩綬受冊從翟服之

年臣僚言今文臣九品珠以三品之服至於命婦已

釐八等之號而服制未有名稱制有司視其夫之品

秩而定其服飾詔送禮制局定之其儀闕焉

志卷第一百四

宋史志卷第一百四十四

卷第一百五

宋史一百五十二

開府儀同三司廿國錄軍國重事而中書右丞相監修國史領經筵事都總裁臣脫脫等奉

勅修

輿服四 諸臣服上

諸臣祭服唐制有衮冕九旒鷩冕八旒毳冕七旒絺

冕六旒玄冕五旒宋初省八旒六旒冕九旒冕塗金

銀花額犀玳瑁簪導青羅衣綉山龍雉火虎雌五章

緋羅裳繡藻粉米黼黻四章緋蔽膝繡山火二章白

花羅中單玉裝劍佩華帶暈錦綬二玉環緋白羅大

帶緋羅鞞履親王中書門下奉祀則服之其冕無額

嘉靖丙辰年 監生繆可貞刊

花者玄衣纁裳悉畫小白綾中單師子錦綬二銀環  
餘同上三公奉祀則服之七旒冕犀角簪導衣畫虎  
雌粉米三章裳畫黼黻二章銀裝佩劔革帶餘同九  
旒冕九卿奉祀則服之五旒冕青羅衣裳無章銅裝  
佩劔革帶餘同七旒冕四品五品為獻官則服之六  
品以下無劔佩綬紫檀衣朱裳羅為之皐大綾綬銅  
裝劔佩御史轉士服之平冕無旒青衣纁裳無劔佩  
綬餘同五旒冕太祝奉禮服之慶曆三年太常博士  
余靖言周禮司服之職掌王之吉服大裘而冕無旒  
以祀昊天上帝祀五帝亦如之衮冕十有二旒其

服十有二章以享先王鷩冕八旒其服七章以享先  
公亦以饗射毳冕七旒其服五章以祀四望山川絺  
冕六旒其服三章以祭社稷五祀玄冕五旒其服無  
章以祭小祀此皆天子親行祠事所服冕服悉因所  
祀大小神鬼以為制度今大祠中祠所遣獻官並用  
上公九旒九章冕服以為初獻其餘公卿亦皆七旒  
冕服全無等降小祠則公服行事垂戾舊典宜詳周  
禮因所祭鬼神以為獻官冕服之制詔下禮官議奏  
曰聖朝之制唯皇帝親祠郊廟及朝會大禮服衮冕  
外餘冕皆不設其每歲常祀遣官行事攝公則服一

品九旒冕攝卿則服三品七旒冕自從品制爲服不以祠之大小爲差至于小祠獻官舊以公服行事則有違典禮案衣服令五旒冕衣裳無章早綾綬銅裝劔佩四品以下爲獻官則服之今小祠獻官旣不攝公卿則盡屬四品以下當有祭服請除公卿祭服仍舊從本品外小祠所遣獻官並依令文祭服行事若非時告祭用香幣禮器行事之處亦皆準此詔施行焉皇祐四年同知太常禮院邵必言伏見監察使監禮各冠五旒冕衣裳無章色以紫檀案周禮六冕之制凡有旒者衣裳皆有章惟大裘冕無旒衣裳無章

一命大夫之冕無旒衣裳亦無章今監察監禮所服冕五旒侯伯之冕也而衣無章深所不稱色以紫檀又無經據竊詳監察監禮旣非祠官則御史博士爾而服用五等蓋非所宜而且有旒無章况國家南郊大禮太常卿止服朝服前導皇帝明非祠官也今後監祭者請冠解身監禮者冠進賢爲稱詔不允元豐元年詳定禮文所言國家服章視唐尤爲不備於令文祀儀有九旒冕七旒冕五旒冕今旣無冕名而有司仍不制七旒冕乃有四旒冕其非禮尤甚又服之者不以官秩上下故分獻四品官者服四旒冕博士



御史則冕五旒而衣紫檀太祝奉禮則服平冕而無佩玉此因循不謹之失也且古者朝祭異服所以別事神與事君之禮今皇帝冬至及正旦御殿服通天冠絳紗袍則百官皆服朝服乃禮之稱至親祠郊廟皇帝嚴裘冕以事神而侍祠之官止以朝服豈禮之稱哉至於景靈宮分獻官皆服朝服尤爲失禮伏請親祠郊廟景靈宮除導駕贊引扶持宿衛之官其侍祠及分獻者並服祭服如所考制度修製五冕及爵弁服各正冕弁之名又國朝祀儀祭社稷朝日夕月風師雨師皆服衮冕其蜡祭先蠶五龍亦如之祭

司命戶竈門厲行皆服鷩冕壽星靈星司中司寒中雷馬祭皆服毳冕皆非是今天子六服自鷩冕而下既不親祠廢而不用則諸臣攝事自當從上所祭之服伏請依周禮凡祀四望山川則以毳冕祭社稷五祀則以絺冕朝夕日月風師雨師司命司中則以玄冕若七祀蜡祭百神先蠶五龍靈星壽星司寒馬祭蓋皆群小祀之比當服玄冕從之哲宗元祐元年太常寺言舊制大禮行事執事官並服祭服餘服朝服至元豐七年呂升卿始有行事及陪祠官並服祭服之議今欲令行事執事官並服祭服其贊引行事禮

儀使太常卿太常博士閤門使樞密院官進接生殿  
 中監止供奉皇帝其陪位官止導駕押宿及主管事  
 務并他處行事官仍服朝服從之徽宗大觀元年議  
 禮局言太社太學獻官祝禮皆以法服奉祠至郡邑  
 則用常服乞降祭服詔頒制度於州郡然未明使製  
 造後政和間始詔州縣冠服形制詭異令禮制局造  
 樣頒下轉運司轉運司製以給州縣焉二年議禮局  
 檢討官俞彛言玄以象道纁以象事故凡冕皆玄衣  
 纁裳今太常寺祭服則衣色青矣前三幅以象陽後  
 四幅以象陰故裳制不相連屬今之裳則為六幅乃

不殊矣冕玄表而朱裏今乃青羅為覆以金銀飾之  
 佩用綬以貫玉今既有玉佩矣又有錦綬以銀銅二  
 環飾之以玉宗彝宗廟之彝也乃為虎雉之狀而不  
 作虎彝雉彝粉米散利以養人也乃分為二章而以  
 五色圓花為藉其餘不合古者甚多乞下禮局博考  
 古制畫太常寺及古者祭服樣二本以進至於損益  
 裁成斷自聖學詔令議禮局詳議四年議禮局官字  
 文粹中議改衣服制度曰凡冕皆玄衣纁裳衣則繪  
 而章數皆奇裳則繡而章數皆偶陰陽之義也今衣  
 用深青非是欲乞視冕之等衣色用玄裳色用纁以

應典禮古者蔽前而已。芾存此象以韋為之。今蔽膝自一品以下，並以緋羅為表，緣緋絹為裏，無復上下廣狹。及會純純紉之制。又有山火龍章，案明堂位有虞氏服，韍夏后氏山，商火，周龍章，韍者乃黻冕之黻，非赤芾之芾也。且芾在下體，與裳同用，而山龍火者，衣之章也。周既績於上衣，不應又績於芾。請改芾制，去山龍火章，以破諸儒之惑。又祭服有革帶，今不用皮革而通裘，以緋羅，又以銅為飾，其綬或錦或皂環，或銀或銅，无經據。宜依古制，除去至佩玉中單赤烏之制，則全取元豐中詳定官所議行之粹中又上

所編祭服制度曰：古者冕以木版為中，廣八寸，長尺六寸，後方前圓，後仰前低，染三十升之布，玄表朱裏，後方者不變之體，前圓者無方之用，仰而玄者升而辨於物，俛而朱者降而與萬物相見。後世以繒易布，故紀儉。今群臣冕版長一尺二寸，闊六寸二分，非古廣尺之制，以青羅為覆，以金塗銀稜為飾，非古玄表朱裏之制。乞下有司改正。古者冕之名雖有五，而纁就旒，玉則視其命數，以為等差。合絲絲為繩，用以貫玉，謂之纁，以一玉為一成，結之使不相并，謂之就。就間相去一寸，則九玉者九寸，七玉者七寸，各以旒數

長短為差今群臣之冕用藥玉青珠五色茸線非藻  
玉三采二采之義每旒之長各八寸非旒數長短為  
差之義又獻官冕服雜以諸侯之制而一品服衮冕  
臣竊以為非宜元豐中禮官建言請資政殿大學士  
以上侍祠服鷩冕觀察使以上服毳冕監察御史以  
上服絺冕朝官以上服玄冕選人以上爵弁詔許之  
而不用爵弁供奉官以下至選人盡服玄冕無旒臣  
竊謂依此參定乃合禮制古者三公一命衮則三公  
在朝其服當鷩冕蓋出封則遠君而伸在朝則近君  
而屈今之攝事及侍祠皆在朝之臣也在朝之臣乃

與古之出封者同命數非先上之意乞下有司制鷩  
冕八旒毳冕六旒絺冕四旒玄冕三旒其次二旒又  
其次無旒依元豐詔旨參酌等降為侍祠及攝祭之  
服長短之度采色之別皆乞依古制施行又案周禮  
諸侯爵有五等而服則三所謂公之服自衮冕而下  
侯伯自鷩冕而下子男自毳冕而下是也古者諸侯  
有君之道故其服以五七九為節今之郡守雖曰猶  
古之侯伯其實皆王臣也欲乞只用群臣之服自鷩  
冕而下分為三等三都四輔為一等初獻鷩冕八旒  
經略安撫鈐轄為一等初獻毳冕六旒亞獻並玄冕

二旒終獻無旒節鎮防團軍事為一等初獻絺冕四旒亞終獻並玄冕無旒其衣服之制則各從其冕之等又曰今之紘組仍綴兩繒帶而結於頤冕旁仍垂青纒而不以填以犀為簪而不以玉笄象笄並非古制乞下有司改正從之政和議禮局言大觀中所上群臣祭服制度已依所奏修定乞付有司依圖畫製造既又上群臣祭服之制正一品九旒冕金塗銀稜有額花犀簪十月衣畫絳龍朱裳蔽膝白羅中單大帶革帶玉佩錦綬青絲網玉環朱鞞履帶以金塗銀玉佩以金塗銀裝綬以天下樂暈組

終獻太宰少宰左丞每歲大祠宰臣親王執政官郡王充初獻服之奏告官並依本品服已下准此從一品九旒冕無額花白綾中單紅錦綬銀環金塗銀佩餘如正一品服親祠吏部戶部禮部兵部工部尚書太廟進受幣爵奉幣爵宗室每歲大祠捧俎官大祠中祠初獻官服之二品七旒冕角簪青衣無降龍餘如從一品服親祠禮部侍中殿中監大司樂光祿卿讀冊官太廟薦俎贊進飲福宗室七祀配享功臣分獻官每歲大祀謂用宮駕者大司樂大祠中祠亞終獻大祠禮官小司獻官朔祭大常卿服之三品五旒

冕阜綾綬銅鑲金塗銅革帶佩餘如二品服親祠舉冊官大樂令光祿丞奉俎饌邊豆簠簋官分獻官分獻壇壝從祀太廟奉瓚盤薦香燈安奉神主奉毛血槃蕭蒿篚肝膋豆宗室每歲祭祠大樂令大中祠分獻官服之無旒冕素青衣朱裳蔽膝無佩綬餘如三品服奉禮協律郎郊社令太祝太宮令親祠擡鼎官進搏黍官太廟供亞終獻金華供七祀獻官木爵官服之五旒冕紫檀純衣餘如三品服臨祭御史服之州郡祭服三都初獻八旒冕經界安撫鈐轄初獻六旒冕亞獻並二旒冕終獻無旒節鎮防四軍寧初獻

四旒冕亞終獻並無旒冕中興之後省九旒七旒五旒冕定爲四等。一曰鷩冕八旒。二曰毳冕六旒。三曰絺冕四旒。四曰玄冕無旒。其義以公卿大夫士皆北面爲臣又近尊者而屈故其節以八以六以四從陰數也先是紹興四年五月國子監丞王普奏言臣嘗攷諸經傳具得冕服之制蓋王之三公八命鷩冕八旒衣裳七章其章各八孤卿六命毳冕六旒衣裳五章其章各六大夫四命絺冕四旒衣裳三章其章各四上士三命玄冕三旒中士再命玄冕二旒下士一命玄冕無旒衣皆無章裳鞞視其命數自三而下其

唯音為詳  
屬

縹至笄衡紘統填纁帶佩芾舄中衣皆有等差近世  
冕服制度沿襲失真多不如古夫後方而前圓後昂  
而前俛玄表而朱裏此冕之制也今則方圓俛仰幾  
於無辨且以青為表而飾以金銀矣其衣皆玄其裳  
皆纁裳前三而後四幅此衣裳之制也今則衣色以  
青裳色以緹且以六幅而不殊矣山以章也今則以  
雷火以圓也今則以銳宗彝宗廟虎雉之彝也乃畫  
虎雉之狀而不為虎雉彝粉米米而粉之者也乃分  
為二章而以五色圓花為籍佩有衡璜琚瑀衝牙而  
已乃加以雙商而重設一衡紋以貫佩玉而已乃別為

錦綬而間以雙文環以至帶無紐約芾無有頸舄無紉  
纁中衣無連裳臣伏讀國朝會要郊廟奉祀禮文祖  
宗以來屢嘗講究第以舊服無有存者欲乞因茲改  
作是正詭繆一從周制以合先聖之言尋禮部契勘  
奏言衣服之制或因時王而為之損益事雖變古要  
皆一時制作不無因革或考之先王而有繆戾者雖  
行之已久不應承襲謂非憚於改正案周官自士公  
服衮王之三公服鷩以至士服玄冕凡五等唐制自  
一品服衮冕九旒至五品服玄冕無旒亦五等國家  
承唐之舊初有五旒之名其後去三公衮冕及士師冕

但存十旒鷩冕五旒毳冕與無旒玄冕凡三等而已  
衮服非三公所服去之可也乃併緡冕去之自尚書  
服毳冕以至光祿丞亦服焉貴賤無差等此皆一  
時制作不無因革今合增鷩冕為八旒增毳冕為六  
旒復置緡冕為四旒并及無旒玄冕共四等庶幾稍  
合周制若冕之方圓低昂至於無辨則製造之差也  
以青為表非不用玄也為玄而不至者也以緡為裳  
非不用纁也為纁而太過者也山止而靜者也今象  
其體是得山之勢而不知其性火圜而神者也今象  
其形是得火之形而不得其神也至於宗彛粉米佩

鷩雉之  
一種也

綬帶紐帑履之屬皆宜改正施行是時諸臣奏請討  
論雖詳然終以承襲之久未能盡革也鷩冕八旒毋  
旒八玉三采朱白蒼蒼角笄青纁以三色統垂之紘以  
紫羅屬於武衣以青黑羅三章華蟲火虎雉鷩裳以  
纁表羅裏繒七幅繡四章藻粉黼黻大帶中單佩以  
珉貫以藥珠綬以絳錦銀環鞞上紕下純繪二章山  
火革帶緋羅表金塗銀裝鞞舄並如舊制宰相亞終  
獻大禮使服之前期景靈宮太廟亞終獻明堂滌濯  
進玉爵酒官亦如之毛毳冕六玉三采衣三章繪虎雉  
鷩藻粉米裳二章繡黼黻佩藥珠衡璜等以金塗銅



帶黻繪以山華帶以金塗銅餘如鷩冕六部侍郎以上服之前期景靈宮太廟進爵酒幣官奉幣官受爵酒幣官薦俎官明堂受玉爵受玉幣奉徹籩豆進飲福酒徹俎祝腥贊引亞終獻禮儀使亞終獻爵并盥洗官四員並如之前二日奏告初獻社壇九宮壇分祭初獻亞獻亦如之絺冕四玉二采朱綠衣一章繪粉米裳二章繡黼黻綬以阜綾銅環餘如毳冕光祿卿監察御史讀冊官舉冊官分獻官以上服之前期景靈宮太廟奏奉神主官明堂太府卿光祿卿沃水舉冊官讀冊官押樂太常卿東朶殿三員西朶殿二

員東廊二十八員西廊二十五員南廊二十七員轆門祭獻官前二日奏告亞獻終獻官監察御史並如之社壇九宮壇分祭終獻官監察御史兵工部光祿卿丞亦如之玄冕無旒無佩綬衣純黑無章裳刺黼而已鞞無刺繡餘如絺冕光祿丞奉禮郎協律郎進搏黍官太社令良醞令太官令奉俎饌等官供祠執事官內侍以下服之明堂光祿丞奉禮郎良醞令太祝搏黍官官架協律郎登歌協律郎奉御官內侍供祀執事官武臣奉俎官轆門祭奉禮郎太祝令太官令社壇九宮壇分祭太社太祝太官令奉禮郎並如

之紫檀冕四旒服紫檀衣博士御史服之外州軍祭服鷩冕八旒三都初獻服之毳冕六旒經略安撫鈐轄初獻服之絺冕四旒經略安撫鈐轄亞獻服之節鎮防團軍事初獻亦如之玄冕無旒節鎮防團軍事亞終獻服之

朝服一曰進賢冠二曰貂蟬冠三曰幘豸冠皆朱衣朱裳宋初之制進賢五梁冠塗金銀花額犀玳瑁簪導立筆緋羅袍白花羅中單緋羅裙緋羅蔽膝並皂縹襪白羅大帶白羅方心曲領玉劔佩銀革帶暈錦綬二玉環白綾鞋皂皮履一品二品侍祠朝會則服

之中書門下則冠加籠巾貂蟬三梁冠犀角簪導無中單銀劔佩獅子錦綬銀環餘同五梁冠諸司三品御史臺四品兩省五品侍祠朝會則服之御史大夫中丞則冠有獬豸角衣有中單兩梁冠犀角簪導銅劔佩練鵲錦綬銅環條同三梁冠四品五品侍祠朝會則服之六品以下無中單無劔佩綬御史則冠有獬豸角衣有中單袴褶紫緋綠各從本服色白綾中單白綾袴白羅方心曲領本品官導駕則騎而服之袴褶之制建隆四年范質與<sub>禮</sub>官議袴褶制度先儒無說惟開元雜禮有五品以上用細綾及羅六品以

下用小綾之制注褶衣複衣也又案令文武弁金飾  
平巾幘簪導紫褶白袴玉梁珠寶鈿帶韉騎馬服之  
金飾即附蟬也詳此卽是二品三品所配弁之制也  
附蟬之數蓋一品九二品八三品七四品六五品五  
又侍中中書令散騎加貂蟬侍左者左珥侍右者右  
珥又開元禮導駕官並朱衣冠履依本品朱衣今朝  
服也故令文三品以上紫褶五品以上緋褶七品以  
上絳褶九品以上碧褶並白大口袴起梁帶烏皮鞋  
今請造袴褶如今文之制其起梁帶形制檢尋未是  
望以革帶代之奏可是歲造成而未用乾德六年郊

裡始服而冠未造乃取朝服進賢冠帶鞞履參用焉  
康定三年少府監言每大禮法服庫定百官品位給  
朝服今兩班內有官卑品高官高品卑者難以裁定  
願敕禮院詳其等第詔下禮院參酌舊制以聞奏曰  
準衣服令五梁冠一品二品侍祠大朝會則服之中  
書門下則如籠巾貂蟬準官品令一品尚書令太師  
太傅太保太尉司徒司空太子太師太傅太保二品  
中書令侍中左右僕射太子太師少傅少保諸州府  
牧左右金吾衛上將軍又準閣門儀制以中書令侍  
中同中書門下平章事為宰臣親王樞密使留守節

度使京尹兼中書令侍中同中書門下平章事爲使  
相樞密使知樞密院事參知政事樞密副使同知樞  
密院事宣徽南北院使受書樞密院事並在東宮三  
司之上以上品位職事宜準前法給朝服宰臣使相  
則加籠巾貂蟬其散官勳爵不繫品位止從正官爲  
之服三梁冠諸司三品御史臺四品兩省五品侍祠  
大朝會則服之御史中丞則冠獬豸準官品令諸司  
三品諸位上將軍六軍統軍諸衛大將軍神武龍武  
天將軍太常宗正卿祕書監光祿衛尉太僕大理鴻  
臚司農太府卿國子祭酒殿中少府將作司天監諸

省將軍神武龍武將軍下都督三京府尹五大都督  
府長史親王傳御史臺三品四品御史大夫中丞兩  
省三品四品五品左右散騎常侍門下中書侍郎諫  
議大夫給事中中書舍人尚書省三品四品六尚書  
左右丞諸行侍郎東宮三品四品賓客詹事左右庶  
子少詹事左右諭德節度使文明殿學士資政殿大  
學士三司使翰林學士承旨翰林學士資政殿學士  
端明殿學士翰林侍讀侍講學士龍圖閣學士樞密  
直學士龍圖天章閣直學士次中書侍郎節度觀察  
留後次六尚書侍郎知制誥龍圖天章閣侍制觀察

使次中書舍人內客省使次太府卿客省使次將作  
監引進使防禦團練三司副使次左右庶子以上品  
位職事宜準前法給朝服兩梁冠四品五品侍祠大  
朝會則服之六品則去劔佩綬御史則冠獬豸準官  
品令諸司四品太常宗正少卿秘書少監光祿等七  
寺少卿國子司業殿中少府將作司天少監三京府  
少尹太子率更令家令僕諸衛率府率副率諸軍衛  
中郎將諸王府長史司馬大都督府左右司馬內侍  
尚書省五品左右司諸行郎中諸司五品國子博士  
經筵博士太子中允左右贊善大夫都水使者開封

祥符河南洛陽宋城縣令太子中舍洗馬內常侍太  
常宗正秘書殿中丞著作郎殿中丞五尚奉御大理  
正諸王友諸軍衛郎將諸王府諮議參軍司天五官  
正太史令內給事諸升朝官六品以下起居郎起居  
舍人侍御史尚書省諸行員外郎殿中侍御史左右  
司諫左右正言監察御史太常博士通事舍人四方  
館使次七寺少卿諸州刺史次太子僕謂正任不帶使職者東  
西上閣門使次司天少監客省引進閣門副使次諸  
行員外郎已上品位職事據令文但言四品五品亦  
不分班叙上下今請自尚書省五品以上及諸州刺

史已上準前法給朝服其諸司五品已上實有官高品卑及品高官卑者宜自諸司五品國子博士至內給事並依六品以下例去劔佩綬御史則冠獬豸衣有中單其諸司使副使以下至閤門祗候如有攝事合請朝服者並同六品詔從所請元豐二年詳定朝會儀注所言古者制禮上物不過上二天之數也自上而下降殺以兩畿外諸侯遠於尊者而伸則以九以七以五從陽奇之數王朝公卿大夫近於尊者而屈則以八以六以四從陰偶之數本朝衣服令通天冠二十四梁爲乘輿服以應冕旒前後之數若人臣

之冠則自五梁而下與漢唐少異矣至於綬則乘輿及皇太子以織成諸臣用錦爲之一品二品冠五梁中書門下加籠巾貂蟬諸司三品三梁四品五品二梁御史臺四品兩省五品亦三梁而綬有暈錦黃獅子方勝練鵲四等之殊六品則去劔佩綬隋唐冠服皆以品爲定蓋其時官與品輕重相準故也今之令式尚或用品雖因襲舊文然以官言之頗爲舛謬槩舉一二則太子中允贊善大夫與御史中丞同品太常博士品卑於諸寺丞太子中舍品高於起居郎內常侍纔比內殿崇班而在尚書諸司郎中之上是品

不可用也若以差遣則有官卑而任要劇者有官品高而處之冗散者有一官而兼領數局者有徒以官奉朝請者有分局莅職特出於一時隨事立名者是差遣又不可用也以此言之用品及差遣定冠綬之制則未為允當伏請以官為定庶名實相副輕重有準仍乞分官為七等冠綬亦如之貂蟬籠巾七梁冠天下樂暈錦綬為第一等蟬舊以玳瑁為蝴蝶狀今請改為黃金附蟬宰相親王使相三師三公服之七梁冠雜花暈錦綬為第二等樞密使知樞密院至太子太保服之六梁冠方勝宜男錦綬為第三等左右

僕射至龍圖天章寶文閣直學士服之五梁冠羣毛錦綬為第四等左右散騎常侍至殿中少府將作監服之四梁冠簇四鷗錦綬為第五等客省使至諸行郎中服之三梁冠黃獅子錦綬為第六等皇城以下諸司使至諸衛率府率服之內臣自內常侍以上及入內省內侍省內東西頭供奉官殿頭前班東西頭供奉官左右侍禁左右班殿直京官祕書郎至諸寺監主簿既預朝會亦宜朝服從事今參酌自內常侍以上冠服各從本等符驗者如本官入內內侍省內東西頭供奉官殿頭三班使臣陪位京官為第七等

皆二梁冠方勝練鵲錦綬高品以下服色依古者鞞  
鞞烏履並從裳色今制朝服用絳衣而錦有十九等  
其七等綬謂宜純用紅錦以文采高下為差別惟法  
官綬用青地荷蓮錦以別諸臣後漢志法冠一曰柱  
後執法者服之侍御史廷尉正監平也或謂之獬豸  
冠南齊志亦曰法冠廷尉等諸執法者冠之今御史  
臺自中丞而下至監察御史大理卿少卿丞審刑院  
刑部上判官既正定厥官真行執法之事則宜冠法  
冠改服青荷蓮錦綬其梁數與佩準本品從之其後  
又詔冬正朝會諸軍所服衣冠廂都軍都指揮使都

虞候領團練使刺史服第五等軍都指揮使都虞候  
服第六等指揮使副指揮使服第七等並班於處副  
都頭以上常服班殿門外其朝會執事高品以下並  
服介幘絳服大帶革帶鞞履方心曲領政和議禮局  
更上群臣朝服之制七梁冠金塗銀稜貂蟬籠巾犀  
簪導銀立筆朱衣裳白羅中單並阜標襖蔽膝隨裳  
色方心曲領緋白羅大帶金塗銀革帶金塗銀裝玉  
佩天下樂暈錦綬青絲網間施三玉環白鞞黑履三  
公左輔右弼三少太宰少宰親王開府儀同三司服  
之七梁冠無貂蟬籠巾銀裝玉佩雜花暈錦綬餘同



三公以下服執政官東宮三師服之六梁冠白紗中  
單銀革帶佩方勝宜男錦綬銀環餘同七梁冠服大  
學士學士直學士東宮三少御史大夫中丞六曹尚  
書侍郎殿中監大司成散騎常侍特進金紫銀青光  
祿大夫光祿大夫太尉節度使左右金吾衛左右衛  
上將軍服之五冠梁翠毛錦綬餘同六梁冠服太子  
賓客詹事給事中中書舍人諫議大夫待制九寺卿  
大司樂祕書監殿中少監國子祭酒宣奉正奉通奉  
通議太中中大夫中奉中散大夫上將軍節度觀察  
留後觀察使通侍大夫樞密都承旨服之四梁冠簇

四盤鵬錦綬餘同五梁冠服九寺少卿大成興樂祕  
書少監國子碎麻業少府將作軍器監都水使者  
起居舍人侍御史太子左右庶子少詹事諭德尚書  
左右司郎中員外六曹諸司郎中朝議奉直朝請朝  
散朝奉大夫防禦團練使刺史大將軍正侍中侍中  
亮中衛執衛左武右武大夫駙馬都尉帶遙郡武功  
大夫以下樞密副都承旨服之三梁冠金塗銅革帶  
佩黃獅子錦綬鑰石環餘同四梁冠服殿中侍御史  
監察御史司諫正言尚書六曹員外郎外符寶郎少  
府將作軍器少監太子侍讀侍講中書舍人親王府

兩善片讀侍講九寺祕書殿中監辟廱丞大晟樂令  
兩亦縣令大理五司直評事著作郎祕書郎著作佐  
郎太常宗學國子辟廱博士太史局令正丞五官上  
朝請朝散朝奉承議奉議通直郎中亮中衛洪衛左  
武右武郎諸衛將軍衛率府率武功武德武顯武節  
武畧武經武義武翼大夫郎醫職翰林醫正以上均  
符寶郎閣門通事舍人敦武郎修武郎服之二梁冠  
角簪方勝練鵲錦綬餘同三梁冠服在京職事官閣  
門祇候看班祇候率府副率升輦格立侍內臣服之  
御史大夫中丞刑部尚書侍郎大理卿少卿侍御史

刑部郎中大理寺正丞司直評事並冠獬豸冠服青  
荷蓮綬詔悉頒行六年詔導駕官朝服結佩七年詔  
夏祭百官朝祭服用紗中興仍舊制行事執事官則  
服祭服導引陪祠官則服朝服從紹興三年太常寺  
請也祀畢駕回若服通天絳紗袍乘大輦則百官從  
駕服朝服或服履袍乘平輦則百官從駕服常服自  
隆興二年洪适請始也進賢冠以漆布爲之上縷紙  
爲額花金塗銀銅飾後有納言以梁數爲差凡七等  
以羅爲纓結之第一等七梁加貂蟬籠巾貂鼠尾立  
筆第二等無貂蟬籠巾第三等六梁第四等五梁第

五等四梁第六等三梁第七等二梁並如舊制服同  
貂蟬冠一名籠巾織藤漆之形正方如平巾幘飾以  
銀前有銀花上綴玳瑁蟬左右為三小蟬銜玉鼻左  
插貂尾三公親王侍祠大朝會則加于進賢冠而服  
之獬豸冠卽進賢冠其梁上刻木為獬豸角碧粉塗  
之梁數從本品立筆古人臣簪筆之遺象其制削竹  
為榦裏以緋羅以黃絲為毫拓以銀縷葉插於冠後  
舊令文官七品以上服朝服者簪白筆文武則否今  
文武皆簪焉

志卷第一百五

志卷第一百六

宋史一百五十三

開府儀同三司上柱國錄軍國軍事前中書省丞相兼樞密使領經筵事都總裁臣脫脫等奉

勅

輿服五 諸臣服下  
上庶人服

公服凡朝服謂之具服公服從省今謂之常服宋因

唐制三品以上服紫五品以上服朱七品以上服綠

九品以上服青其制曲領大袖下施橫欄束以革帶

幘頭烏皮鞞自王公至一命之士通服之太宗太平

興國二年詔朝官出知節鎮及轉運使副衣緋綠者

並借紫知防禦團練刺史州衣綠者借緋衣緋者借

紫其為通判知軍監止借緋其後江淮發運使同轉運提點刑獄同知刺史州雍熙初郊祀慶成始許升朝官服緋綠二十年者叙賜緋紫真宗登極京朝官亦聽叙及東封西祀赦書京朝官並以十五年為限後每帝登極亦如例景德三年詔內諸司使以下出入內庭不得服皂衣違者論其罪內職亦許服窄袍仁宗景祐元年詔軍使曾任通判者借緋曾任知州者借紫慶曆元年龍圖閣直學士任布言欲望自今贈官至正郎者其畫像許服緋至卿監許服紫從之嘉祐三年詔三品轉運使朝辭上殿日與賜章服諸

路轉運使候及十年即與賜章服神宗熙寧元年中書門下奏六品以上犯賊濫或私罪徒重者不得因本品改章服從之元豐元年去青不用階官至四品服紫至六品服緋皆象笏佩魚九品以上則服綠笏以木武臣內侍皆服紫不佩魚假版官及伎術若公人之人入品者並聽服綠官應品而服色未易與品未及而已易者或以年格或以特恩五年詔六曹尚書依翰林學士例六曹侍郎給事中依直學士例朝謝日不以行守試並賜服佩魚罷職除他官日不帶行徽宗重和元年詔禮制局自冠服討論以聞其見

服鞞先改用履禮制局奏履有絢縹純綦古者烏履各隨裳之色有赤烏白烏黑烏今履欲用黑革爲之其絢縹純綦並隨服色用之以倣古隨裳色之意詔以明年正旦改用禮制局又言履隨其服色武臣服色一等當議差別詔文武官大夫以上具四飾朝請郎武功郎以下去縹並稱履從義郎宣教郎以下至將校伎術官去縹純並稱履當時議者以鞞不當用之中國實廢釋氏之漸云中興仍元豐之制四品以上紫六品以上緋九品以上綠服緋紫者必佩魚謂之章服非官至本品不以假人若官卑而職高則特

許者有不自庶官遷六部侍郎自庶官爲待制或出奉使者是也又有以年勞而賜者有品未及而借者升朝官服綠大夫以上服緋蓋事至今日以前及二十年歷任無過者許磨勘改授章服此賜者也或爲通判者許借緋爲知州監司者許借紫任滿還朝仍服本品此借者也又有出於恩賜者爲紹興十二年九月以皇太后回鑾詔承務郎以上服緋綠蓋事至今日以前十七年者並改轉服色三十二年六月孝宗即位詔承務郎以上服緋綠及十五年者並許改轉服色然計年之法亦不輕許無出身入自年二十

出官服綠日起理服緋人亦自年二十服緋日起理  
有出身人自賜出身日起理內並除豁丁憂年月日  
不理外歷任無過者方許為先是殿中侍御史張震  
奏今日之弊在於人有流傳能革其俗然後天下可  
治且改轉服色常赦自昇朝官以上服綠大夫以上  
服緋蓋事及二十年方得改賜今赦日承務即以上  
服緋綠又十五年便與改轉比之常赦不惟年限已  
減而又官品相絕蓋已為異恩矣今竊聞省部欲自  
補官日便理歲月即是嬰孩授命年纔十五者今遂  
服緋而貴近之子或初年賜緋年纔及冠者今遂賜

紫朱紫紛紛不亦濫乎况靖康建炎恩赦亦不曾以  
補官日為始若始於出身之日頗為折衷蓋比之舊  
事所減已多而比之初補租為有節帝從其言故有  
是命又有出於特賜者旌直臣則賜之勸循吏則賜  
之廣孝治則賜之優老臣則賜之此皆非常制為內  
品未至而賜服及借者並於銜內帶賜及借  
幘頭一名折上巾起自後周然止以軟帛垂脚隋始  
以桐木為之唐始以羅代繒惟帝服則脚上曲人臣  
下垂五代漸變平直國朝之制君臣通服平脚乘輿  
或服上曲為其初以藤織草巾子為裏紗為表而塗

以漆後惟以漆為堅去其藤裏前為一折平施兩脚  
以鐵為之

帶古惟用革自曹魏而下始有金銀銅之飾宋制尤  
詳有玉有金有銀有犀其下銅鐵角石墨玉之類各

有等差玉帶不許施於公服犀非品官通犀非特旨  
皆禁銅鐵角石墨玉之類民庶及郡縣吏伎術等人

皆得服之其制有金襴踏荔支師蠻海捷寶藏方圍

五兩荔支自二十五兩至七十兩有師蠻海捷寶藏方圍

兩海捷十五兩寶藏三十兩至七十兩有師蠻海捷寶藏方圍

勝荔支或為御金塗大五八仙犀牛寶瓶荔支師

海捷雙鹿行虎窠面天玉八仙二犀牛寶瓶荔支師

荔支自二十兩至千兩有三等師蠻自二十兩至十

八兩有二等海捷自十五兩至十兩有三等雙鹿自

二十兩至四兩有九等行虎七兩束帶則有金荔支

窠面自十五兩至十一兩有二等東帶則有金荔支

師蠻戲童海捷犀牛胡菱鳳子寶花荔支日二十五

三等師蠻戲童二十兩海捷自一十兩至十金塗

兩有二等犀牛二十兩鳳子寶相花十五兩犀牛雙鹿野馬胡菱

犀牛野馬十五兩雙鹿自二十犀牛雙鹿野馬胡菱

兩有三等胡菱自十三兩至十犀牛雙鹿野馬胡菱

兩有犀有上等次等以特特為別出黔南者在太宗

太平興國七年正月翰林學士承旨李昉等奏曰奉  
詔詳定車服制度請從三品以上服玉帶四品以上  
服金帶以下升朝官雖未升朝已賜紫緋內職諸軍  
將校並服紅鞞金塗銀排方雖升朝着綠者公服上

不得繫銀帶餘官服黑銀方團胯及犀角帶貢士及胥吏二商庶人服鐵角帶恩賜者不用此制荔支帶本是內出以賜將相在於庶僚豈合僭服望非恩賜者官至三品乃得服之景德三年詔通犀金玉帶除官品金服及恩賜外餘人不得服用大中祥符五年詔曰方團金帶優寵輔臣今文武庶官及伎術之流率以金銀收放甚紊爰制自今除恩賜外悉禁之端拱中詔作瑞草地毬路文方團胯帶副以金魚賜中書樞密院文臣仁宗慶曆八年彰信軍節度使兼侍中李用和言伏見張耆授兼侍中日特賜笏頭金帶

以爲榮異欲望正謝日準例特賜詔如耆例神宗熙寧六年熙河路奏捷宰臣王安石率群臣賀紫宸殿神宗解所服白玉帶賜之八年岐王顥嘉王顥言蒙賜方團玉帶著爲朝儀乞寶藏于家不敢服用神宗不許命工別琢玉帶以賜之顥等固辭不聽請加佩金魚以別嫌詔以玉魚賜之親王佩玉魚自此始宗旦宗諤皆以使相遇郊恩告謝特賜毬文方團金帶佩魚自是宗室節度帶同平章事者著爲例宣徽使張方平郭遠王拱辰皆嘗特賜元豐五年詔三師三公宰相執政官開府儀同三司節度使嘗任宰相者



觀文殿大學士已上金毬文方圓帶佩魚觀文殿學士至寶文閣直學士節度使御史大夫中丞六曹尚書侍郎散騎常侍御仙花帶內御史大夫六曹尚書翰林學士以上及資政殿學士特班翰林學士上者仍佩魚六年詔北使經過處守臣曾借朝議大夫者令權服紫不繫金帶其押賜御筵官仍互借先借朝議大夫者即借中散大夫並許繫金帶不佩魚哲宗元祐五年詔臣僚曾賜金帶後至不該繫者在外許繫徽宗崇寧二年詔六尚局奉御今後許服金帶四年中書省檢會哲宗元符儀制令諸帶三師三公宰

相執政官使相節度使觀文殿大學士毬文佩魚節度使非曾任宰相即御仙花佩魚觀文殿學士至寶文閣直學士御史大夫中丞六曹尚書侍郎散騎常侍並御仙花權侍郎不同內御史大夫六曹尚書觀文殿學士至翰林學士仍佩魚資政殿學士特旨班在翰林學士上者同觀尚書不同其官職未至而特賜者不拘此令因任職事官經賜金帶者雖後任不該賜亦許服看詳若稱因任六曹侍郎經賜帶後除知開封府之類既非職事官又非在外皆不許繫似非元立法之意蓋立文該舉未盡其特賜者既不緣官

職自無時不許繫外因任職事官賜金帶後任不該者亦許服卽在外與在京非職事官皆可用詔申明行下大觀二年詔中書舍人諫議大夫待制殿中少監許繫紅鞋犀帶不佩魚中興仍之其等亦有玉有金有銀有金塗銀有犀有通犀有角其制毬文者四方五塗御仙花者排方凡金帶三公左右丞相三少使相執政官觀文殿大學士節度使毬文佩魚觀文殿學士至華文閣直學士御史大夫中丞六曹尚書侍郎散騎常侍開封尹給事中並御仙花內御史大夫六曹尚書觀文殿學士至翰林學士仍佩魚中書

舍人左右諫議大夫龍圖天章寶文顯謨徽猷敷文煥章華文閣侍制權侍郎服紅鞋排方黑犀帶仍佩魚權侍郎以上罷任不帶職者亦許服之

魚袋其制自唐始蓋以爲符契也其始曰魚符左一右一左者進內右者隨身刻官姓名出入合之因盛以袋故曰魚袋宋因之其制以金銀飾爲魚形公服則繫於帶而垂於後以明貴賤非復如唐之符契也太宗雍熙元年南郊後內出以賜近臣由是內外升朝文武官皆佩魚凡紫服者飾以金服緋者飾以銀廷賜紫則給金塗銀者賜緋亦有特給者京官幕職

州縣官賜緋紫者亦佩親王武官內職將校皆不佩  
真宗大中祥符六年詔伎術官未升朝賜緋紫者不  
得佩魚仁宗天聖二年翰林待詔太子中舍同正王  
文度因勒碑賜紫章服以舊佩銀魚請佩金魚仁宗  
曰先朝不許伎術人輒佩魚以別士類不令混淆安  
却其請景祐三年詔殿中省尚藥奉御賜紫徐安仁  
特許佩魚至和元年詔中書提點五房公事自今雖  
無出身亦聽佩魚舊制自選人入為堂後官轉至五  
房提點始得佩魚提點五房呂惟和非選人入提點  
天監五官正例求佩魚特許之神宗元豐二年蒲宗

孟除翰林學士神宗曰學士職清地近非他官比而  
官儀未寵自今宜加佩魚遂著為令三年詔自今中  
書堂後官並帶賜緋魚袋餘依舊例徽宗政和元年  
尚書兵部侍郎王詔奏今監司守倅等並許借服色  
而不許佩魚即是有服而無章殆與吏無別乞今後  
應借緋紫臣僚並許隨服色佩魚仍各許入衙候回  
日依舊服色從之中興並仍舊制

笏唐制五品以上用象上圓下方六品以下用竹木  
上挫下方宋文散五品以上用象九品以上用木武  
臣內職並用象千牛衣綠亦用象廷賜緋綠者給之

中興同

鞞宋初沿舊制朝履用鞞。政和更定禮制改鞞用履。中興仍之。乾道七年復改用鞞。以黑革爲之。大抵參用履制。惟加鞞焉。其飾亦有絢。總純綦。大夫以上具四飾。朝請武功郎以下去總。從義宣。敎郎以下至將校。技術官並去純底。用麻。再重革。一重裏用素。納氈。高八寸。諸文武官通服之。惟以四飾爲別服。綠者飾以綠。服緋紫者飾亦如之。倣古隨裳色之意。

簪戴幘頭簪花。謂之簪戴。中興郊祀明堂禮畢。回鑾臣僚及扈從並簪花。恭謝日亦如之。大羅花以紅黃銀紅三色。藥枝以雜色羅。大絹花以紅銀紅二色。羅花以賜百官。藥枝。卿監以上有之。絹花以賜將校。以下太上兩宮。上壽畢及聖節及錫宴及賜新進士。開喜宴並如之。

重戴唐士人多尚之。蓋古大裁帽之遺制。太野夫巖叟之服以阜羅爲之。方而垂簷。紫裏而紫絲組爲纓。垂而結之。頷下所謂重戴者。蓋折上巾又加以帽焉。宋初御史臺皆重戴。餘官或戴。或否。後新進士亦戴。至釋褐則止。太宗淳化二年。御史臺言舊儀三院御史在臺及出使並重戴。事已久廢。其御史出臺爲省。

職及在京釐務者請依舊儀違者罰俸一月從之又  
詔兩省及尚書省五品以上皆重戴樞密三司使副  
則不中興後御史兩制知貢舉官新進士上三人許  
服之

時服宋初因五代舊制每歲諸臣皆賜時服然止賜  
將相學士禁軍大校建隆三年太祖謂侍臣曰百官  
不賜甚無謂也乃徧賜之歲遇端午十月一日文武  
群臣將校皆給馬是歲十月近臣軍校增給錦襪袍  
中書門下樞密宣徽院節度使及侍衛步軍都虞候  
以上皇親大將軍以上天下樂暈錦三司使學士中

丞內客省使駙馬留後觀察使皇親將軍諸司使廂  
主以上簇四盤鷓細錦三司副使宮觀判官黃師子  
大錦防禦團練使刺史皇親諸司副使翠毛細錦權  
中丞知開封府銀臺司審刑院及待制以上知檢院  
鼓院同三司副使六統軍金吾大將軍紅錦諸班及  
諸軍將校亦賜窄錦袍有翠毛宜男雲鷹細錦師子  
練鵲寶照大錦寶照中錦凡七等應給錦袍者皆五  
事公服錦寬袍綾汗衫袴勒帛丞郎給舍大大將軍  
卿監以上不給錦袍者加以黃綾繡袍肚  
少卿監郎中以上樞密諸房副承旨以上諸司使皇  
親承制崇班皆四事無錦將軍至副率知雜御史至

大理正入內都知內侍都知皇親殿直以上皆三事

無通事舍人承制崇班入內押班內侍副都知押班

內常侍六尚奉御以下京官充館閣宗正寺刑法官

者皆二事無勒帛內職汗衫以綾文臣以絹閣門祗候內供奉官至

殿直京官編修校勘止給公服端午亦給應給錦袍

百汗衫以黃縠別加繡袍肚小扇誕聖節所給如時

版京師禁廂軍校衛士內諸司胥吏工巧人並給服有差朝官京官內職出為

外任通判監押巡檢以上者大藩府監務者亦或給之每歲十月

時服開寶中皆賜窄錦袍太平興國以後文官知制

誥武官上將軍內職諸司使以上皆賜錦藩鎮觀察使以上天

下樂暈錦尚書及步軍都虞候以上及知益州并州

次暈錦皆五事學士丞郎等四盤鵬錦刺史以上及

知廣州翠毛錦皆三件待制以上橫班諸司使翠毛

錦知代州御仙花錦諸司使領部官男錦諸司使雲

鴈錦駙馬錦如丞郎增至四事朝官供奉官以上皆

賜紫地皂花欵正京官殿直以下皆賜紫大綾在外

禁軍將校亦賜窄錦袍次賜紫綾色絹景德元年始

詔河北河東陝西三路轉運使副並給方勝練鵲錦

校獵從官兼賜紫羅錦旋襴暖鞞雍熙四年令節度

使給皂地金線盤雲鳳鹿胎旋襴侍衛步軍都虞候

以上給皂地金線盤花鴛鴦親王宰相使相生日並

賜衣五事錦綵百匹金花銀器百兩馬二匹金塗銀

鞍勒一宰相樞密使參知政事樞密副使宣徽使初拜加恩中謝日並賜衣五事金帶一舊荔枝帶淳化後宰相參知政

事文臣任樞密副使改賜方塗金銀鞍勒馬一三司團勝球路金帶加以金魚

使學士御史中丞初拜中謝日賜衣五事荔枝金帶

一塗金銀鞍勒馬一文明學士以下初賜金裝犀帶後改賜金帶中書舍

人賜襲衣犀帶宰相以下對御擡賜樞密直學士中

書舍人謝訖中使押賜再入謝于別殿中書舍人或

告謝日已改賜章服則罷中使押賜郊禋禮畢親王

宰相至龍圖閣直學士禁軍將校各賜襲衣金帶親

中書門下樞密宣徽三司使四廂都指揮使以上加鞍勒馬一其後官觀副使天書扶侍使並同學士

同中謝日雍熙元年兩省五品以上御史臺尚書省

四品以上各賜襲衣犀帶魚袋其為五使則皆賜金

帶仍各加器幣文武行事官各賜金帛牧伯在外者遇大禮不賜大中祥符元年詔節度

觀察防禦團練使刺史因東封為諸州部署鈐轄者並特賜馬使相節度使自鎮來

朝入見日賜衣五事金帶鞍馬朝辭日賜窄衣六事

金束帶鞍勒馬一散馬二節度使為都部署者別賜

帶甲鞍勒馬一觀察使為都部署副都部署赴本任

知州賜窄衣三事金束帶鞍勒馬防禦團練使刺史

為部署鈐轄賜窄衣三事金束帶赴本任賜窄衣三

事塗金銀腰帶為知州都監賜窄衣三事絹三十匹

諸司為鈐轄者賜窄衣金束帶文武官內職出為知州軍通判發運轉運使副提點刑獄都監巡檢砦主軍使及任使繁要者僕射賜窄衣三事絹五十四匹尚書丞郎學士諫舍待制大卿監及統軍上將軍諸司使減絹二十四匹少卿監至五官正大將軍至副率諸司副使減絹一十四匹中郎將京官內殿承旨至借職內常侍減衣二事又減絹一十四匹窄衣起二月給紫羅衫起十月給紫欵正綿襖給公服者單夾亦然諸道衙內指揮使都虞候入貢辭日賜紫羅窄衫金塗銀帶士庶人車服之制太宗太平興國七年詔曰士庶之

間車服之制至于喪葬各有等差近年以來頗成踰僭宜令翰林學士承旨李昉詳定以聞昉奏今後富商大賈乘馬漆素鞍者勿禁近年品官綠袍及舉子白襪下皆服紫色亦請禁之其私第便服許紫皂衣白袍舊制庶人服白今請流外官及貢舉人庶人通許服皂工商庶人家乘檐子或用四人八人請禁斷聽乘車兜子昇不得過二人並從之端拱二年詔縣鎮場務諸色公人并庶人商賈伎術不係官伶人只許服皂白衣鐵角帶不得服紫文武升朝官及諸司副使禁軍指揮使廂軍都虞候之家子弟不拘此限



幘頭巾子自今高不過二寸五分婦人假髻並宜禁  
斷仍不得作高髻及高冠其銷金泥金真珠裝綴衣  
服除命婦許服外餘人並禁至道元年復許庶人服  
紫真宗咸平四年禁民間造銀鞍瓦今線盤蹙金線  
大中祥符元年三司言竊惟山澤之寶所得至難儻  
縱銷釋實爲虛費今約天下所用歲不下十萬兩俾  
上幣棄於下民自今金銀箔線貼金銷金泥金蹙金  
線裝貼什器土木玩用之物並請禁斷非命婦不得  
以爲首飾治工所用器悉送官諸州寺觀有以金箔  
飾尊像者據申三司聽自齋金銀工價就文思院

給從之二年詔申禁鎔金以飾器服又太常博士知  
溫州李邈言兩浙僧求丐金銀珠玉錯末和泥以爲  
塔像有高袤丈者毀碎珠寶寢以成俗望嚴行禁絕  
違者重論從之七年禁民間服銷金及跋遮那纈八  
年詔內庭自中宮以下並不得銷金貼金間金蹙金  
圈金解金剔金陷金明金泥金楞金背影金盤金織  
金金線撚絲裝著衣服並不得以金爲飾其外庭臣庶  
家悉皆斷禁臣民舊有者限一月許回易爲真像前  
供養物應寺觀裝功德用金箔須具殿位真像顯合  
增修砌造數經官司陳狀勘會請實開奏方給公憑

諸司收買其明金裝假果花枝樂身之類應金為裝  
彩物降詔前已有者更不毀壞自餘悉禁違者犯人  
及工匠皆坐是年又禁民間服皂班纈衣仁宗天聖  
三年詔在京士庶不得衣黑褐地白花衣服並藍黃  
紫地撮暈花樣婦女不得將白色褐色毛段并淡褐  
色匹帛製造衣服令開封府限十月斷絕婦人出入  
乘騎在路披毛褐以禦風塵者不在禁限七年詔士  
庶僧道無得以朱漆飾牀榻九年禁京城造朱紅器  
皿景祐元年詔禁錦背繡背遍地密花透背采段其  
稀花團窠斜窠雜花不相連者非二年詔市肆造作

縷金為婦人首飾等物者禁三年臣庶之家毋得採  
捕鹿胎製造冠子又屋宇非邸店樓閣臨街市之處  
毋得為四鋪作闌闔八非品官毋得起門屋非宮室  
寺觀毋得絲繪棟宇及朱黝漆梁柱窓牖雕鏤柱礎  
凡器用毋得表裡朱漆金漆下毋得襯朱非三品以  
上官及宗室戚里之家毋得用金稜器其用銀者毋  
得塗金玳瑁酒食器非官禁毋得用純金器若經賜  
者聽用之凡命婦許以金為首飾及為小兒鈐鈿釵  
簪釧纏珥環之屬仍毋得為牙魚飛魚奇巧飛動若  
龍形者非命婦之家毋得以真珠裝綴首飾衣服及

項珠纓絡耳墜頭簪抹子之類凡帳幔繳壁承塵柱  
衣額道項帕覆旌牀裙母得用純綿編繡宗室戚里  
茶檐食合母得以緋紅蓋覆豪貴之族所乘坐車母  
得用朱漆及五彩裝繪若用黝而間以五彩者聽民  
間母得乘檐子及以銀骨朶水罐引喝隨行慶曆八  
年詔禁士庶倣契丹服及乘騎鞍轡婦人衣銅綠鬼  
褐之類皇祐元年詔婦人冠高母得踰四寸廣母得  
踰尺梳長母得踰四寸仍禁以角爲之先是宮中尚  
白角冠梳人爭倣之至謂之內樣冠名曰垂肩等至  
有長三尺者梳長亦踰尺議者以爲服妖遂禁止之

七年初皇親與內臣所衣紫皆再入爲黝色後士庶  
寘相效言者以爲奇衰之服於是禁天下衣黑紫服  
者神宗熙寧九年禁朝服紫色近黑者民庶止令乘犢  
車聽以黑飾間五彩爲飾不許呵引及前列儀物哲  
宗紹聖二年侍御史程思言京城士人與豪右大姓  
出入率以轎自載四人舁之甚者飾以搜蓋徹去簾  
蔽翼其左右旁午於通衢甚爲僭擬乞行止絕從之  
徽宗大觀元年郭天信乞中外並罷翡翠裝飾帝曰  
先王之政仁及草木禽獸今取其羽毛用於不急傷  
生害性非先王惠養萬物之意宜令有司立法禁之

政和二年詔後苑造纈帛蓋自元豐初置爲行軍之  
號又爲衛士之衣以辨姦詐遂禁止民間打造令開  
封府申嚴其禁客棹不許興販纈板七年臣僚上言  
輦轂之下奔競侈靡有未革者居室服用以壯麗相  
誇珠璣金玉以奇巧相勝不獨貴近比比紛紛日益  
滋甚臣嘗考之申令法禁雖具其罰尚輕有司玩習  
以至於此如民庶之家不得乘轎今京城內暖轎非  
命官至富民娼優下賤遂以爲常竊見近日有赴內  
禁乘以至皇城門者奉祀乘至宮廟者坦然無所畏  
避臣妄以爲僭禮犯分禁亦不可以緩於是詔非品

官不得乘暖轎先是權發遣提舉淮南東路學事丁  
瓘言衣服之制尤不可緩今閭閻之卑倡優之賤男  
子服帶犀玉婦人塗飾金珠尚多僭侈未合古制臣  
恐禮官所議止正大典未遑及此伏願明詔有司嚴  
立法度酌古便今以義起禮俾閭閻之卑不得與尊  
者同榮倡優之賤不得與貴者並麗此法一正名分  
自明革澆偷以歸忠厚豈曰小補之哉是歲又詔敢  
為契丹服若氈笠鈞整之類者以違御筆論鈞整今  
亦謂之鞞袴婦人之服也

中興士大夫之服大抵因東都之舊而其後稍變焉

一曰深衣。二曰紫衫。三曰涼衫。四曰帽衫。五曰襴衫。  
淳熙中朱熹又定祭祀冠婚之服。時頒行之。凡士大夫家祭祀冠婚則具盛服。有官者幘頭帶鞞。笏進士則幘頭襴衫帶。處士則幘頭皂衫帶。無官者通用帽子衫帶。又不能具則或深衣或涼衫。有官者亦通用帽子。以下但不為盛服。婦人則假髻大衣長裙。女子在室者冠子背子。衆妾則假紒背子冠。禮三加冠服。初加緇布冠深衣大帶。納履再加帽子皂衫革帶。繫纁三加幘頭公服革帶。納鞞。其品官嫡庶子初加折上市公服。再加二梁冠朝服。三加平冕服。若以巾帽折上巾為三加者。聽之。深衣用白細布。度用指尺。衣全四幅。其長過脇。下屬於裳。裳交解十二幅。上屬於衣。其長及踝。圓袂方領。曲裾黑緣大帶。緇冠幅巾黑履。士大夫家冠昏祭祀宴居交際服之。  
紫衫本軍校服。中興士大夫服之。以便戎事。紹興九年詔公卿長吏服用冠帶。然迄不行。二十六年再申嚴禁。毋得以戎服臨民。自是紫衫遂廢。士大夫皆服涼衫以為便服矣。

涼衫其制如紫衫。亦曰白衫。乾道初禮部侍郎王曠奏稿見近日士大夫皆服涼衫。甚非美觀。而以交際

居官臨民純素可惜。有似凶服。陛下才奉兩宮。所宜革之。且紫衫之設。以從戎故。為之禁。而人情趨簡便。靡而至此。文武並用。本不偏廢。朝章之外。宜有便衣。仍存紫衫。未害大體。於是禁服白衫。除乘馬道塗許服外。餘不得服。若便服許用紫衫。自後涼衫。祇用為凶服矣。

帽衫帽以烏紗衫以皂羅為之。角帶繫鞵。東都時士大夫交際常服之。南渡後一變為紫衫。再變為涼衫。自是服帽衫少矣。惟士大夫家冠昏祭祀猶服焉。若國子生常服之。

襪衫以白細布為之。圓領大袖。下施橫襪。為裳。腰間有辟積。進士及國子生州縣生服之。紹興五年高宗謂輔臣曰。金翠為婦人服飾。不惟靡貨害物。而侈靡之習實關風化。已戒中外。及下令不許入宮門。今無一人犯者。尚恐士民之家未能盡革。宜申嚴禁。仍定銷金及採捕金翠罪賞格。淳熙二年孝宗宣示中宮。禕衣曰珠玉。純用禁中舊物。所費不及五萬。革弊當自宮禁始。因問風俗。龔茂良奏。由貴近之家放效。宮禁以致流傳。民間粥簪珥者。必言內樣。彼若知上崇尚淳朴。必觀感而化矣。臣又聞中宮服澣濯之衣。數

年不易請宣示中外仍教有司嚴戢奢僭寧宗嘉泰初以風俗侈靡詔官民營建室屋一遵制度務從簡樸又以官中金翠燔之通衢貴近之家犯者必罰

志卷第一百七

宋史一百五十四

開府儀同三司在國錄置置前中書省丞相兼國之領經筵事都總裁臣脫等奉

黎

輿服六

寶印符券臣庶室屋制度

宮室

制度

寶秦制天子有六璽又有傳國璽歷代因之唐改爲寶其制有八五代亂離或多亡失周廣順中始造二寶其一曰皇帝承天受命之寶一曰皇帝神寶太祖受禪傳此二寶又製大宋受命之寶至太宗又別製承天受命之寶是後諸帝嗣服皆自爲一寶以皇帝恭膺天命之寶爲文凡上尊號有司製玉寶則以所

上尊號爲文寶用玉篆文廣四寸九分厚一寸二分  
填以金盤龍鈕係以暈錦大綬赤小綬連玉環玉檢  
高七寸廣二寸四分厚四分玉斗方二寸四分厚一  
寸二分皆飾以紅錦金裝裹以紅縣加紅羅泥金夾  
靶納於小盃盃以金裝內設金沐暈錦褥飾以雜色  
玻黎碧石珊瑚金精石瑪瑙又盃二重皆裝以金覆  
以紅羅繡靶載以腰輿及行馬並飾以金又有香爐  
寶子香匙灰匙火箸燭臺燭刀皆以金爲之是所謂  
緣寶法物也別有三印一曰天下合同之印中書奏  
覆狀疏內金歷任三代狀用之二曰御前之印樞密

院宣命及諸司奏狀內用之三曰書詔之印翰林詔  
敕用之皆鑄以金又以鍤石各鑄其一雍熙三年並  
改爲寶別鑄以金舊六印皆毀之真宗即位作皇帝  
受命寶文曰皇帝恭膺天命之寶大中祥符元年五  
月詳定所言按玉牒玉冊用皇帝受命寶印之納玉  
匱於石碓以天下同文之印封之今封禪泰山請依  
舊制別造玉寶一枚方寸二分文同受命寶其封石  
碓用天下同文之印舊史元無制度今請用金鑄大  
小同御前之寶以天下同文之寶爲文所有緣寶法  
物亦請依式製造從之天禧元年十二月召輔臣於



滋福殿觀新刻五嶽聖帝王寶及皇帝昭受乾符之寶命擇日迎導赴會靈觀奉安其寶並金押玉鈕製作精妙真宗以奏章上帝承前皆用御前之寶以理未順故改用昭受乾符之寶乾興元年仁宗即位作受命寶文同真宗天聖元年詔以宮城火重製受命寶及尊號用寶慶曆八年十一月詔刻皇帝欽崇國祀之寶先是天禧中真宗刻昭受乾符之寶而於醮祠表章用之後經大內火寶焚乃用御前之寶至是下學士院定其文命宰臣陳執中書之皇祐五年七月詔作鎮國神寶先是奉宸庫有良玉廣尺厚半之

孝宗受命  
符其  
于此矣

仁宗以為希代之珍不欲為服玩因作是寶命宰臣龐籍家文寶成大常禮院引唐六典次序曰一神寶二受命寶冬至祀南郊大駕儀仗請以鎮國神寶先受命寶為前導自是為定式至和二年初太宗以玉寶二鈕賜太祖之子德秀其文曰皇帝信寶至是德秀孫左屯衛大將軍從武上之嘉祐八年仁宗崩與宗立翰林學士范鎮言伏聞大行皇帝受命寶及緣寶法物與平生衣冠器用皆欲舉而葬之恐非所以稱先帝恭儉之意其受命寶伏乞陛下自實用之且亦有所傳付若衣冠器玩則請陳於陵寢及神御殿

傳國璽  
哲宗弟  
十一年也

歲時展視以慰思慕詔檢討官考索典故及命兩制  
禮官詳議翰林學士王珪等奏曰受命寶者猶昔傳  
國璽也宜為天子傳器不當改作古者藏先王衣服  
於廟寢至於平生器玩則前世既不皆納於方中亦  
不盡陳於殿寢謂今宜從省約以稱先帝恭儉之實  
帝不用其議乃製造受命寶其命參知政事歐陽脩篆  
文八字至哲宗立亦作焉其文並同紹聖三年成陽  
縣民段義得古玉印自言於河南鄉劉銀村脩舍楹  
地得之有光照室四年上之詔禮部御史堂以下參  
驗元符元年三月翰林學士承旨蔡京及講議官千

二員奏按所獻玉璽色綠如藍溫潤而澤其文曰受  
命于天既壽永昌其背蟻  
貫紐又得玉螭首一白如膏亦溫潤其背亦蟻鈕五  
盤鈕間亦有貫紐小窾其  
文工作皆非近世所為臣  
等以歷代正史考之璽之  
文曰皇帝壽昌者晉璽也  
曰受命於天者後魏璽也  
有德者昌唐璽也惟德允  
昌石背璽也則既壽永昌  
者秦璽可知今得璽於咸  
陽其玉乃藍田之色其篆  
與李斯小篆體合飾以龍  
鳳鳥魚乃蟲書鳥跡之法  
於今所傳古書莫可比擬  
非漢以後所作明矣今陛

下嗣守祖宗太寶而神璽自出其文曰受命于天既  
壽永昌則天之所異焉可忽哉漢晉以來得寶鼎瑞  
物猶告廟改元肆青上壽况傳國之器乎其緣寶法  
物禮儀乞下所為施行禮部太常寺按故事詳定  
以聞禮官言五月朔故事當大朝會宜就行受寶之  
禮依上尊號寶四錄有司豫製緣寶法物并寶進入  
俟降出權於寶堂受奉前三日差官奏告天地宗廟  
社稷前一日帝齋于內殿翌日御大慶殿降坐受寶  
群臣上壽稱賀先期又詔龍圖天章閣齋治平元年  
耀州所獻受命寶玉檢赴部堂參議詔以五月朔受

傳國寶命章惇書王檢以天授傳國受命之寶為文  
徽宗崇寧五年有以玉印獻者印方寸以龜為鈕工  
作精巧文曰承天福延萬億永無極徽宗因次其文  
倣李斯蟲魚篆作寶文其方四寸有奇螭鈕方盤上  
圓下方名為鎮國寶大觀元年又得玉工用元豐中  
玉琢天子皇帝六璽璽篆初紹聖間得漢傳國璽無  
檢幅又不闕疑其一角缺者乃檢也有檢傳攷驗甚  
詳傳于世帝於是取其文而黜其璽不用自作受命  
寶其方四寸有奇琢以白玉篆以蟲魚鎮國受命二  
寶合天子皇帝六璽是為八寶詔曰自昔皆有尚符

璽官今雖隸門下後省遇親祠則臨時具員訖事復  
罷八寶既備宜重典司之職可令尚書省置官如古  
之制又詔曰永惟受命之符常有一代之製而尚循  
秦舊六璽之用度越百年之久或未大備自天申命  
地不受寶獲金玉於異域得妙工於編氓八寶既成  
復無前比殆天所授非人能為可以來年元日御大  
慶殿恭受八寶尚書省言請置符寶郎四員隸門下  
省二員以中人充掌寶於禁中按唐八寶車賀臨幸  
則符寶郎奉寶以從大朝會則奉寶以進今鎮國寶  
受命寶非常用之器欲臨幸則從六寶朝會則陳

寶皆夕納內符寶郎奉寶出以授外符寶郎外符寶  
郎從寶行於禁衛之內朝則分進于御坐之前鎮國  
寶受命寶不常用唯封禪則用之皇帝之寶答鄰國  
書則用之皇帝行寶降御札則用之皇帝信寶賜鄰  
國書及物則用之天子之寶答外國書則用之天子  
行寶封冊則用之天子信寶舉大兵則用之應合用  
寶外符寶郎具奏請內符寶郎御前請寶印訖付外  
符寶郎承受從之二年詔受命寶之上加鎮國二字  
政和七年從于闐得大玉踰二尺色如截肪徽宗又  
制一寶赤螭鈕文曰範圍天地幽贊神明保合大和

萬壽無疆篆以魚蟲制作之工幾於秦璽其實九寸  
檢亦如之號曰定命寶合前八寶為九詔以九寶為  
稱以定命寶為首且曰八寶者國之神器至於定命  
寶乃我所自製也於是應行導排設定命與受命天  
子寶在左鎮國與皇帝寶在右又詔鎮國受命寶與  
天子皇帝之寶其數有八蓋非乾元用九之數比得  
寶玉於異域受定命之符於神霄乃以範圍天地幽  
贊神明保合大和萬壽無疆為文卜云其吉篆以蟲  
魚縱廣之制其寸亦九號曰定命寶來年元日祇受  
又詔差官奏告天地宗廟社稷八年正月一日御大

慶殿受定命寶百僚稱賀其後京城之難諸寶俱失  
之惟大宋受命之寶與定命寶獨存蓋天意也建炎  
初始作金寶三二曰皇帝欽崇國祀之寶祭祀詞表  
用之二曰天下合同之寶降付中書門下省用之三  
曰書詔之寶發號施令用之紹興元年又作玉寶一  
文曰大宋受命中興之寶又得舊寶一歷世寶之凡  
上太上皇尊號冊后太子皆用焉十六年又作八寶  
一曰護國神寶以承天福延萬億永無極九字為文  
二曰受命寶以受命于天既壽永昌為文三曰天子  
之寶四曰天子信寶五曰天子行寶六曰皇帝之寶

七曰皇帝信寶。八曰皇帝行寶。藏之御府。大朝會則陳之上冊寶。尊號冊后太子大禮設鹵簿亦如之。寶之制用玉。尺度鈕鼻大小綬玉環檢制舊制如牌上刻曰某寶。皆裹以朱縷。加緋羅泥金帕。納於小盞。盞三重。皆飾以金。內設金牀。金寶斗龍。鑰金鑲覆以緋羅繡帕。載以腰輿。行馬。孝宗卽位議上太上皇帝尊號曰光堯壽聖太上皇帝。寶用皇祐中法。黍尺量度。乾道六年再加十四字尊號。以寶材元係螭龍鈕。止堪改作蹲龍。其鈕高二寸四分。五釐。厚一寸一分。五釐。竅徑一寸。理宗寶慶三年加上寧宗皇帝徽號。寶

面廣四寸二分。厚一寸二分。蹲龍鈕。通高四寸一分。寶四面鈎碾行龍。

后妃之寶。哲宗元祐元年詔天聖中章獻明肅皇后用五寶。方四寸九分。厚一寸二分。龍鈕。今太皇太后權同處分軍國事宜。依章獻明肅皇后故事。二年又詔太皇太后玉寶以太皇太后之寶爲文。皇太后金寶以皇太后寶爲文。皇太妃金寶以皇太妃寶爲文。中興之後。后寶用金。方二寸四分。高下隨宜。鼻紐以龜斗檢以銀。塗以金。寶盞三重。鈎百花塗金。盤鳳輿案行馬帕褥亦如之。

皇太子寶至道元年製皇太子受冊金寶方二寸厚五寸係以朱組大綬連玉環金斗金檢長五寸闊二寸厚二分裹以紅綿加紅羅泥金帕納於小盞盞以金裝內設金牀又盞二重皆覆以紅羅銷金吧盞及腰輿行馬皆銀裝金塗他法物皆銀爲之釵花塗金中興寶龜鈕金塗銀檢上勒皇太子寶四字金塗銀寶斗黝漆盞三重並錦拓裏外以金塗銀百花鳳葉子五明裝鑰以金鑲載以黝漆腰輿行馬冊制用珉玉簡長一尺二寸闊一寸二分簡數從字之多少聯以金繩首尾結帶前後標首四枚二枚畫

神二枚刻龍鏤金若奉護之狀藉以錦褥覆以緋羅泥金夾吧冊匣長廣取容冊塗以朱漆金鏤百花凸起行龍金鏤帔鎔覆以紅羅繡盤龍蹙金吧承以金裝長竿床金龍首金魚鉤又以紅絲爲條縈匣冊案塗朱漆以銷金紅羅覆之

后冊用珉或以象鏤文以鳳尺寸制度並同帝冊皇太子冊用珉簡六十枚乾道中用七十五枚每枚高尺二寸博一寸二分前後標首四枚長隨簡博四寸其二刻神其二刻龍爲奉護狀貫以金絲首尾結爲金花飾以帔鎔襯以紅羅泥金夾帕藉以錦褥盛

以黝漆匣錦拓裏以金塗銀葉段五明裝隱起百花鳳覆以緋羅泥金帕絡以紅絲結條襯以錦褥載以黝漆腰輿行馬

亡金國寶理宗端平元年命孟珙等以兵從大元兵夾攻金人於蔡州滅之其年四月丙戌大理寺言京湖制置司以所獲亾金寶物來上令金臣參知政事張天綱辨識其玉寶一文曰太祖應乾興運昭德定功睿神莊孝仁明大聖武元皇帝尊謚寶乃金人上其祖阿骨打謚寶也其法物有銷金盞龍紅紵絲袍一透碾雲龍玉帶一內方八胯結頭一塌尾一並玉

塗金結頭一塗金小結攀一連珠環玉束帶一垂頭裏拓上有金龍帶上玉事件大小一十八又玉靶鐵剉一銷金玉事件二皮茄袋一玉事件三天綱稱上項帶國言謂之兒鶻皆其故主完顏守緒常服之物也碾玉巾環一櫛皮龍飾角弓一金籠環刀一紅紵絲靠枕一佩玉大環一皆非臣庶服用之物制旨冊一本舊作聖旨近侍局平日掌此以承受內降指揮壬辰四月故主援東漢光武故事今上書者不得言聖故避聖字不敢當用改作制旨外有臣下虎頭金牌三銀牌八十四塗金印三及諸官署銅印三百一



十二顆法司以守緒函骨及俘囚故寶法物等庭引  
天綱并護尉都尉完顏好海及天綱妻完顏氏烏古  
論栲栳小女瓊瓊一。一審實件列以聞有旨完顏守  
緒遺骸并故寶法物等藏大理寺獄庫天綱好海完  
顏氏烏古論瓊瓊拘諸殿前司候朝旨云。

印制兩漢以後人臣者金印銀印銅印唐制諸司皆  
用銅印宋因之諸王及中書門下卽方二寸一分樞  
密宣徽三司尚書省諸司印方二寸惟尚書省印不  
塗金餘皆塗金節度使印方一寸九分塗金餘印並  
方一寸八分惟觀察使塗金諸王節度觀察使州府

軍監縣印皆有銅牌長七寸五分諸王廣一寸九分  
餘廣一寸八分諸王節度觀察使牌塗以金刻文云  
牌出印入印出牌入其奉使出入或本局無印者皆  
給奉使印景德初別鑄兩京奉使印又有朱記以給  
京城及外處職司及諸軍將校等其制長一寸七分  
廣一寸六分士庶及寺觀亦有私記乾德三年太祖  
詔重鑄中書門下樞密院三司使印先是舊印五代  
所鑄篆刻非工及得蜀中鑄印官祝温柔自言其祖  
思言唐禮部鑄印官世習練篆即漢書藝文志所謂  
屈曲纏繞以模印章者也思言隨僖宗入蜀子孫遂

爲蜀人自是臺省寺監及開封府興元尹印悉令溫  
柔重改鑄焉太宗雍熙元年詔新除漢南國王錢俶  
印宜以漢南國爲文四年詔錢俶新授南陽國王印  
宜以南陽國王之印爲文真宗咸平三年賜山前後  
百蠻王諸諸驅印以大渡河南山前後都鬼王之印爲  
文景德四年鑄交趾郡王印製安南旌節付廣南轉  
運司就賜之大中祥符五年詔諸寺觀及士庶之家  
所用私記今後並方一寸彫木爲文不得私鑄是歲  
七月帝覽河南節度使知許州石普奏狀用許州觀  
察使印以問宰臣王旦對曰節度州有三印節度印

隨本使使缺則納有司觀察印則州長吏用之州印書  
則付錄事掌用幕則納于長吏節度使在本鎮兵仗  
則節度判官掌書記推官書狀用節度印田賦則觀  
察判官支使推官書狀用觀察印符刺屬縣則本使  
判書用州印故命帥必曰某軍節度某州管內觀察  
等使某州刺史言軍則專制其兵旅言管內則總察  
其風俗言刺史則蒞其州事石普獨書奏章當用河  
西節度使印仁宗景祐三年少府監言得篆文官王  
文盛狀在京三司糧料院頻有人偽造印記印成旁  
曆盜請官物欲乞鑄造圓印三面每面濶二寸五分

於外一匝先篆年號及糧料院名計十二字次一匝篆寅印十二辰亦十二字中心篆正字上連印鈕鑄成轉關以機宄定之用時逐月分對年終轉逮十二月自寅至丑終始使用所有轉關正字次月轉定之時令本院官封押選差人行使其印遇改年號即令別鑄詔三司定奪以聞三司請如文盛奏後又命知制誥邵必致中丞蘇唐卿詳定天下印文必唐卿皆通篆籀然亦無所釐改焉神宗熙寧五年詔內外官及谿洞官合賜牌印並令少府監鑄造送禮部給付元豐三年廣西經略司言知南丹州莫世忍貢銀香獅

子馬遂賜以印以西南諸道武盛軍德政官家明天國主印爲文并以南丹州刺史印賜之仍詔經略司毀其舊印六年舊制貢院專掌貢舉其印曰禮部貢舉之印以廢貢院事歸禮部別鑄禮部貢舉之印是歲十二月詔自今臣僚所授印亡歿並賜隨葬不即隨葬因而行用者論如律中興仍舊制惟三省樞密院同銀印六部以下用銅印諸路監司州縣亦如之寺監惟長貳給焉屬則從其長若倉庫關淤財用司存或給之監司州縣長官曰印僚屬曰記又下無記者止令本道給以木朱記文大方寸或御命出境者

以奉使印給之復命則納于有司後以朝命出州縣者亦如之新進士置團司亦假奉使印結局還之此常制也南渡之後有司印記多亡失彼遺此得各自收用尚方重鑄給之加有在二年或冠年號以別新舊然歎偽猶未能革乾道二年禮部請郡縣假借印記者悉毀而更鑄四年兵部侍郎陳彌作言六部印藏於官以牌出入而胥吏用於戶外或借用於他廳近有偽爲文符盜印以支錢糧者有偽作奏鈔盜拆御寶而改秩者皆慢藏有以誨之詔三省申嚴戒敕紹熙元年禮部侍郎李璪言文書有印以示信防姦

給毀悉經省部具有條制然州縣沿猶或以縣佐而用東南將印以掾曹而用司寇舊章名既不正弊亦難防請令有司製州縣官合用印記舊印非當用者毀之紹興十四年臣僚又言印信事重凡有官司印記年深篆文不明合改鑄者非進呈取旨不得改鑄馬時更鑄者成都府錢引每界以銅朱記給之行在都茶場會子庫每界給印二十五國用印二紐各以三省戶房國用司會子印爲文檢察印五紐各以提鎮會子庫檢察印爲文庫印五紐各以會子庫印造會子印爲文合用印十二紐內一貫文二紐各以會子

庫一貫文合同印爲文五百文二百文準此蕃國效  
順者給以銅印南安國王李天祚乞印以南安國王  
之印六字爲文方二寸給牌皆以銅鑄金塗西蕃龍  
右郡王趙懷恩乞印以龍右郡王之印爲文給之宜  
州界外諸蠻乞印以宜州管下羈縻某州之印爲文  
凡六十顆給之其後文武百司節次所鑄不備載朱  
記同舊制紹興二年始鑄親賢宅益王府銅朱記二  
十七年改鑄建康戶部大軍庫記三十年鑄馬軍司  
統制統領官朱記二十二年鑄鄧恭慶王直講贊講  
朱記隆興元年鑄知督府僉聽記又鑄寄禧庫記二

年鑄戶部大軍庫勘合庫子記二鈕湖廣總領所覆  
印曾子記二鈕乾道二年鑄成都錢引務朱記淳熙  
十六年鑄建康榷貨務中門大門之記凡內外官有  
請於朝則鑄給焉用木者易之以銅

符券唐有銀牌發驛遣使則門下者給之其制闊一  
寸半長五寸面刻隸字曰敕走馬銀牌凡五字首爲  
竅資以青帶其後罷之宋初令樞密院給券謂之頭  
子太宗太平興國三年李飛雄詐乘驛謀亂伏誅詔  
罷樞密院券乘驛者復制銀牌闊二寸半長六寸易  
以八分書上綴二飛鳳下綴二麒麟兩邊年月貫以

紅絲條端拱中以使臣護邊兵多遺失又罷銀牌復給樞密院券仁宗康定元年五月翰林學士承旨丁度翰林學士王堯臣知制誥葉清臣等請製軍中傳信牌及兵符事詔令兩制與端明殿學士李叔詳定奏聞軍中符信竊要杜絕姦詐深合機宐令請下有司造銅兵符給諸路總管主將每發兵三百人或全指揮以上卽用又別造傳信朱漆木牌給應軍中往來之處每傳達號令關報會合及發兵三百人以下卽用又檢到符彥卿軍律有字驗亦乞令於移牒傳信牌上兩處參驗使用一銅兵符漢制銅鑄上刻虎

形今聞皇城司見有木魚契乞令省司用木契形其精巧鑄造陝西五路每路依漢制各給一至二十計二十面更換給用仍以木牒為照驗一傳信木牌先朝舊制合用堅木朱漆為之長六寸闊三寸腹背刻字而中分之字云某路傳信牌却置池槽牙縫相合又鑿二竅置筆墨上帖紙書所傳達事用印印號上以皮繫往來軍吏之項臨傳言應有取索並以此牌為言寫其上如已曉會施行訖復書牌上遣迴今乞下有司造牌每路各給一面為樣餘令本司依此製造分給諸處更換使用城砦分屯軍馬亭酒往來

關會之處亦如數給與三字驗片軍行計會不免文牒或主司遺失懼罪軍使被擒軍中所謀自然泄露故每分屯軍馬之時與主將密定字號各掌一碼不令左右人知其義理但於尋常公牋文移內以此字私為契約有所施行依此參驗不得字有重疊及用兇惡嫌疑之語每用文牒之上別行寫此字驗訖印其上發往如所請報到許即依號却寫印遺回如不許即空之此惟主將自知他人皆不得測符彥卿元用四十條以四十字為號今檢得只有二十七條內亦有不急之事今減作二十八字所貴軍中戎旅

人事簡易記詔並從之嘉祐四年三司使張方平編驛券則例凡七十四條賜名嘉祐驛令神宗熙寧五年詔西作坊鑄造諸銅符三十四副令三司給左契付諸門右契付大內鑰匙庫今後諸門輪差人員依時轉銅契入赴庫勘同其鐵牌只請人自執在外仗止宿本庫依漏刻發鑰匙付外仗驗請人鐵牌給付候開門訖却執鐵牌納鑰匙請出銅契至晚却依上請納其開門朝牌六面亦隨銅契依舊發放時神宗以京城門禁不嚴素無符契命樞密院約舊制更造銅契中刻魚形以門名識之分左右給納以戒不虞

而啓閉之法密於舊矣。元豐元年詳定禮文所言舊南郊式車駕出入宣德門太廟靈星門朱雀門南薰門皆勘箭。熙寧中因叅知政事王珪議已罷勘箭而勘契之式尚存。春秋之義不敢以所不信加之尊者。且雷動天行無容疑貳。必使誰何而後過門不應典禮。考詳事始不見於開寶禮。咸平中初載於儀注。蓋當時禮官之失請。自今車駕出入罷勘契從之。高宗建炎三年改鑄虎符。樞密院主之。其制以銅爲之。長六寸。濶三寸。刻篆而中分之。以左契給諸路。右契藏之門。符制以繒裏紙版謂之號。皇城司掌之。敕入禁

衛號黃綾八角二千道入殿門黃絹以方一千道。宮門黃絹以圓八千道入皇城門黃絹以長三千道。紹興一年正月所定也。後更宮門號以緋紅絹。方皇城門以緋紅絹圓。遂久用之。後復盡以黃或方或圓各隨其制。又有檄牌。其制有金字牌。青字牌。紅字牌。金字牌者日行四百里。郵置之最速。遞也。凡赦書及軍機要切則用之。由內侍省發遣焉。乾道末樞密院置雌黃青字牌。日行三百五十里。軍期急速則用之。淳熙末趙汝愚在樞筦乃作黑漆紅字牌。奏委諸路提舉官催督。歲校遲速最甚者以議賞罰。其後尚書



省亦踵行之仍命遂州通判具出入界日時狀申省  
久之稽緩復如故紹熙末遂置擺鋪焉

宮室汴宋之制侈而不可以訓中興服御惟務簡省  
宮殿尤朴皇帝之居曰殿總曰大內又曰南內本杭  
州治也紹興初創爲之休兵後始作崇政垂拱二殿  
久之又作天章等六閣寢殿曰福寧殿淳熙初孝宗  
始作射殿謂之選德殿八年秋又改後殿擁舍爲別  
殿取舊名謂之延和殿便坐視事則御之他如紫宸  
文德集英大慶講武惟隨時所御則易其名紫宸殿  
遇朔受朝則御焉文德殿降赦則御焉集英殿臨講

策士則御焉大慶殿行冊禮則御焉講武殿閱武則  
御焉其實垂拱崇政二殿權更其號而已二殿雖曰  
大殿其修廣僅如大郡之設廳淳熙再修止循其舊  
每殿爲屋五間十二架修六丈廣八丈四尺殿南簷  
屋三間修一丈五尺廣亦如之兩朵殿各二間東西  
廊各二十間南廊九間其中爲殿門三間六架修三  
丈廣四丈六尺殿後擁舍七間卽爲延和其制尤卑  
陛階一級小如常人所居而已奉太上則有德壽宮  
重華宮壽康宮奉聖母則有慈寧宮慈福宮壽慈宮  
德壽宮在大內北望仙橋故又謂之北內紹興三十

二年所造宮成詔以德壽宮爲名高宗爲上皇御之重  
華卽德壽宮也孝宗遜位御之壽康宮卽寧福殿也  
初丞相趙汝愚議以秘書省爲泰寧宮已而不果行  
以慈懿皇后外第爲之上皇不欲遷因以舊寧福殿  
爲壽康宮光宗遜位御之大內苑中亭殿亦無增其  
名稱可見者僅有復古殿損齋觀堂芙蓉閣翠寒堂  
清華閣。櫺木堂。隱岫澄碧倚柱隱秀碧琳堂之類此  
南內也北內苑中則有大池引西湖水注之其上臺  
石爲山象飛來峰有樓曰聚遠禁籞周回四分之東  
則香遠清深月臺梅坡松菊三徑清妍清新芙蓉閣

南則載忻欣欣射廳臨賦燦錦至樂半丈紅清曠瀉  
碧西則冷泉文杏館靜樂浣溪北則絳華旱船俯翠  
春桃盤松皇太子宮曰東宮其未出閣但聽讀于資  
善堂堂在宮門內已受冊則居東宮宮在麗正門內  
紹興三十二年始置孝宗居之莊文太子立復居之  
光宗爲太子孝宗謂輔臣曰今後東宮不須初建朕  
宮中宮殿多所不御可移修之自是皆不別建淳熙  
二年始初射堂一爲游藝之所圃中有榮觀王淵清  
賞等堂鳳山樓皆宴息之地也幕殿卽周官大小次  
也東都時郊壇大次謂之青城祀前一日宿齋詣焉

其制中有二殿外有六門前曰泰禋後曰拱極東曰祥曦西曰景曜東偏曰承和西偏曰迎禧大殿曰端誠便殿曰熙成中興後以事天尚質屢詔郊壇不得建齋宮惟設幕屋而已其制架木而以葦為障上下四旁周以幄帟以象宮室謂之幕殿及行事又於壇所設小次大小次之外又有望祭殿遇雨則行事於中東都時為瓦屋五間周圍重廊中興後惟設葦屋蓋倣清廟茅屋之制也

臣庶室屋制度宰相以下治事之所曰省曰臺曰部曰寺曰監曰院在外監司州郡曰衙在外稱衙而在

內之公卿大夫士不稱者按唐制天子所居曰衙故臣下不得稱後在外藩鎮亦僭曰衙遂為臣下通稱今帝居雖不曰衙而在內省部寺監之名則仍唐舊也然亦在內者為尊者避在外者遠君無嫌歟私居執政親王曰府餘官曰宅庶民曰家諸道府公門得施戟若私門則爵位穹顯經恩賜者許之在內官不設亦避君也凡公宇棟施瓦獸門設楹桓諸州正牙門及城門並施鴟尾不得施拒鵠六品以上宅舍許作烏頭門父祖舍宅有者子孫許仍之凡民庶家不得施重拱藻井及五色文采為飾仍不得四鋪飛簷

庶人舍屋許五架門一間兩厦而已

七月十三侵晨閣竟中身出門詣遵王宮大  
兩淹播是日是日新生逆紫旗采爭耀跨多一  
天風雨莫不靡洽通國拍掌笑曰未老蒼生孤  
寒灘漲也眾人之口忽出高言况公道者生人心  
虜 是日甲子立秋第二日也秋甲子而未頭生

國

